

逸周書舊序

古書之存者六籍之外蓋亦無幾汲冢周書其一也其書十卷自度訓至於器服凡七十解自敘其後爲一篇若書之有小序同孔晁爲之註晉太康中盜發汲郡魏安釐王家而得之故繫之汲冢所言文王與紂之事故謂之周書劉向謂是周時誓誥號令孔子刪錄之餘班固藝文志亦有其篇目司馬遷記武王伐紂之事正與此合然則兩漢之時已在中祕非始出於汲冢也觀其屬辭成章體製絕不與百篇相似亦不類西京文字是蓋戰國之世逸民處士之所纂

緝以備私藏者性命道德之幾微文武政教之要略
 與夫諡法職方時訓月令無不切於脩己治人雖其
 閒駁而不純要不失為古書也郡太守劉公廷幹好
 古尤至出先世所藏命刻板學官俾行於世上不負
 古人之用心下得以廣諸生之聞見其淑惠後人不
 既多乎至正甲午冬十一月四明後學黃玠謹志

晉太康二年汲郡人不音彪。文昭案何超晉書音義云不甫鳩反姓也。準

私發魏安釐王冢得竹書數十車其紀年十三篇易

經二篇易繇陰陽卦二篇卦下易經一篇公孫段二

篇文昭案晉書段作段說文瑕字引左氏傳鄭公孫瑕字子石乎加切又九經字樣瑕音霞云見春秋

然則作段字未為非也公孫段與邵涉論易國語三篇言楚晉

事名三篇似爾雅論語又似禮記師春一篇瑣語十

一篇諸國夢卜妖相書也梁丘藏一篇先敘魏之世

數次言丘藏金玉事繳書二篇論弋射法生封一篇

帝王所封大歷二篇鄒生談天類也穆天子傳五篇

圖詩一篇又雜書十九篇凡七十五篇七篇簡書折

壞不識名題漆書皆科斗文字多燼簡斷札文既殘

缺不復詮次武帝詔荀勗撰次之以為中經列在祕

書著作郎東皙得觀竹書隨疑分釋皆有義證此晉

書武帝紀荀勗及東皙傳文也又杜預春秋集解後

序亦云汲冢古文七十五卷多不可訓周易及紀年最爲分了周易上下篇與今正同別有陰陽說而無彖象文言繫辭其紀年起自夏殷周皆三代王事無諸國別也惟特記晉國起自殤叔皆用夏正建寅之月爲歲首編年相次晉滅獨記魏事至魏哀王之二十年蓋魏國之史記也文大似春秋經又稱伊尹放太甲七年太甲潛出自桐殺伊尹乃立其子伊陟伊奮令復其父之田宅而中分之師春一卷則純集左氏傳卜筮事合此觀之汲冢所得書雖不可見而其目悉具於此曾無一語及所謂周書者也

文昭案東晉傳又有

雜書十九篇內周書論楚事然則亦非此周書也

案漢藝文志有逸周書之

十一篇

文昭案漢志無逸字

以今所謂汲冢周書校之止缺四

篇蓋漢以來原有此書不因發冢始得也李善注文選日月遠在晉後而其所引亦稱逸周書不曰汲冢書也惟宋太宗時脩太平御覽首卷引目始有汲冢周書之名蓋當時儒臣求汲冢七十五篇而不得遂以逸周書七十一篇充之矣

文昭案隋唐志已云汲冢矣

晁氏公

武陳氏振孫洪氏适高氏似孫黃氏震李氏燾吳氏

澄周氏淇謨號通知古今者皆未暇深攷

文昭案李與巖已云

繫之汲冢失其本矣并菴失攷

余故錄晉書及左傳後序文於此則

此書也當復其舊名題曰逸周書可也嘉靖壬午八月望日楊慎書

史以專辭勝如以事而已則自周秦以逮於今體無論繁簡辭無論工拙而是非善敗興壞之端備見於史何可廢也如以辭而已則自左氏內外傳子長孟堅二書以及於范曄陳壽而下遂無足論然吾以爲皆不能當左氏左氏所紀載雖斷自東遷以後而彼其時去古未遠所稱引多三代盛時微言遺事迄今讀之若揭日月而行千載其博大精深之旨非晚世學者所及固道法所存而六藝之羽翼也等左氏而

上之則無如世所稱汲冢周書者周書七十一篇自劉歆七略班史藝文志已有之而汲冢發自晉太康二年得書七十五篇其目具在無所謂周書當仍舊名不得繫之汲冢楊用脩太史論辨甚嚴茲可無論其文辭湛深質古出左氏上所不必論若鄭謀世俗諸篇記武王謀伐殷與克殷俘馘甚眾往往誇誕不雅馴疑衰周戰國之士以意參入之然吾觀文傳柔武和寤大聚度邑時訓官人王會職方諸篇其陳典常垂法戒辨析幾微銓敘名物亦有非叔季之主淺聞之士所能彷彿者蓋文武周公所爲政教號令概

見此書固不徒以事與辭勝而已也。上明氏以博物君子杼藻摘辭，臣素王以垂不朽千載而下誦法素王者，不能舍左氏故。諸家訓詁，犁然甚具。而周書視左氏辭，特深與流俗畏難好易，不復研覈孔晁一注。寥寥及今，亦頗多繆誤矣。楊用脩太史嘗序是書，以傳顧未嘗一爲參合，譬校予讀之，不無遺憾。乃稍加參訂，正其舛誤，其不可以意更定者，仍闕之以俟博聞之士說者。謂尙書纂自孔子，而此逸書者，劉向以爲孔子所論之餘，若不足存，嗟乎是書不知當孔子刪與否，其指誠不得與經竝然。其事則文武周公其

文辭則東周以後作者不逮也。蓋不離屬辭紀事而道法猶有存者，謂尙書百篇而外是書無一語足傳於經，吾猶疑之。安得以一二駁辭盡疑其爲孔子所誦，遂置不復道哉。自六藝以下，文辭最質古者無如。是書與周髀穆天子傳諸篇，而是書深遠矣。然皆殘缺漫漶，不甚可讀。蓋去古日遠，綴文者喜爲近易，故時俗之言易傳，而古語日就脫誤，有足歎者。予旣刻是書，因爲敘之如此。姜士昌仲文序。

逸周書目錄

卷一

度訓解第一

命訓解第二

常訓解第三

文酌解第四

繆匡解第五

卷二

武稱解第六

允文解第七

國家圖書館, NATIONAL CENTRAL LIBRARY, TAIWAN, R.O.C.

大武解第八

大明武解第九

小明武解第十

大匡解第十一

程典解第十二

程寤解第十三

素陰解第十四

九政解第十五

九開解第十六

劉法解第十七

文開解第十八

保開解第十九

八繫解第二十 以上八篇七

卷三

鄧保解第二十一

大開解第二十二

小開解第二十三

文傲解第二十四

文傳解第二十五

柔武解第二十六

大開武解第二十七

小開武解第二十八

寶典解第二十九

豐謀解第三十

寤傲解第三十一

武順解第三十二

武穆解第三十三

卷四

和寤解第三十四

武寤解第三十五

克殷解第三十六

大匡解第三十七

文政解第三十八

大聚解第三十九

世俘解第四十

箕子解第四十一

耆德解第四十二

卷五

商誓解第四十三

度邑解第四十四

武備解第四十五

五權解第四十六

成開解第四十七

作雜解第四十八

皇門解第四十九

大戒解第五十

卷六

周月解第五十一

時訓解第五十二

月令解第五十三

闕今補

諡法解第五十四

明堂解第五十五

嘗麥解第五十六

本典解第五十七

卷七

官人解第五十八

王會解第五十九

卷八

祭公解第六十

史記解第六十一

職方解第六十二

卷九

芮良夫解第六十三

太子晉解第六十四

王佩解第六十五

殷祝解第六十六

周祝解第六十七

卷十

武紀解第六十八

法解第六十九

器服解第七十

周書序

逸周書目錄終

逸周書

目錄

五

通志書

目錄

五



國家圖書館. NATIONAL CENTRAL LIBRARY. TAIWAN. R.O.C.

逸周書卷第一

晉孔晁注

度訓解第一

命訓解第二

常訓解第三

文酌解第四

繹匡解第五

度訓解第一

天生民而制其度。聖人爲制法度，度小大以正權，輕重以極明本末以立中。制法度所以立中正，立中以補損，補損以知足。損益以中爲制，故知足也。口爵以明等極。極中也，貴賤之等尊卑之中也。極



以正民正中外以成命注內外正則大命成也正上

下以順政注順其政教政以內口口口自邇彌興自

遠遠邇備極終也口微補在口口分微在明注知精

口口口口微分理有明故明王是以敬微而順分分

次以知和知和以知樂知樂以知哀知哀以知慧內

外以知人注慧者甚明所以知人凡民生而有好有

惡小得其所好則喜喜舊本作善今從沈改大得其所好則樂

小遭其所惡則憂大遭其所惡則哀注言其性之自

然凡民之所好惡生物是好死物是惡民至有好而

不讓不從其所好必犯法無以事上注不讓則爭爭

則必犯法矣民至有惡不讓不去其所惡必犯法無

以事上徧行於此尙有頑民而況口不去其所惡而

從其所好民能居乎注徧謂兼行好惡也能居乎言

不能居好也舊本正文作而況曰以可去其惡而得其所好民能居乎今從沈改注居好好

字亦疑術若不口力何以求之注言力爭也力爭則力政

力政則無讓無讓則無禮無禮雖得所好民樂乎注

爭則不樂若不樂乃所惡也凡民不忍好惡不能分

次注忍為持久堅以次第為疑當作謂堅字句以疑當作次不次則

奪奪則戰戰則何以養老幼何以救痛疾死喪何以

胥役也注胥相也明王是以極等以斷好惡教民次

通周書 卷一 二

分揚舉力竟

揚舉舊作注下卷二字今從卜本作正也優為下三事

也優為下三事

任壯養老長幼有報

壯者任之老

者養之幼者長之使相報此謂力竟也民是以胥役

也夫力竟非衆不尅衆非和不衆

非中不立中非禮不慎禮非樂不履明王是以無樂

非人無哀非人

以衆人衆賞多罰少政之美也罰多賞少政之惡也

罰多則困賞多則乏困無醜

至醜謂所厚

子孫習服鳥獸仁德

歸其仁德土宜天時

百物行治

土之所宜天時所生皆行其物治之

靡初哉

明醜以使之所以成順者也長幼咸而生日順極

言使小人大人皆成其事上之心而生其義順之

至也

命訓解第二

天生民而成大命

賢愚自然之性命也命司德正

之以禍福

命有常小命日成成則敬有常則廣廣以敬命則度

至于極注日成日進也如有常則其人法度至中正

也夫司德司義而賜之福祿福祿在人能無懲乎若

懲而悔過則度至于極注懲止也以德居身深術息

其義案能無懲乎三句又見下文謝云悔過即所以

晦夫或司不義而降之禍在人能無懲乎若懲而悔

過則度至于極夫民生而醜不明無以明之能無醜

乎若有醜而競行不醜則度至于極注不謂醜者若

道上為君無以明之民不能自明也在上者能無醜

乎謂旌別淑慝也舉直錯枉能使枉者直夫

斯所謂競行不醜也是則止於至善矣下無以穀

之無以畏之皆謂民能無勸乎能無恐乎皆謂君

夫民生而樂生無以穀之能無勸乎若勸之以忠趙疑

若勸

以之則度至于極注穀善也謂忠信也夫民生而惡

死無以畏之能無恐乎若恐而承教則度至于極注

以死亡恐民使奉上易教也六極既通六閒具塞注

六中之道通則六閒塞矣通道通天以正人正人莫

如有極道天莫如無極注道謂言說之也趙云道即

注訓言非是文昭案天道遠人道道天有極則不威

邇此即民可使由之不可使知之不威則不昭正人無極則不信不信則不行注政教

不明明王昭天信人以度功地以利之使信人畏天

則度至于極夫天道三人道三注言相方以立教天

有命有禍有福人有醜有紕統有斧鉞紕統與以人

之醜當天之命以緇綽當天之福以斧鉞當天之禍

六方三述其極一也述與術同不知則不存一者善之

謂也不行善不知故也極命則民墮民墮則曠命曠

命以誠其上則殆於亂注此下六極謂行之極其道

殆近極福則民祿民祿則干善干善則不行注不行

善也極禍則民鬼民鬼則淫祭淫祭則罷家注罷弊

其財冀無禍也極醜則民叛民叛則傷人傷人則不

義注民不堪行則叛義也極賞則民賈其上賈其上

則民無讓無讓則不順注賈賣以功求其賞也極罰

則民多詐多詐則不忠不忠則不報注上遇其禮不

報口終凡此六者政之始也明王是故昭命以命之

曰大命世小命身注違大命則世受罰犯小命則罰

身舊本正文作大命世罰小命罰身案大戴禮本命

注以明之今福莫大於行義禍莫大於淫祭醜莫大

於傷人賞莫大於信義讓莫大於賈上罰莫大於貪

詐注言此六者最大文昭案行義當依上文作于善

文此皆約上文而言上云無讓此安得云讓所謂六

者兼命而言也其語意非以干善為福淫祭為禍所

謂莫大正申言極之害大耳與孝經罪莫大於不孝

之語不同後人以福莫大於干善賞莫大於賈上語

勢似不順遂爾改之所云讓莫大於賈上何解將以

指辭讓而言古之明王奉此六者以牧萬民民用而

不失注不失其義撫之以惠和之以均斂之以哀娛
 之以樂慎之以禮教之以藝震之以政動之以事勸
 之以賞畏之以罰臨之以忠行之以權注以權行之
 權不法忠不忠罰不服賞不從勞事不震政不成注
 言行權當有如此時時字疑誤藝不淫禮有時樂不滿哀
 不至均不壹惠不忍人凡此物攘之屬也注物事惠
 而不忍人人不勝害害不如死注害則死口而猶不
 如口均一則不和哀至則匱樂滿則荒禮無時則不
 貴藝淫則害于才政成則不長事震則寡功注不長
 言近淺也震而其功寡矣以賞從勞勞而不至以法

從中則賞賞不必中以權從法則行行不必以知權
以法從中以下數句有脫誤以上文推之賞之下當
 言罰言忠然後終於權也趙云當作以法從賞賞不
 必中以權從法法權以知微微以知始始以知終注
 則必行行以知權言事勢之相權物理之相致如此也

常訓解第三

天有常性人有常順順在可變性在不改注學能故
 可變自然故不改不改可因因在好惡好惡生變變
 習生常常則生醜醜命生德注雖有天性可因其好
 惡以變之明醜所以命之則德生矣明王於是生政
 以正之民生而有習有常以習為常以常為慎民若

生于中習常為常習常為常如性自然故若生于中也夫習民乃常為自血氣始性本所有而幼小習之若自其血氣生之始也明王自血氣耳目之習以明之醜示之以好惡也醜明乃樂義樂義乃至上上賢而不窮窮謂不肖之人哀樂不淫民知其至而至于子孫民乃有古古者因民以順民皆有經遠之規謂之有古父教子子教孫故曰因也夫民羣居而無選為政以始之始之以古終之以古言政必敬始慎終選行也行古志今政之至也政維今法維古頑貪以疑疑意以兩平兩以參參伍以權權

數以多多難以允允德以慎慎微以始而敬句終乃

不困重明終始之義左傳襄廿五年引慎始而敬終終以不困又中論法象篇

亦困在至誘在王民乃苟苟乃不明哀樂不時四徵

不顯六極不服八政不順九德有姦九姦不遷萬物

不至言以至導民政之弊夫禮非尅不承非樂不

竟民是乏生口好惡有四徵喜樂憂哀動之以則發

之以文成之以民行之以化以中道化之也六極

命醜福賞禍罰醜舊本作聽訛六極不羸羸謂無常八政

和平八政夫妻父子兄弟君臣八政不逆九德純恪

九德忠信敬剛柔和固貞順順言曰政順政曰遂遂

偽曰姦姦物在目姦聲在耳耳目有疑舊本目作因詭又有下有皆字衍疑言有樞樞動有和和意無等注等謂差等今改刪萬民無法口口在赦口復在古古者明王奉法以明幽幽王奉幽以廢法奉則一人也而績功不同注所行相反故也明王是以敬微而順分

文酌解第四

民生而有欲有惡有樂有哀有德有則則有九聚德有五寶哀有四忍樂有三豐惡有二咎欲有一極注廣演其義也極有七事咎有三尼豐有三頻忍有四教寶有五大聚有九酌注又敷陳也九酌一取允移

人二宗傑以親

舊本作以觀今據下注改

三發滯以正民

趙疑當作振民

四貸官以屬五人口必禮六往來取此

趙疑取此言求其相稱也

七商賈易資八農人美利九口寵可動

此言所酌

為政之事英傑人當親之也五大一大知率謀二大

武劔勇三大工賦事四大商行賄五大農假貸注率

謀言為謀之帥假貸恤貧振施者也四教一守之以

信二因親就年三取馭免枯四樂生身復注就年尊

長年也馭近也免枯無患也三頻一頻祿質潰潰字依宋

本俗開本作瀆二陰福靈極三畱身散真注頻數也散失也

三尼一除戎咎醜二申親考疏三假時權要注尼是

也咎罪也考成也時是也七事一騰咎信志二援拔

瀆謀三聚疑沮事惠案聚字說文引作四騰屬威衆曩云衆盛也所臻切

五處寬身降六陵塞勝備七錄兵免戎騰勝也錄

謂不備兵卜本戎一極惟事昌道開蓄伐言事事

皆以忠政行之則吉昌之道開行而征伐之道蓄之

也忠政趙謂伐有三穆七信一幹二御三安十二來

當作中正言征伐之道必有此事可也三穆一絕靈破城二

筮奇昌為三龜從惟凶絕靈不淫祀也不正而卜

雖從而凶惠半農云三穆七信一仁之慎散二智之

完巧三勇之精富四族之寡賄五商之淺資六農之

少積七貴之爭寵七者所宜信明之也一幹勝權

輿言有權無不與謝云注謬幹謂骨幹勝讀平聲

云勝權輿言當先二御一樹惠不憇二既用茲憂立勝算于其始

憇巔也以為已巔也既盡憇字無攷三安一定居安

帑二貢貴得布三刑罪布財十二來一弓二矢歸射

射當可用三輪四輿歸御言御可用五鮑六魚

歸蓄積以為資鄭注周官籩人膳鮑魚鱠云鮑者

也七陶八冶歸竈口竈善則陶冶良也注長舊詛

九柯十匠歸林林當作材匠以為用十一竹十二

葦歸時取之以時所以來人也三穆七信一幹二

龜周書 卷一 九

御三安十二來伐道咸布物無不落落物取配維有

永究注落始也類也究終也趙云落落如左傳落實取材之落不當訓始急

哉急哉後失時宋本重急哉

糴匡解第五

成年年穀足賓祭祭以盛注言賓客宗廟足而不奢

也正文年字祭字各衍其一注不奢何本作不儉詰以盛似九切與記所云祭豐年不奢不必強合

大馴鍾絕服美義注大馴後落淫過謝云大馴鍾絕注亦難曉

義當闕疑服美義淫謂禮之盛也注訓淫為過凡義之所當為者皆可過盛淫如聲淫及商之淫與周書

服美于人迥異阜畜約制餘子務藝注阜廩別名畜則馬約

制不常秣餘衆也藝樹也注秣字舊訛秩今從趙改秣馬食穀也宮室

城廓脩為備供有嘉菜於是日滿注嘉善也謂薑蒜

之屬滿也廓與郭同嘉菜本亦作嘉菜注舊年儉穀本訛作為薑等也屬滿之今改正

不足賓祭以中盛注有黍稷無稻粱樂唯鍾鼓不服

美注外有祭服內無文飾外內二字疑衍三牧五庫補攝注

事物相兼不物設也文昭案三牧當謂戎馬田馬駕馬三物之牧也月令季春令百

工審五庫之量金鐵一也皮革筋一也凡美不脩餘

子務穡於是糺秩注糺之令有事秩年饑則勤而不

賓舉祭以薄注用下牲也樂無鍾鼓凡美禁書不早

羣疑畜不車不雕攻兵備不制民利不淫注攻治文

案爾雅攻善也謂功緻也征當商旅以救窮乏問隨鄉不鬻熟注

鬻賣正文舊作聞隨鄉下鬻塾詔謝云大匡解有鄉問其人語又云無粥熟此當作問隨鄉不鬻熟

者於是救困大荒有禱無祭注饑饉師旅為大荒也章本亦作鄉不作卿今從改正分助有匡以緩無

穀梁襄廿四年傳鬼神禱而不祀注范國不稱樂企不

甯引周書曰大荒有禱無祀注即此文

滿壑刑罰不脩舍用振穹注不滿壑不于治地舍用

常以振民也鍾伯敬本地作也因疑于治或君親巡

方卿參告糴餘子倅運開口同食民不藏糧曰有匡注倅副也盡行此事名曰有匡也左傳振廩同俾民

畜唯牛羊於民大疾惑殺一人無赦注雖有凶疾惑

而相殺者不赦也男守疆戎禁不出五庫不膳喪禮

無度察以薄資注戎事自守而已不征伐也喪儉也

而速喪察用注脫禮無樂宮不幃嫁娶不以時賓

旅設位有賜注不以時秋冬也媒氏會口口合之賓

旅隨位賜之不饗燕案媒氏司男女之無夫家者而

一也注所脫蓋不止二字又饗燕本多作錫燕今從何本

逸周書卷第一



國家圖書館, NATIONAL CENTRAL LIBRARY, TAIWAN, R.O.C.



逸周書卷第二

晉孔晁注

武稱解第六

允文解第七

大武解第八

大明武解第九

小明武解第十

大匡解第十一

程典解第十二

程寤解第十三

秦陰解第十四

九政解第十五

九開解第十六

劉法解第十七

文開解第十八

保開解第十九

八繁解第二十

武稱解第六

大國不失其威小國不失其卑敵國不失其權注此

即所謂稱也距險同並小奪亂口強攻弱

而襲不正武之經也注經常伐亂伐疾伐疫武之順

也注武道逆取順守故曰順也賢者輔之亂者取之

作者勸之怠者沮之恐者懼之欲者趣之武之用也

注武以為用事也美男破老美女破舌今戰國秦策

舌作破少唯高誘淫圖破口淫巧破時淫樂破正淫

言破義武之毀也注凡行此事所以毀敵國也赦其

衆遂其咎撫其口助其囊武之閒也餽敵以分而照

其備以伐輔德追時之權武之尚也注以分謂以分

器土田餌之此術春違其農秋伐其穡夏取其麥冬

寒其衣服春秋欲舒冬夏欲亟武之時也注寒衣為

敗其絲麻冬夏寒暑盛故欲疾之注疾舊作度案正

疾也故長勝短輕勝重直勝曲衆勝寡強勝弱飽勝

飢肅勝怒先勝後疾勝遲怒忿兵也古人謂敬可以

疑怒是怠之誤武之勝也注肅敬也追戎無恪窮寇

不格注格鬪也力倦氣竭乃易克乃易克上疑脫一

武之追也注追敵之法既勝人舉旗以號令命吏禁

掠無取侵暴爵位不謙田宅不虧各寧其親民服如

兔司書 卷二 二

化武之撫也注謙損也寧安也案謙當與減同百姓咸服偃

兵與德夷厥險阻以毀其服四方畏服奄有天下武

之定也注毀武謂毀服之案注言毀武則正文以毀其服當作武且與上下

句韻皆協惠云左氏傳楚莊王曰夫武禁暴戢兵保大定功安民和衆豐財者也七者皆具此篇中

允文解第七

思靜振勝允文維記注以靜規勝康文武昭告周

行維旌所在注旌旗治亂所在收武釋賄無遷厥里

官校屬職因其百吏注收其戎器不取賄因其官吏

無敢改公貨少多振賜窮士救瘠補病賦均田布注

主施赦布政也命夫復服用損憂恥孤寡無告獲厚

咸喜注損除憂恥謂赦罪振窮敷大惠也咸問外戚

書其所在遷同氏姓位之宗子注誅其君爲之主曰

及羣臣宗主率用十五綏用口安文昭案夏小正綏多女上此當是綏

用士女與韻協作女士亦協教用顯允若得父母注懷其德政也

寬以政之孰云不聽聽言靡悔遵養時晦注養時闇

昧而誅之晦明遂語于時允武死思復生生思復所

注使昧者脩明而遂告以信武也人知不棄愛守正

戶上下和協靡敵不下注人守正戶言不逃亡執彼

玉珪以居其宇庶民咸畔童壯無輔無拂其取通其

疆士民之望兵若待父母注彼謂亂邦之君是故天

下一旦而定有四海

大武解第八

武有六制政攻侵伐搏戰注政者征伐之政善政不

攻善攻不侵善侵不伐善伐不搏善搏不戰注言廟

勝也北堂書鈔一百十三引周書七制一曰征二曰

不侵善侵不伐善伐不陣善陣不鬪善鬪政有四威

五和攻有四攻五良侵有四聚三斂伐有四時三興

搏有三哀四赦戰有六厲五衛六庠五虞注此皆有

義然後能致其攻四威一內姓二外婚三友朋四同

里注言所宐親也五和一有天無惡二有人無鄰同

三同好相固四同惡相助五遠宅不薄注雖遠居皆

厚之文昭案戰國策黃歇說秦引詩云大武遠宅不

遠宅涉當是引此文詩必本是書字之誤梁云大武

之因也注言因此以成政也四攻者一攻天詩二攻

地宜三攻人德四攻行利注攻謂奪其計使不成也

五良一取仁二取智三取勇四取材五取藝注所務

來而任之良當為來字之誤也舊本作良當為

者攻之開也注言開此道以成攻也四聚一酌之以

仁二懷之以樂三旁聚封人四設圍以信三斂一男

女比二工次三祗人死注祗敬此七者侵之酌也注

逸周書 卷二 四

言酌此法以成侵也四時一春違其農二夏食其穀

三秋取其刈四冬凍其稜注此皆所用以口敵也凍

謂發露其稜聚舊本作此皆所用以敵三興一政以

和時二伐亂以治三伐飢以飽注此所行當之也此

七者伐之機也注機要也以此要成其伐也三哀一

要不贏二喪人三擯厥親注哀敵人之困窮如此要

當為惡擯一作損文昭案所當哀者羸病者也失位

不字詛注亦難曉梁處素云不羸當作不羸不足

也下文必羸程榮本誤作必羸可知此字亦詛四

赦一勝人必羸二取威信復三人樂生身四赦民所

惡注羸謂益之復謂有之皆赦救也此七者搏之求

也注所以懷來之也六厲一仁厲以行二智厲以道

三武厲以勇四師厲以士五校正厲御六射師厲伍

注厲為治政也口口五衛一明仁懷恕二明智輔謀

三明武攝勇四明材攝士五明藝攝官注皆所以成

戰矣案尚有五虞一鼓走疑二備從來三佐車舉旗

四采虞人謀虞人趙五後動撚之撚從也皆求安

道令之道注道令二字無競惟害有功無敗注雖強

常念害則不敗也

大明武解第九

畏嚴大武曰維四方畏威乃寧注大武之道四方畏

逸司書

威天下乃寧之也寧之言安之天作武脩戎兵以助義正

違正順其義順天行五官官候厥政謂有所已

五官舉大官之言亡無也此五官當即曲禮所云司徒之官

疑倒城廓溝渠高厚是量謂敵人所處也既踐

戎野各本戎作戌今從吳本備慎其殃敬其嚴君乃戰赦

當明耳目遠斥候十藝必明加之以十因靡敵不荒

注荒敗也陣若雲布侵若風行輕車翼衛在戎二方

注奔敵之陣如此我師之窮靡人不剛注知敵之強

乃剛勇也文昭案此即韓信為背水陣以破趙者也注非是十藝一大援二

明從三餘子四長與五伐人六刑餘七三疑文昭案三當為

參八閒書九用少十興怨刑餘赦徒用少者省費

興怨離構也十因一樹仁二勝欲三賓客四通旅五

親戚六無告七同事八程巧九口能十利事凡成

皆有因也勝欲以義勝欲藝因伐用是謂強轉應天

順時時有寒暑言時有難易也風雨飢疾民乃不

處移散不敗農乃商賈委以淫樂賂以美女謂扇

動之使沈惑也主人若杖口至城下高堙臨內日夜

不解杖謂堅也方陣竝功云何能禦功與攻同梁

之陣當雖易必敬是謂明武禦當也城高難平湮

之以土開之以走路俄傳器湮土謂為土山以

臨之也此溼字與下溼溪皆填塞之義亦與堙通用左傳井溼木刊从水堙之傳于堙从土開之之字疑衍趙云傳當為傳音附著城也因風行火障水水下惠用元元

文誨其寡注言務口恤刑也芴隧外權隳城溼溪老

弱單處其謀乃離注單處謂無保鄣離舊本作難今依惠半農定為

離與上溪協注謂無舊亦誤倒今竝改正既克和服使報咸宜竟其金革

是謂大夷注咸皆夷平

小明武解第十

凡攻之道必得地勢以順天時觀之以今稽之以古

注兵凶器戰危事故以詳順之稽考也攻其逆政毀

其地阻立之五教以惠其下注五教五常之教也矜

寡無告寔為之主五教允中枝葉代興注為之君枝

葉謂衆善政也案正文代興當是代舉方與上下韻協興雖可與中協然獨二句閒隔非

是國為偽巧後宮飾女荒田逐獸田獵之所游觀崇

臺泉池在下淫樂無既百姓辛苦注言凡有此事皆

可伐上有困令乃有極口上困下騰戎遷其野敦行

王法濟用金鼓注濟成也言以金鼓濟其伐降以列

陣無悅怒口文昭案悅與懣同當訓為憤怒字是韻與上下協疑所脫字在上句按

道攻巷無襲門戶注言不赦有罪怒伐無辜襲掩也

漢武帝封韓說無受貨賂攻用弓弩上下禱祀靡神

不下具行衝梯振以長旗注先祈禱而後攻戰也懷

威思終左右憤勇無食六畜無聚子女羣振若雷造于城下鼓行參呼以正什伍言士卒之奮厲也
元本何本若雷俱作若電上有軒冕斧鉞在下勝國若化故曰明武
軒冕所以為賞也

大匡解第十一

維周王宅程三年遭天之大荒程地名在岐州左

右後以為國初王季之子文王因焉而遭饑饉後乃

徙豐焉趙云竹書紀年文丁五年王季作程邑帝幸

與此三十三王文王遷于程三十五年周大饑正作大匡以詔牧其方三州之侯咸率文王初

未得三分有二故三州也率謂奉順也王乃召冢

三老三吏大夫百執事之人朝于大庭冢卿孤卿

三吏三卿也大庭公堂之庭問罷病之故政事之失

刑罰之戾哀樂之尤戾罪尤過賓客之盛用度之

費及關市之征山林之匱田宅之荒溝渠之害匱

荒害皆謂官不修無征注征趙疑是政怠墮之過驕頑之虐

水旱之蓄皆以為失政者曰不穀不德政事不時

國家罷病不能胥匡二三乎不尙助不穀官考厥職

鄉問其人注不尙尙也問人政得失案注云不尙尙也舊正文脫不

字今依注增因其耆老及其總害惠半農疑慎問其故無

隱乃情注總教人也及某日以告于廟有不用命有

常不赦注明日王至廟告常者常刑也王既發命入

食不舉百官質方口不食饗注王不舉樂百官徹膳

以思其職方道及期日質明王麻衣以朝朝中無采

衣注此凶服自居為荒變文昭案凶禮有五荒居一焉詩云麻衣如雪蓋純素

也王有軛服其下非列采不入公門今而如是故云凶服官考其職鄉問其利因

謀其蓄芻匡於衆無敢有違注衆衆民也百官率職

故無違詰退驕頑方收不服慎惟怠惶什伍相保注

方收方方收其不服化者也汪方方舊本止一動勸

游居事節時茂農夫任戶戶盡夫出注茂勉也言無

戶不出夫以勸農農廩分鄉鄉命受糧程課物徵窮

競比藏注農人藏穀于廩分在諸鄉合課程比藏者

比方其收藏也注合字本或作命然藏不粥糴糴不

加均賦酒其幣鄉正保貸注糧不加均多從所有不

限也酒散也幣以糴以資窮也成年不償信誠匡助

以輔殖財注名曰貸而不償所以生殖民財也財殖

足食克賦為征數口以食食均有賦注均民足食而

征其賦以入官也數口之口元外食不贍開關通糧

糧窮不轉孤寡不廢注窮征困內不轉出外也滯不

轉畱戍城不畱口足以守出旅分均馳車送逝且夕

運糧注口不戍者不令畱足以守之衆皆共運之也

於是告四方遊旅旁生忻通津濟道宿所至如歸
有告者窮者有所歸也幣租輕乃作母以行其子
以貴重為母謂錢幣之屬易資貴賤以均遊旅使無
滯注非但租賦作母行子遊旅易資亦然無粥熟無
室市權內外以立均無蚤暮間次均行注均平民財
行之無早晚之常也均行衆從積而勿口以罰助均
無使之窮平均無乏利民不淫注雖積賞進有無不
隄防之使民有過者罰其穀幣其穀幣通以助均無
播蔬無食種注可食之菜曰蔬以數度多少省用注
國家常用祈而不賓祭服漱不制注不賓殺禮不制

不造新也車不雕飾人不食肉畜不食穀注畜謂馬
也國不鄉射樂不牆合注牆合即所謂牆屋有禮無作
皆為荒降之也資農不敗務注農務不廢棄也注
農桑之務不廢非公卿不賓賓不過具注唯賓公卿酒食而
已哭不畱日登降一等注畱盡也降一等為荒廢之
也注廢當注庶人不獨葬伍有植送往迎來亦如之
均恤興迎亦如植其送迎亦相救也有不用命有常
不違

程典解第十二

維三月既生魄文王合六州之侯奉勤于商注三分

天下有其二以伏事殷也伏與商王用宗讒震怒無

疆注宗衆疆境也謝云宗不當訓衆六州歸化安得

本宗下作方諸侯不娛一本作虞逆諸王文王弗

忍乃作程典以命三忠注娛樂也不忍從諸侯即王

位所以爲至德典常也趙云當是諸侯勸文王叛商

也位恐非特文王不爲諸侯亦不敢爲文王言之曰助

余體民無小不敬如毛在躬拔之痛無不省注毛以

喻小也無不省故宜敬小也舊本注次小字誤政失

患作作而無備死亡不誠誠在往事備必慎備思地

思地慎制思制慎人思大慎德德開開乃無患注以

往事誠將來開通言德合也慎德必躬恕恕以明德

德當天而慎下注以慎道教天下下爲上貸力競以

讓讓德乃行注以讓爲化慎下必翼上上中立而下

比句爭省句和而順此下舊有慎同二字乃校攜乃

爭和乃比注翼敬也中立謂無比也比事無政無政

無選無選民乃頑頑乃害上注無雋選之士在官故

頑民害上故選官以明訓頑民乃順慎守其教小大

有度以備苗寇注小大曰吉凶也協其三族固其四

援明其伍左氏昭廿三年傳明其伍侯賈服王董

川侯平地侯也杜預以習其武誠依其山川通其舟

車利其守務注脩文教誠武備聖王之事士大夫不

雜于工商注使各專其業商不厚工不巧農不力不

可成治必善其事治乃成也注商不厚趙云當作不

皆誤今士之子不知義不可以長幼注有士行之義

方為士工不族居不足以給官族不鄉別不可以入

惠注族謂羣也不別其鄉難以行其惠也舊作雖不

以行其惠也語意為上不明為下不順無醜注言國

相反非是今訂正無恥醜也謝云醜當訓輕其行多其愚不智注不重

其行自多其愚何智之有正文不智舊本多作慎地

必為之圖以舉其物物其善惡注別其地所生物之

善惡也度其高下利其陂溝愛其農時脩其等列務

其土實注務其勤樹藝也舊本藝誤差其施賦設得

其宐宐協其務務應其趣注言其所施當也慎用必

愛工攻其材商通其財百物鳥獸魚鼈無不順時注

順時所為愛之也生穡省用不濫其度津不行火藪

林不伐注濫過也非時不火不伐也牛羊不盡齒不

屠注老不任用食之士勸不極美上一本美不害用

用乃思慎口備不敬不意多口用寡立親用勝懷遠

遠格而邇安注多用謂振施也於安思危於始思終

於邇思備於遠思近於老思行不備無違嚴戒注必

有忍乃有濟也終謂終其義也格至也謝云注必有忍何引用無

謂疑正文有脫句文邪案注終其義下文注

之字今從卜本刪又格至也當是上文注

程寤解第十三已今以太平御覽卷三百九十七又

七十五字

文王去商在程正月既生魄太姒夢見商之庭產棘

小子發取周庭之梓樹于闕閒化為松柏椹柞寤驚

以告文王文王乃召太子發占之于明堂王及太子

發竝拜吉夢受商之大命于皇天上帝案帝王世紀

又以告文王下云文王不敢占召太子發命祝以幣告於宗廟羣神然後占之于明堂及發竝拜吉夢遂作程寤見御覽八十四當亦本諸周書及發上有脫字

秦陰解第十四 已

九政解第十五 已

九開解第十六 已

劉法解第十七 已

文開解第十八 已

保開解第十九 已

八繁解第二十 已

逸周書卷第二



逸周書
卷二
三

逸周書卷第三

晉孔晁注

鄠保解第二十一 大開解第二十二

小開解第二十三 文傲解第二十四

文傳解第二十五 柔武解第二十六

大開武解第二十七 小開武解第二十八

寶典解第二十九 鄠謀解第三十

寤傲解第三十一 武順解第三十二

武穆解第三十三

鄠保解第二十一



維二十三祀庚子朔九州之侯咸格于周王在艷昧
 爽立于少庭王告周公旦曰嗚呼諸侯咸格來慶辛
 苦役商吾何保守何用行且拜手稽首曰商為無道
 柔德刑範欺侮羣臣辛苦百姓忍辱諸侯莫大之綱
 福其已亡人惟庸王其祀德純禮明允無二卑位柔
 色金聲以合之王乃命三公九卿及百姓之人曰恭
 敬齊潔咸格而祀于上帝商饋始于王因饗諸侯重
 禮庶吏出送于郊樹昏于崇內備五祥六衛七厲十
 敗四葛外用四蠹五落六容七惡五祥一君選擇二
 官得度三務不舍四不行賂五察民困六衛一明仁

懷怨二明智設謀三明戒攝勇四明才攝士五明德

攝官六明命攝政案此六衛與前卷大武解有相同

明戒攝勇戒本或作武明德攝官本或作明藝法官
 疑皆後人以前卷改易此文也趙云明戒以攝其勇
 則知方而不妄逞明德以攝其官
 則在官者皆以實心行實政矣七厲一翼勤厲務

二動正厲民三靜兆厲武四翼藝厲物五翼言厲復

六翼敬厲眾七翼知厲道十敗一佞人敗樸二諂言

毀積三陰資自舉四女貨速禍文昭案此即左傳叔

也五比黨不揀不揀不知六佞說鬻獄謝云亦即左

鬻獄也七神龜敗卜趙云此如詩所云我八賓祭推穀

九忿言自辱十異姓亂族四葛一葛其農時不移二

費其土慮不化三正賞罰獄無姦奇

梁處素云姦奇即姦邪文昭案

奇當如奇請

宜比之奇 四葛其戎謀族乃不罰四蠹一美好怪

奇以治之二淫言流說以服之三羣巧仍興以力之

四神巫靈寵以惑之五落一示吾貞以移其名二微

降霜雪以取松柏三信嶠萌莫能安宅

惠云周禮占夢舍萌于四

方眠視掌

安宅敘降 四厚其禱巫其謀乃獲五流德飄枉以明

其惡六容一游言二行商工三軍旅之庸四外風之

所揚五困失而已作事應時時乃喪

困本或作因

六厚使

以往來其所藏七惡一以物角兵二令美其前而厚

其傷三閒於大國安得吉凶四交其所親靜之以物

則以流其身五率諸侯以朝賢人而已猶不往六令

之有求遂以生尤七見親所親勿與深謀命友人疑

且拜曰嗚呼王孫其尊天下適無見過過適無好自

益以明而迹嗚呼敬哉視五祥六衛七厲十敗四葛

不脩國乃不固務周四蠹五落六容七惡不時不允

不率不緩

緩本或作緩或作緩皆訛疑當作緩

反以自薄嗚呼深念之

哉重維之哉不深乃權不重從權乃慰不從乃潰潰

不可復戒後人其用汝謀王曰允哉

次潰字舊本作潰沈云當作潰

又舊本複出復戒後人四字係因上誤衍

大開解第二十二

維王二月既生魄王在鄧立于少庭兆基九開開厥
後人八儆五戒八儆一口且于開二躬脩九過三族
脩九禁四無競維義五習用九教六口用守備七足
用九利八寧用懷口五戒一祇用謀宗二經內戒工
三無遠親戚四雕無薄口五禱無憂玉及爲人盡不
足王拜儆我後人謀競不可以藏戒後人其用汝謀
維宿不悉日不足

小開解第二十三

維三十有五祀王念曰多口正月丙子拜望食無時
汝開後嗣謀曰嗚呼于來後之人余聞在昔日明明

非常維德曰爲明食無時汝夜何脩非躬何慎非言
何擇非德嗚呼敬之哉汝恭聞不命賈粥不讎謀愈
之哉不索禍招無日不免不庸不茂不次人蓄不謀

逃弃非人逃弃俗本作遷棄今從元本朕聞用人不以謀說說惡

諛言諛音切疑也或作諛亦通色不知適適不知謀謀泄汝躬不

允嗚呼敬之哉後之人朕聞曰謀有其輔如乃而舍

人之好惠云如讀若而讀曰佚而無窮貴而不傲富而不驕兩

而不爭聞而不遙遠而不絕窮而不匱者鮮矣汝謀

斯何嚮非翼維有其根根已重大害小不堪柯引維

德之用用皆在國謀大鮮無害嗚呼汝何敬非時何

擇非德德枳維大人大人枳維公公枳維卿卿枳維

大夫大夫枳維士

章懷注後漢書引此作周書呂刑篇舊文脫者今據章懷注補正注

云枳者言上下相維遞為藩蔽也

登登皇皇君枳維國

舊闕君字今從沈補國

枳維都都枳維邑邑枳維家家枳維欲無疆動有三

極用有九因因有四威五私極明與與有畏勸汝何

異非義何畏非世何勸非樂謀獲三極無疆動獲九

因無限務用三德順攻奸口言彼翼翼在意切時德

春育生素草肅疎數滿

肅本或作蕭

夏育長美柯華務水

潦秋初藝不節落冬大劉倍信何謀本口時歲至天

視嗚呼汝何監非時何務非德何興非因何用非極

維周于民人謀競不可以後戒後戒宿不悉日不足

文倣解第二十四

維文王告夢懼後祀之無保庚辰詔太子發曰汝敬

之哉民物多變民何嚮非利利維生痛痛維生樂樂

維生禮禮維生義義維生仁嗚呼敬之哉民之適敗

上察下遂信何嚮非私私維生抗抗維生奪奪維生

亂亂維生亡亡維生死嗚呼敬之哉汝慎守勿失以

詔有司夙夜勿忘若民之嚮引汝何慎非遂

何慎舊本倒今

改遂時不遠非本非標非微非輝壤非壤不高水非

水不流嗚呼敬之哉倍本者槁汝何葆非監不維一

保監順時維周于民之適敗無有時蓋後戒後戒謀
念勿擇

文傳解第二十五

文王受命之九年時維暮春

太平御覽百四十六所引同今本詩正義作維

暮之

在鄙召太子發曰嗚呼我身老矣吾語汝我所

保與我所守傳之子孫吾厚德而廣惠忠信而志愛

人君之行

注

四者君德

玉海卅一引作厚德廣惠忠信愛人君子之行

不為

驕侈不為泰靡不淫于美括桂茅茨為民愛費

務儉也因就木枚曰括

括與刮櫪之刮同御覽柱即作櫪注木枚俗本誤作不決

亦從御覽改

山林非時不升斤斧以成草木之長川澤非

時不入網罟以成魚鼈之長

自在鄙召太子發至此皆依太平御覽卷八

四卷百四十六參校補正舊本吾語汝下作所保所

守守之哉無下雨而字與御覽百四十六同川澤非

時不入網罟御覽八十四

作而順天時水澤不內舟不麋不卵以成鳥獸之長

說文引云不卵不蹠以成鳥獸云異者纒獸是也

畋漁以時童不夭胎馬不

馳騫土不失宐

注

言土地所宐悉長之

御覽八十四引此云畋獵

唯時不殺童牛不夭胎童牛不服童馬不馳不騫澤

不行害土不失其宐萬物不失其性天下不失其時

藝文類聚亦引童牛不服童馬不馳土不失其宐萬

物不失其性天下不失其時以成萬材萬材已成牧以

為人天下利之而勿德是謂大仁案萬物

不失其性以下今多見下卷大聚解中

可蓄潤溼不穀樹之竹葦莞蒲礫石不可穀樹之葛

木以為絺綌以為材用

注

所為土不失宐

正文木一本作藟非

也注給謂葛也材用謂木也注注所為疑是所謂

故凡土地之閒者聖人裁之

竝為民利是魚鼈歸其泉鳥歸其林注取之以時不

天胎故注正文是下疑有以字孤寡辛苦咸賴其生注得所生長

材用山以遂其材注山下疑當有林字工匠以為其器百物以

平其利商賈以通其貨注無二德也工不失其務農

不失其時是謂和德注和故不失土多民少非其土

也土少人多非其人也故土多發政以漕四方四

方流之注漕轉流歸言移內入也注入舊作人訛土少安帑

而外其務方輸注外設業而四民方輸穀注注當作外設業民而

輸穀注夏箴曰中不容利民乃外次注夏禹之箴戒書

也利福業次舍於田注舊脫利福二字又次舍注開望

曰土廣無守可襲伐土狹無食可圍竭二禍之來不

稱之災注開望古書名也政以人土相稱為善也注夫

論實邊篇引周書曰土多人少莫出其材是謂虛土

可襲伐也土少人眾民非其民可遺竭也是故土地

竭疑是匱竭之誤天有四殃水旱饑荒其至無時非

務積聚何以備之注積材用聚穀蔬夏箴曰小人無

兼年之食遇天饑妻子非其有也大夫無兼年之食

遇天饑臣妾輿馬非其有也注古者國家三年必有

一年之儲非其有言流亡也注御覽三十五引此作夏歸裁說案墨子七患篇

引周書曰國無三年之食者國非其國也家無三年之食者子非其子也胡廣百官箴敘曰墨子著書稱

夏歲之辭戒之哉弗思弗行至無日矣注言不遠也

即謂此也注不明開塞禁舍者其如天下何注不明謂失其機人

各修其學而尊其名聖人制之注制而業用故諸橫

生盡以養從謝云脫從生盡以養一丈夫注橫生萬

物也從生人也一丈夫天子也言兆民養天子也注

字舊訛者無殺天胎無伐不成材無墮四時如此者

十年有十年之積者王注通三十年之計也趙云三

通惟謂耕耳此兼言庶物如此者十年承上有五年

之積者霸無一年之積者亡注通十五年之計有五

年之積也已為無國家生十殺一者物十重生一殺

十者物頓空十重者王頓空者亡注生多到重生少

到空兵強勝人人強勝天能制其有者則能制人之

有注勝天勝有天命不能制其有者則人制之注

自取之令行禁止王始也出一曰神明出二曰分光

注政有二名分君之明光亦明也王始疑是王治注

出三曰無適異出四曰無適與無適與者亡注君臣

無適異民無適與不亡何待也

柔武解第二十六

維王元祀一月既生魄王召周公旦曰嗚呼維在文

考之緒功注此文王卒之明年春也維周禁五戎五

戎不禁厥民乃淫注此成周也而謂之戎言五者不

禁戎之道也一曰土觀幸時政匱不疑二曰獄讎刑

敵姦吏濟貸注濟貸成其貨也三曰聲樂口口飾女

滅德四曰維勢是輔維禱是怙五曰盤游安居枝葉

注輔口怙恃盤游安居皆害之術輔口怙恃疑當作輔勢恃

五者不距自生戎旅故必以德為本以義為術以

信為動以成為心以決為計以節為勝注言以德為

本以節為勝距戎之本也正文以成趙疑是以誠案注但舉首末兩語亦有訛

疑當作言以德為距戎之本也務在審時紀綱為序和均口里以匡

辛苦注匡正也辛苦窮也見寇口戚靡適無口勝國

若化不動金鼓善戰不鬪故曰柔武四方無拂奄有

天下注拂違也言感也奄宋本作掩謝云當作奄注言感也元本作言威也

大開武解第二十七

維王一祀二月王在艷密命注密人及商紂謀周大

命密如君不密之密注以為密人非也訪於周公旦曰嗚呼余夙夜維

商密不顯誰和注言欲以毀送之商密告歲之有秋

今余不獲其落落若何注和捐萬物而商密欲攢我周

不得其落落恐將已文弼案此蓋以田事為喻也後云秋而不獲正是一意篇中無一語

及密人序云武王忌商亦不及密上云密不顯誰和蓋云茲事密不顯誰其與我合意者注乃云欲以毀

送之商密聖人豈有此意哉毀而敵懼周公曰茲在毀其足以亡人國乎甚矣注之謬也

德敬在周其維天命王其敬命注言天命在周當敬

命而已遠戚無十和無再失維明德無佚注所親近

疎遠也再失為復失也注為當作謂佚不可還維文考恪

勤戰戰何敬何好何惡時不敬殆哉注言一佚不可

還故念文王所敬王拜曰允哉余聞國有四戚五和

七失九因十淫非不敬不知注言非不欲敬而未知

所聞欲知之也今而言維格余非廢善以自塞維明

戒是祇注而汝格至也是祇敬之周公拜曰茲順天

天降寤于程程降因于商商今生葛葛右有周注言

天寤周以和商謀商朝生葛是祐助周也趙云降寤于程蓋即

指太姒之夢維王其明用開和之言言孰敢不格注可否

相濟曰和欲其開臣以和則忠告之言無不至也四

戚一內同外二外婚姻三官同師四哀同勞五和一

有天維國二有地維義三同好維樂四同惡維哀五

遠方不爭注以文德來遠七失一立在廢二廢在祇

三比在門四諂在內五私在外六私在公七公不違

注立所廢則功多廢所敬則不見疑口比諂近公私

于錯公法不能違之所謂失趙云立在廢立者在所

敬也注九因一神有不饗二德有不守舊作所三才

有不官四事有不均五兩有必爭六富有別七貪有

匱八好有遂九敵有勝注此皆因其事而以誤彼國

也趙云因乃因利乘便注十淫一淫政破國動不時民

不保二淫好破義言不協民乃不和三淫樂破德德

不純民乃失常四淫動破醜醜不足民乃不讓五淫

中破禮禮不同民乃不協六淫采破服服不度民乃

不順七淫文破典典不式教民乃不類八淫權破故

故不法官民乃無法九淫貸破職百官令不承十淫

巧破用用不足百意不成嗚呼十淫不違危哉今商

維茲注言商紂所行如此十者之所蔽其唯第茲命

不承殆哉注不率天命則危殆也若人之有政令廢

令無赦乃廢天之命訖文考之功緒忍民之善不祥

注廢政令罪不赦而乃廢天命口父之業忍民患是

不祥也若農之服田務耕而不耨維草其宅之既秋

而不獲維禽其饗之人而獲飢云誰哀之注草居之

是農不脩也獸食之是飢也已自取之是時矜之父

業之遵注正文不獲沈改不獲又云字舊訛去今訂正

注即有播有穫之意周公欲武王繼承王拜曰格乃言

文考之功緒也王是以拜受其言注王拜曰格乃言

嗚呼夙夜戰戰何畏非道何惡非是不敬殆哉注王

心以周公言為至故拜也

小開武解第二十八

維王二祀一月既生魄王召周公旦曰嗚呼余夙夜

忌商不知道極敬聽以勤天命周公拜手稽首曰在

我文考順明三極躬是四察循用五行戒視七順順

道九紀注皆文王所行之三極既明五行乃常四察

既是七順乃辨明勢天道九紀咸當順德以謀罔惟

不行注言化道大行也三極一維天九星二維地九

州三維人四左注九星四方及五星也四左疏附禦

侮奔走先後是也惠云文選注引周書王曰余不知

歲是謂九星文昭案文選注三十六所云乃九紀也孔以經緯釋九星甚當他說皆不足取又四左成開

解作四佐上言文四察一目察維極二耳察維聲三

考故注引詩為釋

口察維言四心察維念注四者當所必察真偽五行

一黑位水二赤位火三蒼位木四白位金五黃位土

注言其所順而勤勤數當作勤七順一順天得時二順地

得助三順民得和四順利財足五順得助謝云疑是順助

得六順仁無失七順道有功注順天時得天道順道

有功得人功九紀一辰以紀日二宿以紀月三日以

紀德四月以紀刑注日月之會曰辰甲乙十者於四

方以紀日宿次十二紀十二月次日為禮月為法也

五春以紀生六夏以紀長七秋以紀殺八冬以紀藏

九歲以紀終注四時終則成歲時候天視可監時不

失以知吉凶注天視言視天時王拜曰允哉余聞在

昔訓典中規非時罔有格言日正余不足注謙以愛

惠云恪卽古支格字

寶典解第二十九

維王三祀唐書引作元祀二月丙辰朔王在鄙召周公旦曰

嗚呼敬哉朕聞曰何脩非躬躬有四位九德注言脩

身以四位九德也何擇非人人有十姦注凡人所不

能免者何有非謀謀有十散不罔我哉注罔禁也惠云

罔讀何慎非言言有三信信以生寶寶以貴物物周

為器注周用之為器美好寶物無常維其所貴信無

不行注貴在周用行之以神振之以寶順之以事明

眾以備改口以庸庶格懷患注言治實以器用四位

一曰定二曰正三曰靜四曰敬敬位丕哉靜乃時非

正位不廢定得安宅注丕大也時非待時不動九德

一孝子畏哉乃不亂謀二悌悌乃知序序乃倫倫不

騰上上乃不崩注不騰不越不相超越三慈惠知長

幼知長幼樂養老舊慈惠下有茲字謝云因四忠恕

是謂四儀風言大極意定不移注儀言也五中正是

謂權斷補損知選六恭遜是謂容德以法從權安上

無慝注選數慝惡七寬弘是謂寬字准德以義樂獲

純嘏注純大也嘏大也謂之大大之福八溫直是謂

明德喜怒不郊主人乃服注郊閒也九兼武是謂明

刑惠而能忍尊天大經九德廣備次世有聲注長有

令問十姦注謝云十姦當作十干古字姦作注一窮口干

靜二酒行干理三辯惠干智四移潔干清五死勇干

武注實少而名多曰移也六展允干信注惠云外傳云

昭云展誠也誠謂復言非忠信之道七比譽干讓八阿衆干名九專愚

干果十懷孤干貞注十者皆不誠之行故曰姦十散

一廢口口口行乃泄口口口口口口口口口三淺薄

開瞞其謀乃獲四說眺輕意乃傷營立五行恕而不

願弗憂其圖注明瞞不察謂所謀也文弼案說眺當

厚重所謀一作聽謀六極言不度其謀乃費極言不度謂汗漫也七以親

為疎其謀乃虛八心私慮適百事乃僻九愚而自信

不知所守十不釋太約見利忌親注適單也言十者

皆散汝成三信一春生夏長無私民乃不迷二秋落

冬殺有常政乃盛行三人治百物物德其德是謂信

極注言其信至而其余也四字趙疑衍信既極矣嗜欲口

在在不知義欲在美好有義是謂生寶注以義為寶

周公拜手稽首興曰臣既能生寶恐未有子孫其敗

注有口其心恐有寶而子孫不能有致治也舊本注脫

孫不二字趙增既能生寶未能生仁恐無後親王寶生之恐
失王會道維其廢注會所當會之寶王拜曰格而言
維時余勸之以安位教之廣注安位謂信有得用寶
而亂亦非我咎上設榮祿不患莫仁注言以榮祿祿
口仁也則用是榮人也仁以愛祿允維典程既得其
祿又增其名上下咸勸孰不競仁維子孫之謀寶以
為常注言仁人以愛祿為常法則人皆競仁欲愛子
孫謀此為常

艷謀解第三十

維王三祀王在艷謀言告聞注自文王受命至此十

年也知敵情向人問人日以紂謀告武王也注十年
十二年向人問下舊本作人日謀趙云是
以紂聞艷謀告武王也衍三字 王召周公旦曰嗚
呼商其咸辜維日望謀建功謀言多信今如其何注

言商君臣皆罪周日望以周建功也周公曰時至矣
乃興師循故注言可伐紂之時至謂循古法趙云循

用湯之故事即世俘解所云初用三同一賊取同二
脩商人典以斬紂身者也

任用能三矢無聲注矢誓言誓眾以盡心也三讓一
近市二賤粥三施資注以財讓也近來民市旅資以

思也疑當作施三虞一邊不侵內二道不毆牧三郊

不畱人注虞樂也設此三禁所以悅民王曰嗚呼允

從三三無咎厥徵可因注言三讓三同三虞無違言

善徵可用以立功也與周同愛愛微無疾疾取不取

疾至致備注疾惡由禱不德不德不成害不在小終

維實大悔後乃無注曲為非義神不德之帝命不諂

應時作謀不敏殆哉周公曰言斯允格誰從己出出

而不允乃苗注帝天也謂僭也敬疾也往而不往乃

弱士卒咸若周一心注不往則是弱一心則應時也

舊本應作不
今從卜本

寤傲解第三十一舊本皆作寤敬敬亦與傲通管子
立政篇敬山澤敬同敬訓為戒也

維四月朔王告傲召周公且曰嗚呼謀泄哉今朕寤

有商驚予注言夢為紂所伐故驚欲與無口則欲攻

無庸以王不足戒乃不與憂其深矣注戒不與言所

憂不從戒中來也周公曰天下不虞周驚以寤王王

其敬命奉若稽古維王注虞度若順克明三德維則

注三德剛柔正直戚和遠人維庸注和近人則遠人

用攻王禱赦有罪懷庶有茲封福注庶眾封大監戒

善敗護守勿失無虎傅翼將飛入邑擇人而食入邑
舊作

入宮今從韓非子
難勢篇所引改不驕不恠時乃無敵注此是義也

王拜曰允哉余聞曰維乃予謀謀時用臧不泄不竭

維天而已注聞古言也天道無常余維與汝監舊之

葆威祗曰戒戒維宿注言戒於心宿古文風

武順解第三十二

天道尚左日月西移地道尚右水道東流舊左右互

志人道尚中耳目役心注言耳目為心所役也心有

四佐不和曰廢注四佐脾腎肺肝也地有五行不通

曰惡注金木水火土更相生天有四時不時曰凶天

道曰祥地道曰義人道曰禮知祥則壽知義則立知

禮則行注言其相通禮義順祥曰吉吉禮左還順天

以利本注本謂人也趙云注首亦當有天左還也一

民武禮右還順地以利兵注地右還也正文天地舊

改將居中軍順人以利陣注人尚中人有中曰參無

中曰兩兩爭曰弱參和曰彊注有中必有兩故曰參

注兩字闕今補謝云有中無中即謂男女皆以形體

言之男成三女成兩皆下體形象合三兩而成五交

形體言之注有中必有兩解未明男生而成三女生

而成兩兩字舊脫今五以成室室成以生民民生以

度注陽奇陰耦五謂相配成室正文成室生民舊皆

今皆左右手各握五左右足各履五曰四枝元首曰

未注四枝手足元首頭也惠半農云左傳風淫未疾

象曰本未弱本謂初未謂上又本五五二十五曰元

卒注伍兵名一卒居前曰開一卒居後曰敦注開猶

啓敦猶服注舊作開有豎又一作開謂啓文弼案當

下當作敦猶殿軍後曰殿是也又司馬法曰大前驅

啓乘車大晨倅車屬焉則古人名前軍爲啓又有名

啓有胙杜注謂左翼曰啓右翼曰胙此出後人所名

耳左右一卒曰閭四卒成衛曰伯注皆陣名伯卒名

三伯一長曰佐三佐一長曰右注九伯卒也三右一

長曰正三正一長曰鄉三鄉一長曰辟注伯卒則右

千卒則正三千卒則鄉萬卒舉令之於君辟君也此

謂諸侯三軍數起於伍故不正相當此段注有訛案

爲兵百人以下皆三三而益之佐十二卒兵三百人

右三十六卒兵九百人正百八卒兵二千七百人鄉

三百二十四卒兵八千一百人辟九

百七十二卒兵二萬四千三百人

正必智右必和注言其德如此乃堪其任也佐必肅

肅舊本口伯必勤卒必力注卒二十五人之帥故以

今從沈增勇力爲之也辟不明無以慮官鄉不仁無以集衆伯

不勤無以行令卒不力無以承訓注訓謂先後辟也

承謂奉行後令也注後令趙均卒力貌而無比比則

不順注比者比同也均伯勤勞而無攜攜則不和

攜離均佐肅敬而無畱畱則無成注畱遲均右和恭

而無羞羞則不興正文舊本肅作和和作肅今從沈

尚闕均正辟必文聖如度注言聖君有所爲如度

均鄉也功不有差也元忠尙讓親均惠下集固介德注介大

也言必所集則常在大道也危言不干德曰正注不干謂不犯也正及神人曰極世世能極曰帝注極謂其上

武穆解第三十三

曰若稽古曰昭天之道熙帝之載揆民之任夷德之用注夷常揔之以威殷等之以口禁成之以口和注威皆殷盛也皆以法揔之也威康于民卿格維時監于列辟注視古公列君以為師也注列辟周上世之賢當取法也舊本列下行也字又本并古注子孫臣民所公列三字刪之則又與列辟不相應矣敬惟三事永有休哉三事一倡德二和亂三終齊德有七倫亂有

五遂齊有五備五備一同往路以揆遠邇二明要醜

友德以眾爾庸三明辟章遠以肅民教四明義倡爾

眾教之以服五要權文德不畏強寵注同往路謂口

遠之也教之以服先王法服也注趙云服五遂一道其

通以決其雍注雍與壅同元二絕口無赦不疑三挫銳

無赦不危四閑兵無用不害五復尊離羣不敵注羣

離故不敵也七倫一毀城寡守不路注路通二通道

不戰三小國不凶不伐四正維昌靜不疑五睦忍寧

于百姓注中厚忍辱六禁害求濟民七一德訓民民

乃章注明於教訓欽哉欽哉余夙夜求之無射

逸周書卷第三

國家圖書館, NATIONAL CENTRAL LIBRARY, TAIWAN, R.O.C.



逸周書卷第四

晉孔晁注

和寤解第三十四 武寤解第三十五

克殷解第三十六 大匡解第三十七

文政解第三十八 大聚解第三十九

世俘解第四十 箕子解第四十一

耆德解第四十二

和寤解第三十四

王乃出圖商至于鮮原注近岐周之地也小山曰鮮

及郡古文曰帝辛五十二年秋周師次于鮮原詩曰度其鮮原召邵公奭畢公高王

NATIONAL CENTRAL LIBRARY, TAIWAN, R.O.C.

曰嗚呼敬之哉無競惟人人允忠惟事惟敬小人難

保注言王以多賢人為強保安之也注言王疑注當作武王后降

惠于民民罔不格惟風行賄賄無成事注人之歸惠

如草應風如用賄則無成事絲絲不絕蔓蔓若何豪

未不接將成斧柯注此言防患在微也注豪未不接戰注國魏策引作

毫毛注王乃厲翼于尹氏八士唯固允讓注厲獎厲也

不拔注尹氏八士武王賢臣也注舊本注脫尹氏注八士四字今補注德降為則振

于四方行有令問成和不逆加用禱巫神人允順注

言皆順成和志也

武寤解第三十五

王赫奮烈八方咸發高城若地商庶若化注言士卒

應王之奮烈視高城若平地若化恐怖也注若化如滿注虛待化而

成之注約期于牧案用師旅商不足滅分禱上下注於

牧野將戰先禱天地也王食無疆王不食言庶赦定

宗注言當赦其罪人定其宗主不食言也尹氏八十

太師三公咸作有績神無不饗注言羣臣皆謀立功

而神明享其禱注續舊本說作續案注云皆謀立功則注臣言今注當作績字注言羣臣舊本說倒作羣

並改注王克配天合于四海惟乃永寧注德合四表

克殷解第三十六

周車三百五十乘陳于牧野帝辛從注十三年正月

牧野商郊紂出朝歌二十里而迎戰也武王使尚父

與伯夫致師注挑戰也王既誓以虎賁戎車馳商師

商師大崩注戎車三百五十乘則士卒三萬六千三

百五十人有虎賁三千五百人也誓字舊本無又崩

改梁云書序孟子及國策蘇秦說趙魏皆云武王伐紂車三百兩獨此言三百五十乘而墨子明鬼下篇

又云車百兩一多一少似未可信古車戰之法一車甲士三人步卒七十二人至臨敵制變更以甲士配

車而戰一車實百人每乘以虎賁一人為右故有虎賁三百人書序可據孫奕示見編以孟子為三千人為

引經之誤是已周禮虎賁氏其屬八百安得有三千之多况又增三千五百乎至士卒之數一車百人即

依三百五十乘計之亦止三萬五千人安得三萬六千三百五十人哉張守節史記正義臆減為二萬六千二百五十人亦非

商辛奔內登于鹿臺之上鹿舊作廩今據史記及御覽定

鹿鹿屏遮而自燔于火注屏遮自障武王乃手大白以

麾諸侯諸侯畢拜遂揖之注太白旗名揖召也握諸

侯共追紂也商庶百姓咸侯于郊注待武王於郭外

也羣賓僉進曰上天降休再拜稽首注諸侯賀武王

也武王答拜先入適王所乃剋射之三發而後下車

而擊之以輕呂斬之以黃鉞注輕呂劔名作輕劔折

懸諸太白注折絕其首注折字舊作斬誤墨子明鬼

環載之白旗太平御覽引作折紂而出繫之赤纆則

折字是今改正梁云此篇乃六國時偽撰竄入周書

者也三代以上無弑君之事詎聖如武王而躬行大

逆乎紂之死武之不幸也賈子連語篇言紂鬪死紂

之官衛與紂驅棄王門之外民之觀者皆進蹴之武

逸詞書

卷四

三

戮其身戕及骨肉邪射擊斬懸必無之事論衡恢國篇亦辨之乃適二女之所既縊

二女妲己及嬖妾縊自縊也舊本乃字在所下今從御覽移正王

又射之三發乃右擊之以輕呂斬之以予鉞縣諸小

白鉞予鉞黑斧小白旗名也乃出場于厥軍鉞場平

治社以及宮徹宜去者宜居者居遷也及期百夫荷

素質之旗于王前鉞素質白旗前為王道也一作以

前于王叔振奏拜假鉞羣臣諸侯應拜假者則曹叔

振奏行也謝云史記叔振下有鐸字又陳常車周公把大鉞召公

把小鉞以夾王鉞常車威儀車也三公夾衛王也召公

史記作泰顛闕天皆執輕呂以奏王王入即位于社

太卒之左鉞執王輕呂當門奏太卒屯兵以衛也羣

臣畢從毛叔鄭奉明水衛叔傅禮鉞羣臣盡從王而

康叔相禮毛叔宋本與史記正同作毛召公奭贊采

師尚父牽牲鉞贊佐采事也倅王也尹逸筴曰殷末

孫受德迷先成湯之明侮滅神祇不祀史記逸作

紂字受德也神祇天地也舉天地則宗廟已下廢可

知也梁云受德猶云受之凶德書曰其在受德暨與此政同非紂字受德也自呂不韋誤著於仲冬

紀漢以後諸儒因之而誤史記作季紂是昏暴商邑百姓其章顯聞于昊

天上帝鉞言上天五帝皆知紂惡也章舊作彰字俗今從史記改正

武王再拜稽首乃出鉞受天大命以改殷天明命王

天口也

梁云此有脫文史記作武王再拜稽首膺更

李善注

王元長曲水詩序引周書亦有此數語唯膺

更作膺

受觀孔晁注正是釋武王之語則知周書本

有之轉寫者

因兩再拜立王子武庚命管叔相

稽首遂遺却上文耳

拜

三監監殷人乃命召公釋箕子之囚命畢公衛叔出

百姓之囚

紂所拘囚者也乃命南宮忽振鹿臺之

財巨橋之粟

忽即括振散之以施惠也

命南宮百達史佚遷九鼎三巫

鼎王者所傳實三

巫地名

史記三巫作保玉保與寶同謝云觀此文南

宮忽南宮百達則論語八士皆南宮氏也百

當與伯同梁處素云晉語詢于八

虞注賈唐云周八士皆在虞官

乃命閔天封比干

之墓

益其塚也乃命宗祝崇賓饗禱之于軍

宗祝舊誤作宗祝

祝主祀賓敬也饗祭前所禱之神

宗祝舊誤作宗祝

案史記作宗祝

享祠于軍今正文與注祀字俱

改正其下似亦當從史記為是

乃班

還鄙京也

大匡解第三十七

謝云前已有大匡此不應又名大

匡蓋因篇內有大匡字也不能定

其訛錯

之故

惟十有三祀王在管管叔自作殷之監東隅之侯咸

受賜于王王乃旅之以上東隅

東隅自殷以東旅

謂各使陳其政事者也

注各字宋本

用大匡順九則

八宅六位

古大匡有此法

寬儉恭敬夙夜

有嚴

言當嚴敬思所順也昭質非樸樸有不明

執於私私回不中中忠於欲思慧醜詐

忠於欲謂

通志

卷四

五

忠於絕私欲也昭信非展展盡不伊伊言於允思復

醜諧注展似信而非伊伊推也本或作誰也昭讓非背背

黨雍德德讓於敬思賢醜爭注讓以得之非弃背也

詔位非忿忿非口直直立於衆思直醜比注位所以

行道非以息忿忿怒也昭政非閑閑非遠節節政於

進思止醜殘注政以道民非禁閑之也故貴得節也

昭靜非窮窮居非意意動於行思靜醜躁注仁者好

靜窮非取樂昭潔非為為窮非涓涓潔於利思義醜

貪注涓潔於利不以自污正文利舊作行昭因非疾

疾非不貞貞固於事思任醜誕注疾口昭明九則九

醜自齊齊則曰知悖則死勇注明此九法則所醜義

成九法成則苟死於勇不知節案上所陳九則九醜

樸一段勇如害上則不登于明堂如與而同舊作知

引云勇則害上明堂所以明道明道惟法注惟以法

度他人法人惟重老重老惟寶嗚呼在昔文考戰戰

惟時祇祇汝其注言所尊重者老人乃政之寶也文

王唯敬是道汝其用之汝諸侯也正文汝其下疑脫

記及今改正謝云戰戰惟時祇夙夜濟濟無競惟人

惟允惟讓不遠羣正不邇讒邪注言當近正士遠讒

人汝不時行汝害于士士惟都人孝悌子孫注不行

是文王之道其如此也不官則不長官戒有敬官口
朝道舍賓祭器曰八宅注官以長官所戒惟敬則八
宅順矣綏比新故外內貴賤曰六位注安之比之各
以其道則位順也大官備武小官承長注承奉正文
誤作成今大匡封攝外用和大注和平大國正文
依注改正中匡用均勞故禮新注士大夫及賓客
作棘不成字小匡用惠施舍靜衆注靜安也禁請無怨順生分殺
今從宋元本不忘不憚注不計分部不失其理俾若九則生敬在
國國咸順順維敬敬維讓讓維禮注言周大匡使順
九則生其所敬於國國人皆順之以敬讓之禮也舊本

作生欲在國國咸敬假於王道沈案注文改今從之辟不及寬有永假注不及言同

文政解第三十八

惟十有三祀王在管管蔡開宗循注管管叔之邑二

叔開其宗族循鎬京之政言從化也王謝云王字當

宗循王禁九慝昭九行濟九醜尊九德止九過務九

勝傾九戒固九守順九典注九人所茂政也濟謂濟

其醜以好也順此戒也九慝一不類二不服三不則

四口務有不功五外有內通六幼不觀國七閭不通

徑八家不開刑九大禁不令路徑注刑法也不令不

宜令也九行一仁二行三讓四信五固六治七義八

意九勇注意於道也九醜思勇醜忘思意醜變思義

醜口思治醜亂思固醜轉思信醜奸思讓醜殘思行

醜頑思仁醜豐注殘謂殘禮義也案九醜即倒承上

說四言六治訛六始此又脫九德一忠二慈三祿四

賞五民之利六商工受資七祗民之死八無奪農九

足民之財注敬死勸葬也足民之財也正文之財本

同注未句上九過一視民傲二聽民暴三遠慎而近

急疑有脫文口害行八口思前後九偷其身不路而助無漁九

勝一□□□□二□□□□三同惡潛謀四同好和

因五師口征惡六迎旋便路七明賂施舍八幼子移

成九迪名書新注潛謀潛密之謀也移成謂易子而

教也蹈名之子書而新用九戒一內有柔成二示有

危傾三旅有罷寘四亂有立信五教用康經六合詳

毀成七邑守維人八飢有兆積九勞休無期注柔成

善柔諂人也罷寘言口困倉暗也康逸也合詳無德

而信也守邑無備恃其人眾皆危道注暗一本作暗

疑九守一仁守以均二智守以等三固守以典四信

守維假五城溝守立六廉守以名七戒守以信八競

守以備九國守以謀維假言立信常至於義也信

維假二句 似有訛允典一祗道以明之二稱賢以賞之三典

師以教之四四威以勞之四威四字疑 本是空圍五位長以遵

之六羣長以老之七羣醜以移之八什長以行之九

戒卒以將之典師謀各隨所能而教之也遵行之

以戒之事也將之軍旅行陣也嗚呼充虛為害無由

不通無虛不敗陰陽姦謂之充國無人謂之虛也

大聚解第三十九

維武王勝殷撫國綏民乃觀于殷政告周公旦曰嗚呼殷政總總若風草有所積有所虛和此如何總

總亂也有積有虛言不平也周公曰聞之文考亦遠

賓廉近者道別其陰陽之利相土地之宜水之之便

禮遠賓廉近者道總土宜以愛民也 趙云欲衣遠

者之安危利病使之各得其所如下文所云者是也

相土地之宜土字疑衍以下句言水土之便故也案

注廉本多作廣今從元本改 營邑制命之曰大聚先

愛本多作受今從元本改 四郊自近始也在察也賓

誘之以四郊王親在之亡者復之辱

大夫免列以選赦刑以寬復已解辱行風化也此

者解之削赦口重皆有數此謂行風甚或作乃令縣鄙商旅日能來三室者與之一室之祿本

注大字或衍文 闕開脩道五以一丈夫之耕祿者又者疑當作之

里有郊十里有井二十里有舍注待行旅也案地官遺人三十里有廬此作

二十里有疑說遠旅來至關人易資舍有委注貿易

供其資也正文有本市有五均早暮如一送行逆來

振乏救窮注均平也言早暮一價惠云河閒獻王所傳樂元語其道五

均事云天子取諸侯之士以立五均則市無二價四

民常均強者不得困弱富者不得要貧則公家有餘

民矣及小老弱疾病孤子寡獨惟政所先注當先卹也

民有欲畜發令注命之畜牧以國為邑以邑為鄉以

鄉為閭禍災相卹資喪比服注邑閭比相救卹比服

供喪服也疑卽周禮所謂比五戶為伍以首為長十

夫為什以年為長注首為伍家最服合閭立教以威

為長合旅同親以敬為長注教由威行旅由敬親飲

食相約與彈相庸趙云功作則互相勸是與游墮則

之室蓋取耦耕口耘男女有婚墳墓相連民注親

則于古言相通也六畜有羣室屋既完民乃歸之注六畜

牛馬豬羊犬雞鄉立巫醫具百藥以備疾災畜五味

以備百草注草味同言五味非一也注同疑立勤人

以職孤立正長以順幼立職喪以卹死立大葬以正

同注職同立君子以脩禮樂立小人以教用兵注禮

樂于戚兵刃也注有立鄉射以習容春和獵耕耘以

習遷行注羣行出入坐起隨行教芋與樹藝比長立

職與田疇皆通注根衍曰芋比長之職通連比也芋

或作茅今從宋元本謝云根衍曰芋不知所出說文玉篇釋芋字皆謂草之可以為繩者字亦通芋

祭祀與歲穀登下厚薄此謂德教注登下隨穀豐儉

也若其凶土陋民賤食貴貨是不知政注不順政故

日凶山林藪澤以因其口工匠役工以攻其材商賈

趣市以合其用注言政行也外商資貴而來貴物益

賤資賤物出貴物以通其器注通其有無使相口也

夫然則關夷市平財無鬱廢商不乏資百工不失其

時無愚不教則無窮乏此謂和德注言政治和之所

致也則無窮乏舊作口無窮乏則今依道大正若有不言乃政其凶陂溝

道路藜苴丘墳不可樹穀者樹以材木注除藜種木

春發枯槁夏發葉榮疑當作華榮秋發實蔬冬發薪烝以

匡窮困注以此匡之也揖其民力相更為師惠云揖與輯同

因其土宜以為民資注更相為師匡資次用也注有

則生無乏用死無傳尸此謂仁德注傳於溝壑惠云

猶轉尸也淮南子鬱而無轉高誘曰轉讀作傳且聞禹之禁春三月山林不

登斧以成草木之長夏三月川澤不入網罟以成魚

鼈之長且以并農力執成男女之功注男耕女桑成

此功也夫然則有生而不失其宜萬物不失其性人

不失其事天不失其時以成萬財萬財既成放此為

人此謂正德注放散供人用也藝文類聚引此有生

材云萬材已成牧以爲人天泉深而魚鼈歸之草木作有土無而字時作

茂而鳥獸歸之稱賢使能官有材而士歸之士舊闕

關市平商賈歸之分地薄斂農民歸之水性歸下農從惠補

民歸利注歷言自然之至王若欲求天下民先設其

利而民自至譬之若冬日之陽夏日之陰不召而民

自來此謂歸德注政善德之至也五德既明民乃知

常武王再拜曰嗚呼允哉天民側側余知其極有宐

注側側喻多長有國也乃召昆吾冶而銘之金版藏

府而朔之注昆吾古之利冶朔月且朔省之也謝云

乃掌治世官
注云利治誤

世俘解第四十

維四月乙未日武王成辟四方通殷命有國注言成

者執殷俘通之以爲國也此克紂還歸而作也惟一

月丙午旁生魄若翼日丁未舊丙午作丙辰丁未作

日數至二月五日王乃步自于周征伐商王紂注旁廣

大月大時也此本紀始伐紂師度孟津也越若來二

月既死魄越五日甲子朝至接于商注越於也朔後

爲死魄惠云接則咸劉商王紂執矢惡臣百人注劉

尅也矢惡臣崇侯之黨矢舊本作夫又或作天今案

太公望命禦方來丁卯望至告以馘俘注太公受命

追禦糾黨方來戊辰王遂禦循追祀文王時日王立

注禦循追祀以剋紂告祖考壇帷而祭是日立王

政布天下正文追字舊本說目又一本說作自注又

壇非今注呂他命伐越戲方王申荒新至告以馘俘

注呂他將也越戲方紂三邑也惠云呂他南宮氏也

見南宮注侯來命伐靡集于陳辛巳至告以馘俘注侯

來亦將也靡陳紂二邑也甲申百弁以虎賁誓命伐

衛告以馘俘注百弁亦將辛亥薦俘殷王鼎注殷國

之鼎秦通鑑前編作武王乃翼矢珪矢憲告天宗上

帝注矢陳也稷太牢別於天也稷太牢不見正文

于此不應預見案書正義云天神尊祭王不草

格于廟秉語治庶國籥人九終注不改祭天之

告祖考急於語治也廟無別人也未五王烈祖自太

王太伯王季虞公文王邑考以列升維告殷罪注虞

公虞仲邑考文王子也皆升王於帝籥人造王秉黃

鉞正國伯注於籥人進四王進正伯之位也注籥字

今從趙改王子王服袞衣矢琰格廟籥人造王秉黃鉞正

邦君注正諸侯之位也癸丑薦殷俘王士百人注王

士紂之士所囚俘者籥人造王矢琰秉黃鉞執戈王

奏庸大享一終王拜手稽首王定奏庸大享三終

大享獻爵奏庸擊鍾甲寅謁戎殷于牧野王佩赤白

旂籥人奏武王入進萬獻明明三終

詩篇名武以干羽為萬舞也惠云明明即大明乙卯籥人奏

崇禹生開三終王定崇禹生開皆篇名告非一故

連日有事也庚子陳本命伐磨百韋命伐宣方新荒

命伐蜀梁處素云磨必磨之訛下云馘磨即獻磨國

邑本作磨也又新荒前云荒新疑是二人故茲舉異

文文弢案黃歇說秦云割濮磨之北磨近濮在商畿

新序作濮歷乙巳陳本命新荒蜀磨至告禽霍侯

艾侯倂侯侯小臣四十有六禽禦八百有三百兩告

以馘俘此復說尅紂所命伐也庚子閏二月十一

日禦大臣也或以庚子為庚申乙巳為乙丑非也百

韋至告以禽宣方禽禦三十兩告以馘俘百韋命伐

厲告以馘俘言而隅之言也武王狩禽虎二十有

二猫二麋五千二百三十五犀十有二容齋隨筆猶

案下文別有麋必有一誤犀十有二作犀十有三

梁處素云麋必有一字作麋者古麋麋多通寫釐

七百二十有一熊百五十有一羆百一十有八豕三

百五十有二貉十有八麀十有六麀容齋麇五十麋

三十鹿三千五百有八武王克紂遂摠其圃所獲

禽獸武王遂征四方凡愨國九十有九國愨惡也

馘曆億有十萬七千七百七十有九

曆舊作魔訖億下不當更言十

萬十字非衍即誤

俘人三億萬有二百三十

武王以不殺

為仁無緣馘億也俘馘之多此大言之也凡服國六

百五十有二注此屬紂也口口時四月既旁生魄越

六日庚戌武王朝至燎于周維子冲子綏文注此於

甲乙十六日也先廟後天者言功業已成故也注此於

詭當作四月二十二日謝云凡冲子似皆有錯簡書中惟成王有冲子之稱武王降自車

乃俾史佚絲書于天號注使史佚用書重薦俘于天

也武王乃廢于紂矢惡臣人百人上人字疑衍伐右厥甲

小子鼎大師注廢其惡人伐其小子乃鼎之衆也伐

厥四十夫家君鼎帥司徒司馬初厥于郊號注言初

克紂于商郊號令所伐也武王乃夾于南門用俘皆

施佩衣衣先馘入注言陳列俘馘于宗廟南門夾道

以示衆也取乃衣之施之以恥也武王在祀太師負

商王紂縣首白旂妻二首赤旂乃以先馘入燎于周

廟注王在祀主使樂師以紂首及妻首所馘入廟燎

也謝云白旂赤旂與前大白小白亦辭異而意同負

甲子紂縣首太師為之不類益從上文讀下則亦當在

下若翼日辛亥祀于位用籥于天位注此詳說庚

戊明日郊天祭俘所用籥衣事也越五日乙卯武王

乃以庶旂馘于國周廟翼子冲子斷牛六斷羊二注

於辛亥五日以諸侯祭其有斷煞者庶國乃竟告于

周廟曰古朕聞文考脩商人典以斬紂身告于天子

稷注言諸侯竟殺牲告周廟天稷也正文疑當作告朕文考循商人

典注用小牲羊犬豕于百神水土于誓社注百神天宗

水土山川誓告也曰惟予冲子綏文考至于冲子用

牛于天子稷五百有四注及宗廟山川也用小牲羊

豕于百神水土社二千七百有一注所用甚多似皆

益之商王紂于商郊注更說始伐紂時謝云自商王

其文皆當在前甲子朝至接于商下句則咸劉商王

紂于商郊此處商王紂三字衍文也俘商王億有百

萬下乃接武王在祀至燎于周廟義無舛矣時甲子夕商王紂

取天智玉琰五環身厚以自焚注天智玉之上美者

也縫環其身以自厚也五環二字舊本作逢今依張

御覽引此曰紂取天智玉琰五班環身以自焚注曰

天智玉之上美者班環身以自厚也又御覽七百十

八引此云取天知玉珥及庶玉衣身以凡厥有庶告

焚玉四千注衆人告武王焚玉四千也五日武王乃

俾于千人求之四千庶玉則銷天智玉五在火中不

銷注紂身不盡玉亦不銷正文于凡天智玉武王則

寶與同注言王者所寶不銷也凡武王俘商舊玉億

有百萬

箕子解第四十一己惠云廣韻引書曰武王悅箕子

之對賜十朋別無所見當在此篇

通志書

卷四

六

耆德解第四十二

三

通志書卷第四

國家圖書館. NATIONAL CENTRAL LIBRARY. TAIWAN. R.O.C

逸周書卷第五

晉孔晁注

商誓解第四十三

度邑解第四十四

武儆解第四十五

五權解第四十六

成開解第四十七

作雒解第四十八

皇門解第四十九

大戒解第五十

商誓解第四十三

于若曰告爾伊舊何父□□□□幾耿肅執乃毀之
舊官人序文□□□□及太史比小史昔及百官里
居獻民□□□來尹師之敬諸戒疾聽朕言用胥生

獨尹王曰嗟爾衆予言若敢顧天命予來致上帝之
 威命明罰今惟新誥命爾敬諸朕話言自一言至于
 十話言其惟明命爾王曰在昔后稷惟上帝之言克
 播百穀登禹之績凡在天下之庶民罔不維后稷之
 元穀用蒸享在商先誓王惠云誓讀曰哲下茲同俗
本王作正今從宋本元本
 明祀上帝□□□亦維我后稷之元穀用告和用
 胥飲食肆商先誓王維厥故斯用顯我西土今在商
 紂昏憂天下弗顯上帝昏虐百姓奉天之命上帝弗
 顯乃命朕文考曰殪商之多罪紂肆予小子發弗敢
 忘天命朕考胥翁稷政肆上帝曰必伐之予惟甲子

尅致天之罰□帝之來革紂之□予亦無敢違大

命章本作敬諸昔在我西土我其有言本或作齊言胥告

商之百無罪其維一夫趙疑百下當有姓字予既殛紂承天命

予亦來休命爾百姓里居君子其周卽命□□□□

□□□□□爾冢邦君無敢其有不告見于我有周

其比冢邦君我無攸愛上帝曰必伐之趙云上帝曰必伐之已見

上文此處語勢似不當有疑衍今予惟明告爾予其往追□紂遂趨

集之于上帝遂本或作達天王其有命爾王疑百姓

獻民其有綴芳綴芳謂若絲之絕而更續草之刈而更生也夫自敬其有

逸周書 卷五 七

斯天命不令爾百姓無告西土疾勤其斯有何重天
 維用重勤興起我罪勤我無克乃一心爾多子其人
 自敬助天永休于我西土爾百姓其亦有安處在彼
 宐在天命口及惻興亂予保奭其介有斯勿用天命
 若朕言在周曰商百姓無罪朕命在周其乃先作我
 肆罪疾予惟以先王之道御復正爾百姓越則非朕
 負亂惟爾在我王曰百姓我聞古商先誓王成湯克
 辟上帝保生商民克用三德疑商民弗懷用辟厥辟
 今紂棄成湯之典肆上帝命我小國曰革商國肆予
 明命汝百姓其斯弗用朕命其斯爾冢邦君商庶百

姓子則口劉滅之王曰霍予天命

說文霍飛聲也兩而雙飛者其聲霍

然徐呼郭切徐鍇曰其聲霍忽疾也然則此亦當為命不于常之意維既咸汝克承天

休于我有周斯小國于有命不易昔我盟津帝休辨

商其有何國命予小子肆我殷戎亦辨百度口口美

左右予予肆劉殷之命今予維篤祐爾予史太史達

予史本或作子史今從元本我寔視爾寔各本多作

章本何本然于字亦似訛靖疑胥敬請其斯一話敢逸僭予則上帝之明命予

爾拜拜口百姓越爾庶義庶刑予維及西土元本章本予作

子我乃其來即刑乃敬之哉庶聽朕言罔胥告

度邑解第四十四

維王尅殷國君諸侯乃厥獻民徵主九牧之師見王

于殷郊九牧九州之牧也鄭康成注尚書王乃升汾

之阜以望商邑司馬彪續漢郡國志襄城有汾上案

即此地也去朝歌不遠故可承歎曰嗚呼不淑兌天

對李善注王元長曲水詩遂命一日維顯畏弗忘王

至于周自鹿至于丘中鹿舊口亦以李善注補具明

不寢王小子御告叔旦叔旦亟奔即王曰久憂勞問

害不寢害與曷同何也舊曰安予告汝王曰嗚呼且

惟天不享于殷發之未生至于今六十年夷羊在牧

飛鴻滿野舊作過野或過野之訛今依史記博物志

史記索隱引隨天不享于殷天下舊有自幽二字係

乃今有成維天建殷厥徵天民名三百六十夫弗顧

亦不賓威舊作賓威史記作賓滅隨巢用戾于今嗚

呼于憂茲難近飽于卹辰是不室我未定天保何寢

能欲未舊作來又多一所王曰且予克致天之明命

定天保依天室志我共惡專從殷王紂日夜勞來定

我于西土志我共惡史記作悉求夫惡沈云此書是

字又日夜勞來舊作四方赤室未五字今依史記

改正史記本或無定字案索隱本作日夜勞來定我

連作一句讀我維顯服及德之方明叔旦泣涕于常

悲不能對王口口傳于後王曰且汝維朕達弟子有

使汝

子各本多作子今從章本

汝播食不遑暇食矧其有乃室今

維天使子惟二神授朕靈期予未致予休予近懷子

朕室汝維幼子大有知昔皇祖底于今勛厥遺得顯

義告期付于朕身肆若農服田饑以望穫

惠云饑與幾同幾讀

如子有不顯朕卑皇祖不得高位于上帝

卑亦疑專汝幼

子庚厥心庶乃來班朕大環茲于有虞意乃懷厥妻

子德不可追于上民亦不可荅于朕下不賓在高祖

維天不嘉于降來宥汝其可瘳于茲乃今我兄弟相

後我筮龜其何所卽今用建庶建叔且恐泣涕共手

庶建或作素達惠半農云王欲兄弟相後傳位於且故且恐

王曰嗚呼且我圖夷

茲殷其惟依天其有憲命求茲無遠

依鍾本作夷又無遠下章本有

慮天有求繹相我不難自洛汭延于伊汭居陽無固

其有夏之居

案史記索隱陽作平易也

我南望過于三塗我

北望過于有嶽鄙顧瞻過于河宛瞻于伊洛

史記無有字鄙

舊作丕顧舊作願今皆依史記改瞻史作詹同宛史作粵又案史集解徐廣曰武王問太公曰吾將因有夏之居南望過于三塗北瞻望于有河語亦相似三塗杜預曰在河南陸渾縣南案左氏昭十七年傳晉將伐陸渾以有事於雒與三塗請於周杜說蓋本此服虔以太行轅轅峭岵當之於南望亦不合非也

無遠天室其曰茲曰度也

武倣解第四十五

惟十有二祀四月王告夢丙辰出金枝郊寶開和紉

書命詔周公旦立後嗣屬小子誦文及寶典王曰嗚呼敬之哉汝勤之無蓋口周未知所周不知商口無也朕不敢望敬守勿失以詔宥小子曰允哉宥俗本作寘今

從元本章本又作賓字 汝夙夜勤心之無窮也此篇殘缺不可讀也字當是妄

五權解第四十六

維王不豫于五日召周公旦曰嗚呼敬之哉昔天初降命于周維在文考克致天之命汝維敬哉先後小子勤在維政之失政有三機五權汝敬格之哉克中無苗以保小子于位三機一疑家二疑德三質士疑

家無授衆疑德無舉士質士無遠齊吁敬之哉天命

無常敬在三機五權一曰地地以權民二曰物物以

權官三曰鄙鄙以權庶四曰刑刑以權常五曰食食

以權爵不遵承插章本作食不宜不宜授臣極賞則

漏漏得不食案淵與插同荀子宥坐篇言水洗洗手

語三恕篇極刑則仇仇至乃別鄙庶則奴奴乃不滅

國大則驕驕乃不給官庶則荷荷至乃辛官庶舊作

云無字衍今從刪謝云荷與苛同見漢書酈食其傳

文昭案辛疑莘字之訛說文叢生艸也讀若澁於苛

細煩碎之意為近且業字从辛則物庶則爵乃不和

聲當亦相近與上所韻亦協物庶則爵乃不和

惠於乃字旁校云宋作擲趙疑物庶則下尚脫一字

逸周書

卷五

五

也無字當重文文地庶則荒荒則聶案聶當如爾雅邪案和字亦必誤守宮槐畫聶宵炕之聶合也脈其滿昏閉塞而不能疏通是之謂聶人庶則匱匱乃匿嗚呼敬之哉汝慎和稱五權維申是以以長小子于位實維永寧

成開解第四十七

成王元年大開告用注周公大開告道成王用之也

文昭案篇中云今商孽競時逋播則在未東征之前舊作九年非也今從趙改周公曰嗚呼

余夙夜之勤今商孽競時逋播以輔余何循何循何

慎王其敬天命無易天不虞注言商餘紂子祿父競

求是逋播逃越之人以自輔當敬天命備不度者也

在昔文考躬脩五典勉茲九功敬人畏天教以六則

四守五示三極祇應八方立忠協義乃作注祇敬協

和三極一天有九列別時陰陽惠云九列即九星二地有九

州別處五行別處俗間本作別起今從元本章本三人有四佐佐官維

明五示顯允明所望注四佐謂天子前疑後丞右輔

左弼也當明謂五示示於民也五示一明位示土二

明惠示衆三明主示寧四安宅示孥五利用示產注

主明則民安之安宅則妻子寧利用則產業衆注有

參取數本校正產足不窮家懷思終主爲之宗德以撫衆衆

和乃同注言五示之義同謂和同也不字本脫趙据文義補撫舊作

輔又衆字不重惠据宋本改增四守一政盡人材材盡致死二土守

其城溝三障水以禦寇四大有沙炭之政注任人盡

其材則死力効致大沙熾炭可以攻適人也注攻舊

即敵人也六則一和衆二發鬱三明怨四轉怒五懼

疑六因欲注鬱謂穀帛滯積者也怒則轉之懼則疑

之欲則因之此文王所以尅紂也九功一賓好在筭

二淫巧破制三好危破事四任利敗功五神巫動衆

六盡哀民匱七荒樂無別八無制破教九任謀生詐

注在筭謂實幣於筭無節限也盡哀謂送終過制也

無別亂同也任謀謂權變也不犯此則成功也文昭

功攻同此九功當謂九攻孔注似曲和集集以禁實有離莫遂通其此

二字難曉下本五典一言父典祭祀昭天百姓若

敬二顯父登德德降為則則信民寧注言祭祀見享

受福民乃化則法信民心也言父顯父如書酒誥之

者尊之之辭此言父蓋宗伯之屬顯父司徒之官正

父司馬之官機父師氏保氏之職所闕一父當司空

之職也顯父三句又見本典解惠中農据以改此作

德降為信信則民寧文弼案與注不合前和寤解亦

有德降為信則語蓋法制皆本於德法三正父登過過

制信於民民是以寧惠所改非也慎於武設備無盈注使正舉事過於前無自滿四機

父登失脩口口官官無不敬五口口口口制哀節用

政治民懷注使刺譏之士舉政之失其官官無不敬

矣懷猶歸之也五典有常政乃重開之守二字內則
順意外則順敬內外不爽是曰明王注重開言無爽
也王拜曰允哉維予聞曰何鄉非懷懷人惟思思若
不及禍格無日注格至式皇敬哉余小子思繼厥常
以昭文祖定武考之列注式用皇大嗚呼余夙夜不
寧

作雒解第四十八

武王克殷乃立王子祿父俾守商祀注封以鄭祭成
湯建管叔于東建蔡叔霍叔于殷俾監殷臣注東謂
衛殷鄩鄘霍叔相祿父也武王既歸乃歲十二月崩

鎬肆于岐周注乃謂乃後之歲也肆橫塗惠云土喪

征自天子至於周公立相天子三叔及殷東徐奄及

熊盈以略注立謂為宰攝政也殷祿父徐戎奄謂殷

之諸侯周公召公內弭父兄外撫諸侯元年夏六月

葬武王於畢注弭安畢地名元年舊作九年訛趙改

畢也今二年又作師旅臨衛政殷殷大震潰注下叛

其上曰潰政釋史作攻惠云政與降辟三叔王子祿

父北奔管叔經而卒乃囚蔡叔于郭凌注郭凌地名

囚拘也凡所征熊盈族十有七國俘維九邑注俘囚

為奴十七國之九邑罪重故囚之俘殷獻民遷于九

畢注獻民士大夫也九畢成周之地近王化也俾康

叔宇于殷俾中旄父宇于東注康叔代霍叔中旄代

管叔周公敬念于後曰予畏同室克追俾中天下注

成王二年秋迎周公三年春歸也屬公追畏尊王也

謝云同室克追當是周室克造之誡注追畏時王之語殊不明及將致政乃作大邑

成周于土中注王城也於天下土為中沈云自郭以

不專指城方千七百二十丈郭方七十里水經注城

七十丈脫一千字沈改七為六不知何据郭方南繫于

洛水北因于邾山以為天下之大濛注郭郭也繫因

皆連接也濛會也北因于邾山舊作地因于刺山制

郊甸方六百里國西土為方千里注西土岐周通為

圻內水經注分以百縣縣有四郡郡有四鄙大縣城

方王城三之一小縣立城方王城九之一注三分九

分居其一四鄙四字舊作空圍今依淮南子注都鄙

不過百室以便野事注耕桑之事農居鄙得以庶士

士居國家得以諸公大夫注居治也治鄙以農治國

家以大夫農之秀者可為士士有功凡工賈胥而臣

僕州里俾無交為注工商百胥人臣僕各異州里而

居不相雜交也胥相也舊作胥待也趙云相也文昭

也雜出疑此三字後人竄入乃設丘兆于南郊以祀上帝配以后

稷 **注** 設築壇城內郊南郭也日月星辰先王皆與食

注 先王后稷謂郊時日月星辰御覽作農星趙云此注非后稷已配上帝此先王當

自太王而下文殆疑此先王當如月令之五帝封人社壇諸侯受命於周乃

建大社于國中 **注** 受封也 舊本脫封人社壇及侯字又國訛作周今依公羊文

十二年其壇東青土南赤土西白土北驪土中央豐

以黃土將建諸侯鑿取其方一面之土燹以黃土苴

以白茅以為土封故曰受列土於周室 **注** 其方謂建

東方諸侯以青土也燹覆茅苴裹土封之為社也 魯

作燹見公羊疏燹舊作苞詁注以覆釋燹而舊本亦

晚燹字以上也字作而云而覆茅苴裹土不成語矣

故今定為燹字則正文與注正相應也正文以為土

封本一作以土封之又一作以為社之封又故曰受

列土舊作故曰受則大惠以大為衍文而引周禮人

宗伯五命賜則為受則之證非也故曰二字當承上

大社為說御覽作故曰列土稍節其文耳其云列土

則是也又惠採公羊疏引孔氏注云王者封五色土

為社建諸侯則各割其方土與之使立社燹以黃土

苴以白茅茅取其潔黃取其王者覆四方案此所引

多見正文不盡出孔乃位五宮大廟宗宮考宮路寢

氏今載之以備參考 **明堂** **注** 五宮宮府寺也大廟后稷廟二宮祖考廟考

廟也路寢王所居也明堂在國南者也 文昭案五宮

注當是本作五宮官府寺也今皆訛官為宮如以大

廟等五者當五宮非也隋書牛宏傳引乃立大廟宗

后稷下廟字并考廟字舊皆脫今校增咸有四阿反

坵重亢重郎常累復格藻稅設移旅楹春常畫旅 **注**

咸皆也官廟四下曰阿反坵外向室也重亢累棟也

重郎累屋也常累系也復格累芝栢也藻稅畫梁柱也承屋曰移旅列也春常謂藻井之飾也言皆畫列

柱為文也正文移即移也春常畫旅舊本作恣常畫注亦多從之注宮字舊無据前人陸佃陶山集所引改正編補惠半農云復格即複竿內階予階堤唐山廡

注以黑石為階唐中庭道堤謂高為之也山廡謂廡畫山雲予階前編作予陸堤唐陶山集作提唐注同注高為舊本誤例又脫上山字次廡字今皆

增應門庫臺予闔**注**門者皆有臺於庫門見之從可知也又以黑石為門限也注從舊作後限舊作階今皆從前編改正

皇門解第四十九

維正月庚午周公格左闔門會羣門**注**格至也路寢

左門曰皇門闔音皇也文昭案羣門族姓也篇中曰宗子曰私子皆為大家世族

而言此誥在成王元年見竹書曰嗚呼下邑小國克有耆老據屏位

建沈人罔不用明刑**注**耆老賢人也又建立沈伏之

賢人無不用明法尚舊作非訛注無字舊亦脫今皆補正維其開告于

予嘉德之說**注**言下邑所行而我法之是開告我於

善德之說命我辟王小至于大我聞在昔有國誓王

之不綏于卹**注**小至於大者小大邦君也卹憂言思

治也乃維其有大門宗子勢臣罔不茂揚肅德訖亦

有孚以助厥辟勤王國王家**注**大門宗子適長勢臣

顯仕茂勉肅敬訖既也孚信也罔舊作內從趙改乃方求論

擇元聖武夫羞于王所注方笏羞進方訓為笏羞訓為進舊作言笏

自羞進言字誤自字衍今改正其善臣以至于有分私子苟克有常

罔不允通咸獻言在于王所注私子庶孽也常謂常

德言皆信通於義以益王也至于舊訛至人斯是助

王恭明祀敷明刑注言善人君子皆順是助法王也

王用有監明憲朕命用克和有成用能承天嘏命注

監視明此事法故能承天命王天下也王用俗本訛作王周今從

章本何本百姓兆民用罔不茂在王庭注勉在王庭獻言

於王所也先用有勸承有口于上下注上謂天下謂

地也人斯既助厥勤勞王家注助君也謂大門祗子

也先人神祇報職用休俾嗣在厥家注先人及天地

報之王用美紹家因學紀聞引作俾嗣在王家蓋嗣

謂世有令聞保其宗廟亦通注以美釋休以王國用

寧小人用格口能稼穡咸祀天神戎兵克慎軍用克

多注神祐之故王用奄有四鄰遠士丕承萬子孫用

末被先王之靈光注奄同丕大末終遠士下本何至

于厥後嗣弗見先王之明刑維時及胥學于非夷注

時有胥相為是相學於非常也及程本吳本訛作反今從元本趙疑是反

字注於以家相厥室弗卹王國王家維德是用注言

勢人以大夫私家不憂王家之用德注憂舊訛慶今

從元本章本改

正以昏求臣作威不詳不肩惠聽無辜之亂辭是羞

于王注詳善也不察無罪以惡民言順不進辭于王

詳本或作詳義竝同不肩疑不肩之訛亂辭辭有理

者也言不肩順察無罪有理之辭以進於王也舊本

誤分兩段以注詳善也至以惡民又添一也字注無

辜之亂下賸七字為辭是羞于王之注趙疑言順不

進辭于王或是言進不順辭于王文昭案進不順之

言在下文始見此非也注中惡字烏路反惡民言順

謂惡民之理直故不肩王阜良乃惟不順之言于是

上聞耳今審文義改併

人斯乃非維直以應維作誣以對俾無依無助注阜

大良善也王求善而是人作誣以對故王無依助也

譬若咬犬驕用逐禽其猶不克有獲注驕謂不習也

言口人之無得猶驕犬逐禽不能獲是人斯乃讒賊

媚嫉以不利于厥家國注言賊仁賢忌媚嫉妒以不

利其君譬若匹夫之有婚妻曰予獨服在寢以自露

厥家注寢室也言自露於家言謂美好喻昏臣也媚

夫有邇無遠乃食蓋善夫俾莫通在于王所注食為

野口媚夫見近利而無遠慮利為掩蓋善夫使莫通

食猶日月之食亦掩蔽之意乃維有奉狂夫是陽是

于舊作士從沈改注野字訛繩是以為上是授司事于正長注言陽舉狂夫以為

上人口為官長正主其事也命用迷亂獄用無成小

民率穡注命者教也率皆痛愁困也保用無用壽亡

以嗣天用弗保注安民之用無所宣施是故民失其

性天所不安用非其人故也媼夫先受殄罰國亦不

寧嗚呼敬哉監于茲朕維其及注殄絕其世罰及其

人也注罰舊詔也案盤庚云罰及爾身又云殄滅之

言害將及我也注正注之所本今改正至朕維其及蓋

益進也言我進用之臣夫明明之德助我憂天下者

疑明明注趙無維乃身之暴皆卹爾假予德憲資告予

元注假借資用也借我德法用告我大德之所行也

皆卹疑當作是卹注舊作借我法用注警若衆畋常扶

德之告我又重一我字皆詭今改正

予險乃而予于濟注如衆令畋獵相扶持也濟遂也

而古與汝無作注趙云似有缺文

能同

大戒解第五十

維正月既生魄王訪于周公曰嗚呼朕聞維時兆厥

工非不顯朕實不明注兆始工官言政治維是始正

其官注說文引逸周書曰朕實不明以侂伯父侂完

士非不務而不得助大則驕小則懼注謀不極注言

務求士而不得助如此之難極中也予重位與輕服

非其得福厚用遺注重所重在於重位輕重所立非

夫德而厚福用之是求益之言也注詭難曉趙云似

莫助我而其得其福耳非庸止生注郟正字

然者胡為厚遺之若此乎庸行信

貳衆輯羣政不輯自匿嗚呼予夙勤之無或告余非

不念念不知注止容也常信貳則難得中也我雖勤

之無有告我者徒知而不得明知也周公曰於敢稱

乃武考之言曰微言入心夙驗動衆大乃不驕行惠

於小小乃不懼注言汝之武考有是言次小字從宋元本俗閒本

作連官集乘同憂若一謀有不行予惟重告爾注連

官則同憂職集衆事則同憂濟謀有不行言必行也

集乘疑是集衆予字從宋本俗閒本作茲元本無庸重字注職字從元本或作取又言字舊脫從趙增庸

厲口以餌士權先申之明約必遺之注餌謂爵祿權

謂勢重其位不尊其謀不陽我不畏敬材在四方注

言當畏敬賢者尊其位陽其謀也在四方言口在四方言

野多遺賢或且以資敵無擅于人塞匿勿行惠威咸服孝悌乃

明注擅人專已塞匿陰忌惠順威近也明立威恥亂

使衆之道撫之以惠內姓無感外姓無譴注鄙恥其

亂則思治矣內長同姓同宗外姓異姓感古憾字人

知其罪上之明審教幼乃勤貧賤制口設九備乃無

亂謀注上明則不隱情故曰知罪九備一忠正不荒

美好乃不作惡注順人心明察則民化而善正文脫二三兩

段四口說聲色憂樂盈匿五碩信傷辯曰費口口六

出觀好怪內乃淫巧注碩大怪異七口口謀躁內乃

荒異八口口好威民衆日逃九富寵極足是大極內

心其離

注口室也

迷字從元本卜本俗閒本作堯字書無

九備既明我

貴保之應協以動遠邇同功

注

應協以動動必以和

協亦謀和適用覆以觀之上明仁義援貢有備

謂君也

正文用本亦作同

聚財多口以援成功克禁淫謀衆

匿乃雍

注

言閉塞不行也順得以動人以立行輯佐

之道上必盡其志然後得其謀

注

言和輯求助當先

順人也無口其信雖危不動口口以昭其乃得人

注

轉移貞信如此得其用上危而轉下乃不親

危而下不親之不足信故也王拜曰允哉允哉敬行

天道

逸周書卷第五

送月書

卷五

七



國家圖書館, NATIONAL CENTRAL LIBRARY, TAIWAN, R.O.C.

逸周書卷第六

晉孔晁注

周月解第五十一

時訓解第五十二

月令解第五十三

諡法解第五十四

明堂解第五十五

嘗麥解第五十六

本典解第五十七

周月解第五十一

惟一月既南至昏昴畢見日短極基踐長微陽動于

黃泉陰降慘于萬物

舊脫降字据通鑑前編補

是月斗柄建子始

昏北指陽氣虧草木萌蕩

前編作不萌蕩

日月俱起于牽牛



之初右回而行月周天進一次而與日合宿進舊作起從沈

改日行月一次而周天歷舍于十有二辰終則復始

是謂日月權輿周正歲首舊作道沈改數起于時一而成

于十次一為首其義則然凡四時成歲有春夏秋冬

各有孟仲季以名十有二月中氣以著時應春三月

中氣御覽所引春三下無驚蟄春分清明舊作雨水

非古法也夏三月中氣小滿夏至大暑秋三月中氣

處暑秋分霜降冬三月中氣小雪冬至大寒閏無中

氣斗指兩辰之間萬物春生夏長秋收冬藏天地之

正四時之極不易之道夏數得天百王所同其在商

湯用師于夏除民之災順天革命改正朔變服殊號

一文一質示不相沿以建丑之月為正易民之視本亦

作若天時大變亦一代之事亦越我周王致伐于商

改正異械以垂三統至於敬授民時巡狩祭享猶自

夏焉前編祭作蒸是謂周月以紀于政

時訓解第五十二

立春之日東風解凍又五日蟄蟲始振又五日魚上

冰風不解凍號令不行蟄蟲不振陰虧陽魚不上冰

甲冑私藏驚蟄之日獺祭魚又五日鴻鴈來又五日

草木萌動獺不祭魚國多盜賊鴻鴈不來遠人不服

草木不萌動果蔬不熟雨水之日桃始華又五日倉

庚鳴又五日鷹化為鳩桃不始華是謂陽否倉庚不

鳴臣不口主鷹不化鳩寇戎數起古雨水在驚蟄後

人遂以習見妄改古書此舊本亦以雨水在前驚蟄

後非也今從沈正之下穀雨清明亦然御覽作桃

始不華是謂否塞又云倉庫春分之日乎鳥至又五

日雷乃發聲又五日始電乎鳥不至婦人不娠雷不

發聲諸侯失民不始電君無威震振字舊闕從御覽

後漢書補御覽又作電若不穀雨之日桐始華又五

日田鼠化為鴽又五日虹始見桐不華歲有大寒田

鼠不化鴽國多貪殘虹不見婦人苞亂御覽作清明

之日萍始生又五日鳴鳩拂其羽又五日戴勝降于

桑萍不生陰氣憤盈鳴鳩不拂其羽國不治兵戴勝

不降于桑政教不中御覽立夏之日螻蟈鳴又五日

蚯蚓出又五日王瓜生螻蟈不鳴水潦淫漫蚯蚓不

出夔奪后王瓜不生困於百姓夔奪后御覽作臣小

滿之日苦菜秀又五日靡草死又五日小暑至苦菜

不秀賢人潛伏靡草不死國縱盜賊小暑不至是謂

陰慝御覽賢作仁不死作芒種之日螳螂生又五日

鷓始鳴又五日反舌無聲螳螂不生是謂陰息鷓不

始鳴令姦壅偪反舌有聲佞人在側夏至之日鹿角

解又五日蝟始鳴又五日半夏生鹿角不解兵革不
息蝟不鳴貴臣放逸半夏不生民多厲疾小暑之日
溫風至又五日蟋蟀居辟又五日鷹乃學習溫風不
至國無寬教蟋蟀不居辟急迫之暴鷹不學習不備
戎盜御覽作溫風不至即時無緩蟋蟀不居大暑之
日腐草化為螢又五日土潤溽暑又五日大雨時行
腐草不化為螢穀實鮮落土潤不溽暑物不應罰大
雨不時行國無恩澤御覽作土潤不溽暑即急應之
句皆有立秋之日涼風至又五日白露降又五日寒
蟬鳴涼風不至國無嚴政白露不降民多邪病寒蟬

不鳴人皆力爭國字舊本無從御覽增又邪作疾處

暑之日鷹乃祭鳥又五日天地始肅又五日禾乃登

鷹不祭鳥師旅無功天地不肅君臣乃口農不登穀

暖氣為災御覽白露之日鴻雁來又五日兮鳥歸又

五日羣鳥養羞鴻雁不來遠人背畔兮鳥不歸室家

離散羣鳥不養羞下臣驕慢御覽背秋分之日雷始

收聲又五日蟄蟲培戶又五日水始涸雷不始收聲

諸侯淫佚蟄蟲不培戶民靡有賴水不始涸甲蟲為

害御覽培作閉下同又佚作汰或泆字之訛民字舊

作空圍從御覽補御覽別見一段云雷乃收聲不
收聲即人民不安又云諸侯驕逸蟄蟲坏戶不坏戶
即邊方不寧又云人靡有賴水始涸不始涸即人多

疾病又云介蟲為害惠云此當是古本寒露之日鴻鴈來賓又五日爵

入大水化為蛤又五日菊有黃華鴻鴈不來小民不

服爵不入大水失時之極菊無黃華土不稼穡霜降

之日豺乃祭獸又五日草木黃落又五日蟄蟲咸俯

豺不祭獸爪牙不長草木不黃落是為愆陽蟄蟲不

咸俯民多流亡御覽附立冬之日水始冰又五日地

始凍又五日雉入大水為蜃水不冰是謂陰負地不

始凍咎徵之咎雉不入大水國多淫婦謂舊作伏從

一段云立冬十月節水始冰若不冰即陰之有負地始凍若不凍即災咎之徵野雞化為蜃若不為蜃即時多姪婦文昭案此惠氏所疑為古本小雪之日虹者也然避民字雉字當出唐人所更定

藏不見又五日天氣上騰地氣下降又五日閉塞而

成冬虹不藏婦不專一天氣不上騰地氣不下降君

臣相嫉不閉塞而成冬母后淫佚大雪之日鳴鳥不

鳴又五日虎始交又五日荔挺生鳴鳥猶鳴國有訛

言虎不始交將帥不和荔挺不生卿士專權鳴鳥或

作鴟鳴禮記坊記作盍旦夜鳴求旦之鳥也御覽鳴作鴟亦可通本或作鴟或作鴟皆誤猶鳴六字及將帥四字舊闕今從御覽補又荔挺不生御覽作不出惠云康成以荔挺連讀顏之推議之不知周書已如是

冬至之日蚯蚓結又五日麋角解又五日水泉動

蚯蚓不結君政不行麋角不解兵甲不藏水泉不動

陰不承陽小寒之日鴈北向又五日鵲始巢又五日

龜始鳴

雉始鵠鴈不北向民不懷主鵠不始巢國不寧雉不

始雛國大水御覽載小寒十二月節鴈北鄉鴈不北

不寧又曰一國不寧野雞始雛野雞不雛國乃大水大寒之日雞始乳又五日

鷺鳥厲疾又五日水澤腹堅雞不始乳淫女亂男鷺

鳥不厲國不除兵水澤不腹堅言乃不從宋本無疾

云鷺鳥不厲則上句亦本無疾字宋本是也御覽載

大寒十二月中雞始乳雞不乳即姪婦亂男鷺鳥厲

疾鳥不厲疾即國不除姪水澤腹堅不腹堅即言無所從

月令解第五十三闕文案蔡邕明堂月令論云月

令解第五十三合篇名因天時制人事天子發號

奉四時効氣物行王政也成法具備各從時月藏之

明堂所以示承祖考神明明不敢泄瀆之義故以明

堂冠月令以名其篇載禮夏小正則夏之月令也殷

人無文及周而備文義所說博衍深遠宜周公之所

著也言號職司與周官合周書七十二篇而月令第

五十三秦相呂不韋著書取月令為紀號淮南王安

亦取以為第四篇改名曰淮南皆非也又案隋書牛宏傳云

今明堂月令者鄭康成云是呂不韋著春秋十二紀

之首章禮家鈔合為記蔡邕王肅云周公所作周書

內有月令第五十三即此也案宏以今禮記中之月

合即是周書內者故云即此與蔡邕說相符合邕

以淮南時則在第四篇今却在第五篇其文與呂氏

既蔡邕牛宏有新二證故今即依呂氏十二紀首鈔

出以補斯闕又宏傳云堂方一百四十四尺屋圓楯

徑二百一十六尺太室方六丈通天屋徑九丈八闕

孟春之月日在營室昏參中旦尾中其日甲乙其帝

太皞其神句芒其蟲鱗其音角律中太簇其數八其

兔司書

卷六

七

味酸其臭羶其祀戶祭先脾東風解凍蟄蟲始振魚

上冰獺祭魚候鴈北記作鴈天子居青陽左个乘鸞

輅駕蒼龍載青旂衣青衣服青玉記作倉食麥與羊

其器疏以達是月也以立春先立春三日太史謁之

天子曰某日立春盛德在木天子乃齊立春之日天

子親率三公九卿諸侯大夫以迎春於東郊還乃賞

公卿諸侯大夫於朝記乃字作反後並同無諸侯二

至尊坐而論道不嫌不命相布德和令行慶施惠下

賞故但言卿諸侯大夫呂氏無公字高誘注云三公

及兆民慶賜遂行無有不當迺命太史守典奉法司

天日月星辰之行宿離不忒記作貸音無失經紀以

同下同

初為常是月也天子乃以元日祈穀于上帝乃擇元

辰天子親載耒耜措之參于保介之御閒參于率三

公九卿諸侯大夫躬耕帝籍田記無田字案呂氏天

子三推三公五推卿諸侯大夫九推記無反執爵于

太寢三公九卿諸侯大夫皆御命曰勞酒是月也天

氣下降地氣上騰天地和同草木繁動記作王布農

事命田舍東郊皆脩封疆審端經術善相丘陵阪險

原隰土地所宜五穀所殖以教道民必躬親之田事

既飭先定準直農乃不惑是月也命樂正入學習舞

乃脩祭典命祀山林川澤犧牲無用牝禁止伐木無

覆巢無殺孩蟲胎夭飛鳥無麇無卵無聚大眾無置

城郭揜骼霾骸記作埋音義並同是月也不可以稱兵稱兵

必有天殃兵戎不起不可以從我始記無以字無變天之

道無絕地之理無亂人之紀孟春行夏令則風雨不

時草木旱槁國乃有恐記風雨作雨水旱槁作蚤落乃作時行秋令則

民大疫疾風暴雨數至藜莠蓬蒿並興記民上有其字疾風作疾

風數至行冬令則水潦為敗霜雪大摯首種不入霜雪

倒記仲春之月日在奎昏弧中旦建星中其日甲乙其帝

太皞其神句芒其蟲鱗其音角律中夾鍾其數八其

味酸其臭羶其祀戶祭先脾始雨水桃李華記作桃始華

蒼庚鳴鷹化為鳩天子居青陽太廟乘鸞輅駕蒼龍

載青旂衣青衣服青玉食麥與羊其器疏以達是月

也安萌芽養幼少存諸孤擇元日命民社命有司省

園園去桎梏無肆掠止獄訟是月也平鳥至至之日

以太牢祀于高禘記祀祠天子親往后妃率九嬪御乃

禮天子所御帶以弓韞授以弓矢于高禘之前是月

也日夜分雷乃發聲始電蟄蟲咸動啓戶始出呂氏啓戶

作開戶今凡字為漢唐人避諱改易者俱從禮記為正先雷三日奮鐸以令于

兆民曰雷且發聲奮鐸記作奮木鐸無于字又且作將有不戒其容止

者生子不備必有凶災日夜分則同度量鈞衡石角

斗桶記作同正權槩是月也耕者少舍乃脩闔扇寢廟

必備記作畢備必無作大事以妨農功記作以妨農之事是

月也無竭川澤無漉陂池無焚山林天子乃獻羔開

冰先薦寢廟獻記上丁命樂正入舞舍采記作習舞釋菜此舍

采與釋菜音義竝同高誘注呂覽云舍置也初入天

子乃率三公九卿諸侯大夫親往視之呂氏無中丁

又命樂正入學習樂是月也祀不用犧牲用圭璧更

皮幣仲春行秋令則其國大水寒氣總至寇戎來征

行冬令則陽氣不勝麥乃不熟民多相掠行夏令則

國乃大旱煥氣早來蟲螟為害

季春之月日在胃昏七星中旦牽牛中其日甲乙其

帝太皞其神句芒其蟲鱗其音角律中姑洗其數八

其味酸其臭羶其祀戶祭先脾桐始華田鼠化為鴽

虹始見萍始生天子居青陽右个乘鸞輅駕蒼龍載

青旂衣青衣服青玉食麥與羊其器疏以達是月也

天子乃薦鞠衣于先帝命舟牧覆舟五覆五反乃告

舟備具于天子焉天子焉始乘舟薦鮪于寢廟乃為

麥祈實次焉字記無呂氏有高注云焉猶於是月也是月也

生氣方盛陽氣發泄牙者畢出萌者盡達不可以內

牙記與淮天子布德行惠命有司發倉窳賜貧窮振

乏絕高注云穿地開府庫出幣帛周天下勉諸侯聘

名士禮賢者是月也命司空日時雨將降下水上騰

循行國邑周視原野脩利隄防導達溝瀆開通道路

無有障塞田獵畢弋置罟羅網餒獸之藥無出九門

是月也命野虞無伐桑柘鳴鳩拂其羽戴任

降于桑記作戴勝淮具挾曲蒙筐高注云挾讀日撲

謂之得曲薄也青徐謂之曲員底曰蒙方底曰筐文

無觀省婦使勸蠶事記勸上蠶事既登分繭稱絲效

功以其郊廟之服無有敢墮是月也命工師令百工

審五庫之量金鐵皮革筋角齒羽箭幹脂膠丹漆無

或不良百工咸理監工日號無悖於時無或作為淫

巧以蕩上心是月之末擇吉日大合樂天子乃率三

公九卿諸侯大夫親往視之是月也乃合纍牛騰馬

游北于牧纍記作纍犧牲駒犢舉書其數命國儺九

門礮禳以畢春氣呂氏作國人儺行之是令而甘雨

至三旬淮南亦有此季春行冬令則寒氣時發草木

皆肅國有大恐行夏令則民多疾疫時雨不降山陵

不收行秋令則天多沈陰淫雨早降兵革竝起

不

不

不

不

孟夏之月日在畢昏翼中且婺女中其日丙丁其帝

炎帝其神祝融其蟲羽其音徵律中仲呂其數七其

性禮其事視此下呂氏有其性禮其事視二句其味

苦其臭焦其祀竈祭先肺螻蝻鳴丘蚓出王瓜生苦

菜秀天子居明堂左个乘朱輅駕赤駟載赤旂衣赤

衣服赤玉食菽與雞其器高以狃記作粗音義同是月也以

立夏先立夏三日太史謁之天子曰某日立夏盛德

在火天子乃齊立夏之日天子親率三公九卿大夫

以迎夏於南郊還乃行賞封侯慶賜無不欣說封侯慶賜

記作封諸侯乃命樂師習合禮樂命司馬贊傑雋遂

賢良舉長大司馬呂氏春秋作太尉記亦因之世多

案戴埴鼠璞云太尉固秦官所命家宰司徒司空

馬與太史樂正樂師畢人虞人四監之類皆周官也

不韋不過改周司馬為太尉耳蓋贊傑俊遂賢良與

行爵出祿雖非太尉之職而設儀辨位進賢與功制

此改太尉為司馬以復周公之舊行爵出祿必當

其位是月也繼長增高無有壞墮無起土功無發大

衆無伐大樹是月也天子始絺命野虞出行田原勞

農勸民無或失時勞農上記有命司徒循行縣鄙命

農勉作無伏于都伏記是月也驅獸無害五穀無大

田獵農乃升麥記作登麥登升一也今呂氏本作收

寢廟是月也聚蓄百藥靡草死靡呂作糜麥秋至斷薄刑

決小罪出輕繫蠶事既畢后妃獻繭乃收繭稅以桑

為均貴賤少長如一以給郊廟之祭服是月也天子

飲耐用禮樂行之是合而甘雨至三旬孟夏行秋令

則苦雨數來五穀不滋四鄙入保行冬合則草木旱

枯後乃大水敗其城郭行春合則蟲蝗為敗暴風來

格秀草不實記作蝗蟲為災

仲夏之月日在東井昏亢中且危中其日丙丁其帝

炎帝其神祝融其蟲羽其音徵律中蕤賓其數七其

味苦其臭焦其祀竈祭先肺小暑至螳螂生鷦始鳴

反舌無聲天子居明堂太廟乘朱輅駕赤騂載赤旂

衣赤衣服赤玉食菽與雞其器高以狗養壯狡記作壯狡

音義同詩狡童毛傳云昭公有壯狡之志是月也命樂師脩鞀鞀鼓均琴

瑟管簫執干戚文羽調笙篳篥飭鍾磬祝敔壘篥記作

篳篥命有司為民祈祀山川百原大雩帝用盛樂乃命

百縣雩祭記無祭字祀百辟卿士有益於民者以祈穀實

是月也農乃登黍天子以雛嘗黍呂氏是月也在農乃登黍之下誤今

從戴記羞以合桃先薦寢廟令民無刈藍以染無燒炭

記作燒灰無暴布門閭無閉關市無索挺重囚益其食游

牝別其羣則絜騰駒班馬正高云馬正掌馬之官案記作馬政是月

也日長至陰陽爭死生分君子齊戒處必拚身欲靜
 無躁止聲色無或進薄滋味無致和退嗜慾定心志
 欲靜二字記無又退作節志作氣百官靜事無刑以定晏陰之所成
 鹿角解蟬始鳴半夏生木堇榮是月也無用火南方
 可以居高明可以遠眺望可以登山陵可以處臺榭
 仲夏行冬令則雹霰傷穀道路不通暴兵來至行春
 令則五穀晚熟百膳時起其國乃饑行秋令則草木
 零落果實早成民殃於疫
 季夏之月日在柳昏心中記作昏火中旦奎中其日丙丁
 其帝炎帝其神祝融其蟲羽其音徵律中林鍾其數

七其味苦其臭焦其祀竈祭先肺涼風始至蟋蟀居

宇鷹乃學習腐草化為螢蚘涼風記作濕風又居宇

化字蚘字高云蚘馬蛭也讀如蹊徑之蹊幽州謂之

秦渠一曰螢火也秦淮南無螢字觀注文疑此螢字

亦後人所增入說文引明堂天子居明堂右介乘朱

輅駕赤駟載赤旂衣朱衣服赤玉食菽與雞其器高

以掬是月也命漁師伐蛟取鼉升龜取鼈呂氏命作

下命四乃命虞人入材葦虞人記是月也命四監大

夫合百縣之秩芻以養犧牲記無夫字合民無不咸出其

力以供皇天上帝名山大川四方之神以祀宗廟社

稷之靈為民祈福記祀作祠又為是月也命婦官染

采黼黻文章必以法故無或差忒黑黃蒼赤莫不質

良勿敢偽詐記作毋敢詐偽以給郊廟祭祀之服以為旗章

以別貴賤等級之度是月也樹木方盛乃命虞人入

山行木無或斬伐或記作有古通用不可以興土功不可以

合諸侯不可以起兵動衆無舉大事以搖蕩於氣記作

以搖無發令而干時以妨神農之事千時二字記作待水潦

盛昌命神農將巡功舉大事則有天殃記無命字高氏注神農能

殖嘉穀後世因以名官記巡作持是月也土潤溽暑大雨時行燒薶

行水利以殺草如以熱湯可以糞田疇可以美土疆

行之是令是月甘雨三至三旬二日記無此三句高注此云二日者

陰晦朔日也月十日一雨又二十日一雨一月中得二日耳故曰三旬二日季夏行春令

則穀實解落國多風欻民乃遷徙解記作鮮行秋令則上

隰水潦禾稼不熟乃多女災行冬令則寒氣不時鷹

隼早鷺四鄙入保寒氣記作風寒

中央土其日戊己其帝黃帝其神后土其蟲倮其音

宮律中黃鐘之宮其數五其味甘其臭香其祀中霤

祭先心天子居太廟太室乘大輅駕黃駟載黃旂衣

黃衣服黃玉食稷與牛其氣圜以揜記揜作閔

孟秋之月日在翼昏斗中旦畢中呂氏孟秋之月下有長日至四旬六

日又此句下有則立秋今皆依戴記去之斗中記作建星中其日庚辛其帝少皞

其神蓐收其蟲毛其音商律中夷則其數九其味辛
其臭腥其祀門祭先肝涼風至白露降寒蟬鳴鷹乃
祭鳥始用行戮始用天子居總章左个乘戎路駕白
駱載白旂衣白衣服白玉食麻與犬其器廉以深是
月也以立秋先立秋三日太史謁之天子曰某日立
秋盛德在金天子乃齊立秋之日天子親率三公九
卿諸侯大夫以迎秋於西郊還乃賞軍率武人於朝
天子乃命將帥選士厲兵簡練桀雋專任有功以征
不義誅誅暴慢以明好惡巡彼遠方巡記是月也命
有司脩法制繕囹圄具桎梏禁止姦慎罪邪務搏執

命理瞻傷察創視折審斷高氏於此句決獄訟必正平記

端戮有罪嚴斷刑天地始肅不可以羸是月也農乃

升穀天子嘗新先薦寢廟命百官始收斂完隄防護

壅塞以備水潦脩宮室圻牆垣補城郭高云圻讀如符猶培也記

作坏垣牆是月也無以封諸侯立大官無割土地行重幣

出大使封諸侯呂氏淮南皆無諸字今從記記作母以割地行大使出大幣今從呂氏淮南下二

同亦行之是令而涼風至三旬孟秋行冬令則陰氣

大勝介蟲敗穀戎兵乃來行春令則其國乃旱陽氣

復還五穀不實復還本或作後還行夏令則國多火

災寒熱不節民多瘡疾呂氏脫國字記有

仲秋之月日在角昏牽牛中旦觜雋中雋記作其日

庚辛其帝少皞其神蓐收其蟲毛其音商律中南呂

其數九其味辛其臭腥其祀門祭先肝盲風至呂氏

風生案孟秋已云涼風至何得候鴈來兮鳥歸羣鳥

養羞天子居總章太廟乘戎路駕白駱載白旂衣白

衣服白玉食麻與犬其器廉以深是月也養衰老授

几杖行麋粥飲食麋記作乃命司服具飭衣裳文繡

有恆制有小大度有短長記作衣服有量必循其故

冠帶有常乃命有司呂無申嚴百刑斬殺必當無或

枉撓枉撓不當反受其殃是月也乃命宰祝巡行犧

牲巡記作視全具案芻豢瞻肥瘠察物色必比類量

小大視長短皆中度五者備當上帝其享天子乃讎

禦佐疾以通秋氣高云禦止也佐疾療也以犬嘗麻

先祭寢廟是月也可以築城郭建都邑穿竇窳脩困

倉窳記乃命有司趣民收斂務蓄菜多積聚乃勸種

麥若或失時行罪無疑若或失時本作無或失時記

方同轉入下句今既與是月也日夜分雷乃始收聲

蟄蟲俯戶記無乃字俯殺氣浸盛陽氣日衰水始涸

日夜分則一度量平權衡正鈞石齊斗甬一記作同

是月也易關市來商旅入貨賄以便民事四方來雜

遠鄉皆至入記作納古內入則財物不匱記無物字淮南亦有

物字無上無乏用百事乃遂凡舉事無逆天數記作

則字必順其時乃因其類乃記行之是合白露降凡舉

三句仲秋行春令則秋雨不降草木生榮國乃有恐

呂作有大恐行夏令則其國乃旱蟄蟲不藏五穀復生無

乃字行冬令則風災數起收雷先行草木早死

季秋之月日在房昏虛中旦柳中其日庚辛其帝少

皤其神蓐收其蟲毛其音商律中無射其數九其味

辛其臭腥其祀門祭先肝候鴈來賓爵入大水為蛤

菊有黃華豺則祭獸戮禽記候鴈作鴻又則作乃天子居總章

右个乘戎路駕白駱載白旂衣白衣服白玉食麻與

犬其器廉以深是月也申嚴號令命百官貴賤無不

務入以會天地之藏無有宣出入記作內二字本乃

命冢宰農事備收呂無舉五種之要記作五穀藏帝

籍之收於神倉祗敬必飭是月也霜始降則百工休

乃命有司曰寒氣總至民力不堪其皆入室上丁命

樂正入學習吹命樂正三字記有是月也大饗帝嘗

犧牲告備于天子合諸侯制百縣合呂作命淮為來

歲受朔日與諸侯所稅於民輕重之法貢職之數以

遠近土地所宜為度說者以秦十月為正故於季秋即云為來歲受朔日以月令為

秦制今案天子頒朔於諸侯事固當為之豈有將
改歲而始頒朔哉孟冬云乃祈來年季冬云歲且更
始雖以周為子正巡狩祭饗猶以給郊廟之事無有
自夏焉安得遽以為秦制乎

所私是月也天子乃教於田獵以習五戎搜馬記作

政命僕及七駟咸駕載於旒蔡邕云七當為六周官

言六駟左傳亦言六駟與受車以級整設于屏外

高云輿衆也案記無司徒摺扑北嚮以誓之嚮記作

此字受作授淮南同天子乃厲服厲飾執弓操矢以射厲記無

嚮以贊之天子乃厲服厲飾執弓操矢以射厲記無

獵淮南作厲服廣飾命主祠祭禽於四方是月也草

木黃落乃伐薪為炭蟄蟲咸俯在穴皆墜其戶穴記

乃趣獄刑無畱有罪收祿秩之不當者共養之不宜

者淮南皆無是月也天子乃以犬嘗稻先薦寢廟

季秋行夏令則其國大水冬藏殃敗民多勦室室記

行冬令則國多盜賊邊境不寧土地分裂行春令則

暖風來至民氣解墮師旅必興墮記作惰淮南作隋

同記作師與不居

孟冬之月日在尾昏危中旦七星中其日壬癸其帝

顛頊其神乎冥其蟲介其音羽律中應鍾其數六其

味鹹其臭朽其祀行祭先腎水始冰地始凍雉入大

水為蜃虹藏不見天子居乎堂左个乘乎輅駕鐵驪

載乎旂衣黑衣服乎玉食黍與彘其器宏以弁記作

逸周書

奄音是月也以立冬先立冬三日太史謁之天子曰

某日立冬盛德在水天子乃齊立冬之日天子親率

三公九卿大夫以迎冬於北郊還乃賞死事恤孤寡

是月也命太卜禱祠龜策占兆審卦吉凶史記作命太

云云淮南作命太祝禱祀神於是察阿上亂法者則

罪之無有揜蔽記作是察阿黨則罪無有掩蔽意亦

是月也天子始裘命有司曰天氣上騰地氣下降天

地不通閉塞而成冬呂氏無塞字記有此字命百官謹蓋

藏命司徒循行積聚無有不斂圻城郭圻記作壞戒門閭

脩鍵閉慎關籥固封壘鍵記作鍵又關備邊境完要

塞謹關梁塞蹊徑蹊記作溪飭喪紀辨衣裳審棺槨之厚

薄營丘壘之小大高卑薄厚之度貴賤之等級營記

又小大薄是月也工師效功記工師上有命陳祭器

案度程無或作為淫巧以蕩上心必功致為上物勒

工名以考其誠工有不當必行其罪以窮其情次工

作是月也大飲蒸天子乃祈來年于天宗大割祠于

公社及門閭饗先祖五祀勞農夫以休息之大割下

牲字係衍文高注云大割殺牲也則本無牲字可知

記亦同饗先祖本或作饗禱祖詎高注云先祠公社

乃及門閭先祖無夫字淮南亦有天子乃命將率講

武肄射御角力肄記作習是月也乃命水虞漁師收水泉

池澤之賦無或敢侵削衆庶兆民以為天子取怨于下其有若此者行罪無赦孟冬行春令則凍閉不密地氣發泄民多流亡發泄記行夏令則國多暴風方冬不寒蟄蟲復出行秋令則雪霜不時小兵時起土地侵削

仲冬之月日在斗昏東壁中且軫中其日壬癸其帝顓頊其神彗冥其蟲介其音羽律中黃鐘其數六其味鹹其臭朽其祀行祭先賢冰益壯地始坼鶡鳴不鳴虎始交天子居彗堂太廟乘彗輅駕鐵驪載彗旂衣黑衣服彗玉食黍與彘其器宏以彗飭死事呂氏

三字從命有司曰土事無作無發蓋藏無起大眾以

固而閉發蓋藏起大眾地氣且泄是謂發天地之房土事無作下記作慎毋發蓋毋發室屋及起大眾諸以固而閉無下發蓋藏起大眾六字且泄作沮泄諸

也命闔尹申宮令審門閭謹房室必重閉蔡邕云閭尹內官宮中之門曰闔閭尹當作闔閭之職也閭里門非闔尹所主省婦事無得淫雖有貴戚近習無有不察察記乃命大酋秫稻必齊麴蘖必

時湛館必潔館記水泉必香陶氣必良火齊必得兼用六物木會監之無有差忒天子乃命有司祈祀四海大川名原淵澤井泉記無乃字呂是月也農有不

收藏積聚者牛馬畜獸有放佚者取之不詰山林藪

澤有能取疏食田獵禽獸者野虞教導之其有相侵

奪者罪之不赦相字呂無記及淮南皆有是月也日短至陰陽爭

諸生蕩君子齊戒處必弁記作處必掩身身欲寧去聲色禁

嗜慾安形性事欲靜以待陰陽之所定芸始生荔挺

出蚯蚓結麋角解水泉動日短至則伐林木取竹箭

記無林字淮南作伐樹木是月也可以罷官之無事者去器之無

用者記無上者字塗闕庭門閭庭記作廷築囹圄此所以助天

地之閉藏也記無所字仲冬行夏令則其國乃旱氛霧冥

冥雷乃發聲氣呂作行秋令則天時雨汁瓜瓠不成

國有大兵行春令則蟲螟為敗水泉減竭民多疾病

蟲螟記作蝗蟲又減作咸音義同又疾癘作疥癩

季冬之月日在婺女昏婁中旦氏中其日王癸其帝

顓頊其神乎冥其蟲介其音羽律中大呂其數六其

味鹹其臭朽其祀行祭先賢鴈北鄉鵲始巢雉雊雞

乳本作乳雉雊者記案高注知呂與記同天子居乎堂右个乘乎輅駕

鐵驪載乎旂衣服黑衣服乎玉食黍與彘其器宏以弁

命有司大儺旁磔出土牛以送寒氣征鳥厲疾乃畢

行山川之祀及帝之大臣天地之神祇行字地字記無是月

也命漁師始漁天子親往乃嘗魚先薦寢廟冰方盛

水澤腹堅呂作水澤復無堅字高云復亦盛也復或作腹堅故不從

呂命取冰冰已入記作冰令告民出五種命司農計

糶耕事脩耒耜具田器記作命農無司字命樂師大合吹而

罷乃命四監收秩薪柴以供寢廟及百祀之薪燎寢廟

記作是月也日窮于次月窮于紀星迴于天數將幾

終歲將更始專於農民無有所使歲將記作歲去又專於作專命天

子乃與公卿大夫飭國典論時令以待來歲之宜脫

公字記與淮南皆有乃命太史次諸侯之列賦之犧牲以供皇

天上帝社稷之享乃命同姓之邦供寢廟之芻豢命

宰歷卿大夫至于庶民土田之數而賦之犧牲以供

山林名川之祀凡在天下九州之民者無不咸獻其

力以供皇天上帝社稷寢廟山林名川之祀行之是

令此謂一終三旬二日季冬行秋令則白露蚤降介

蟲為妖四鄰入保記作四鄰行春令則胎夭多傷國多固

疾命之日逆行夏令則水潦敗國時雪不降冰凍消

釋

諡法解第五十四

維周公旦太公望開嗣王業建功于牧之野終將葬

乃制諡遂敘諡法舊本作攻于牧野之中終葬乃制諡敘法今依史正義及通鑑前編

改正正義牧野無之字脫耳案王伯厚困學紀聞云周書諡法惟三月既生魄周公旦太師望相嗣王發

既賦憲受臚于牧之野將葬乃制作諡劉彥和雕龍
哀弔篇其首云賦憲之諡蓋本此今所傳周書與六
家說法所載不諡者行之迹也號者功之表也車服
同蓋今本缺誤

者位之章也注古者有大功則賜之善號以為稱也

舊車服下脫者字今案魏書甄琛傳所引及正義前

編皆有今補入注脫賜之二字又稱作福今皆從正

義陳云福義亦通如惟辟作福是以大行受大名細

之福或疑是副字亦可備一說

行受細名行出於己名生於人注名謂號諡民無能

名曰神注不名壹善注舊作一人無名曰神詔今稱善

賦簡曰聖注所稱得人所善得實所賦得簡注正義稱

編注賦一作副文昭案舊本作稱善口閒曰聖缺處

疑是無字所謂禹吾無間然方與聖相稱此注本難

通敬賓厚禮曰聖注聖於禮也注厚非注德象天地

曰帝注同於天地注天地正靜民則法曰皇注靜安

正義靜作靖注同二字本通論衡獨斷皇仁義所在

並作黃案黃帝亦作皇帝二字亦本通

曰王注民往歸之注在正義注賞慶刑威曰君注能行四

者從之成羣曰君注民從之也注舊以此注接王字下

十字今据正義補案左氏昭廿八年成鱗論文王立

九德此諡法內皆見之賞慶刑威曰君亦其一也立

制及衆曰公注志無私也執應入方曰侯注所執行

八方應之也壹德不解曰簡注壹不委曲注案左氏昭

義作壹意平易不疵曰簡注疵多病也注疵正義作訾

不解曰簡多字衍不信二字亦有訛又案諡有美有

毀案此注簡字不優於文而列於文之前蓋篇中錯

簡多矣史記正義本作兩排首排盡然後及次排如

後漢書馬武傳後所列雲臺諸將亦是兩重排列上

一重首鄧禹次吳漢賈復下一重首馬成次王梁陳
 俊蓋古法也後人不知改兩排為一排而以上一
 下為次正義與後漢書皆同此錯然正義中間又有
 舊此簡字在恭欽定襄經緯天地曰文注成其道也
 之前則固灼然可尋也

道德博聞曰文注無不知之舊本作博厚前學勤好
 問曰文注不恥下問學勤正義同慈惠愛民曰文注
 惠以成政也注政善作文愍民惠禮曰文注惠而有
 禮舊作以錫民爵位曰文注舉可舉也正義作與同
 不恥下問與同升二語直以剛彊理直曰武注剛無
 論語二事作解似反不該括于忠傳改正義撓作屈
 欲彊不撓理忠恕直無曲也于忠傳改正義撓作屈
 下云懷忠恕正曲直文雖訛而理在直字上亦威彊
 可證曰虎通引禮記論法云強理勁直曰武亦

叡德曰武注思有德者叡也正義叡作敵注云克定

禍亂曰武注以兵征故能定正義征刑民克服曰武

注法以正民能使服以字從夸志多窮曰武注大志

行兵多所窮極夸舊作大今從正義注極故事供上

曰恭注供奉也尊賢貴義曰恭注尊事賢人寵貴義

士尊賢敬讓曰恭注敬有德讓有功既過能改曰恭

注言自知也舊訛言執事堅固曰恭注守正不移愛

民長弟曰恭注順長接弟舊作安民今從正義改前

作按疑二執禮御賓曰恭注迎待賓也御舊作敬正

御注亦釋比親之闕曰恭注脩德以蓋之也尊賢讓

善曰恭注不專己善推於人也淵源流通曰恭注性

無所忌也案正義以文武成康穆昭為次其淵源流

通於此改康為恭非本文也又書正義引作淵源流

去虐日湯一諡而此無之然案書湯誓釋文引照臨

馬融之說謂禹湯皆不在諡法中故今亦闕之

四方日明注以明照之諧訴不行日明注逆知之故

不行威儀悉備日欽注威則可畏儀則可象馬融引

作表大慮靜民日定注思樹惠也靜民前編安民大

慮日定注以慮安民安民法古日定注不失舊意也

純行不二日定注行壹不傷正義不二諫爭不威日

德注不以威拒諫也諫爭舊作謀慮詭正義又有綏

士以辟地有德日襄注取之以義甲冑有勞日襄注

言亟征伐有伐而還日釐注知難而退正義前編

淵受諫日釐注深故能受正義有小心畏忌日釐釐

所當博聞多能日憲注雖多能不至大道憲舊作獻

文多能日憲在良順二諡之後不與獻聰明叡哲日

獻注有通知之聰也正義又有知質有聖日溫柔聖

善日懿注性純淑也正義作賢善獨斷五宗安之日

孝注五世之宗也慈惠愛親日孝注言周愛親族也

孝舊作釐與釐諡一類正義作孝在五宗句下秉德

協時二句之上案慈惠愛親於孝義為允於釐義太

闊故定從正義移此魏書甄琛傳云慈惠愛民協時

日孝北史避唐諱改民為人注親族正義倒

通周書

卷六

臣

臣

臣

肇享曰孝注協合肇始也常如始秉德不回曰孝注

順於德而不違注大慮行節曰考注言成其節注

此作考案正義此句在威祈二字之後不與孝諡連注

與注合故定從之執心克莊曰齊注能自嚴也資輔注

而共成前編注豐年好樂曰康注好豐年勤民事注

溫良皆訛今依注改安樂撫民曰康注無四方之虞注

令民安樂曰康注富而教之注安民立政曰成注

注政以安之注布德執義曰穆注穆純也注

中情見貌曰穆注性公露也敏以敬順曰頃注

疾於所敬順也注正義順作慎注同二字本通用敏訓注

八年正義有祇勤追昭德有勞曰昭注能勞謙也注

前編作明德正容儀恭美曰昭注有儀可象行恭可注

美舊本誤昭為勝脫此條在後闕宣二諡之上今案注

勝諡一條則昭德之左氏釋文及聖聞周達曰昭注聖注

間通洽也注作合亦非獨斷作聖聞宣遠保民耆艾注

日胡注六十日者七十日艾彌年壽考曰胡注天其注

年也注胡訓大也正義彊毅果敢曰剛注彊於仁義致注

果曰毅注今正義本脫此條故兩景追補前過曰剛注

勤善以補過也注勤舊柔德考衆曰靜注成衆使安也注

考正義作安非靜作靖本通用下同魏書源
懷傳有柔直考終日靖是相傳本不同也
言曰靜注恭己正身少言而中前編亦作供同寬樂

令終曰靜注性寬樂義以善自終治而無眚曰平注
無失闕之病也無書舊作清省非正義注作無災罪也
執事有制曰平注

不任意也有法度檢制故曰不任意舊作在位平意也
施之政事案左氏昭廿二年正義治作持由義而濟曰景注用義

而成也布義行剛曰景注以剛行義也耆意大慮曰
景注耆強也舊脫此條正義前編皆有前編云耆如

大慮克就曰貞注能大慮非正而何舊作非正不
守大圖致志清白守節曰貞注行清白執志固也獨斷守

隱無屈曰貞注坦然無私也屈舊作克前編猛以剛

果曰威注猛則少寬果敢行也猛舊作疆注云疆甚

詭今從正義改猛以疆果曰威注疆甚於剛也注首舊有疆

毅信正曰威注信正言無邪也正義作疆義執正注

士服遠曰桓注以武正定克敬勤民曰桓注敬以使

之勤民正義作動辟土兼國曰桓注兼人故啓土也

道大而德一也馬融引大省兆民曰思注大親民而
不殺大省舊作不省外內思索曰思注言求善也追

悔前過曰思注思而能改也柔質慈民曰惠注知其

性也愛民好與曰惠注與謂施也舊本脫此兩條今

條又見獨斷魏書柔質受諫曰慧注以虛受人舊慧

源懷傳亦引之混矣案正義上惠諭兩條在敬肅之上此慧謚在質

良之上本不附近前編始合置一處蓋由誤認慧即

惠也注又不知何人妄竄今悉依正義改正受諫正

愛諫能思辯衆曰元注別之使各有次也行義說民

曰元注民說其義始建國都曰元注非善之長何以

始之左氏昭十年主義行德曰元注以義為主行德

政也兵甲亟作曰莊注以數征為嚴敵國克服曰莊

注通邊圉使能服也勝敵志強曰莊注不撓故勝舊本

志強作克亂正義作克壯死於原野曰莊注非嚴何

以死難屢征殺伐曰莊注以嚴釐之前編作屢武而

不遂曰莊注武功不成克殺秉政曰夷注秉政不任

賢也正義政作正注安心好靜曰夷注不爽正也左

僖廿八年正義引作安民好執善揚善曰懷注稱人

之善慈仁短折曰懷注短未六十折未三十夙夜警

戒曰敬注敬身思戒思戒正義夙夜恭事曰敬注敬

以莅事也象方益平曰敬注法之以常而加敬也正義

脫此條故兩烈諡相連不隔知是傳善合法典曰敬

寫者誤脫耳注舊訛今從何允中本非敬何以善之善合舊倒今從前編法典史正義

作典法注之舊作也今從正義

龜同書

卷六

述義不克曰丁注不能成義逃而不悌曰丁注不悌

不遜順也述舊作述今從前有功安民曰烈注以武

立功秉德遵業曰烈注遵世業不墮改剛克為伐曰

翼注伐功也思慮深遠曰翼注好遠思任能也正義

與此不同剛德克就曰肅注成其敬使為終舊作

就訛執心決斷曰肅注言嚴果也愛民好治曰戴注

好民治也典禮不寒曰戴注無過憲正義作愆前編

舊脫正死而志成曰靈注立志不吝命也亂而不損

曰靈注不能以治損亂注極知鬼神曰靈注其智

能聰徹也不勤成名曰靈注任本性不見賢思齊死

見神能曰靈注有鬼不為厲神舊作鬼前編好祭鬼

神曰靈注漬鬼神不敬遠也神正義短折不成曰殤

有知而天殤也未家短折曰殤未家者未室家

也正義殤作傷不與上條不顯尸國曰隱以闇主

國也左傳釋文作隱拂不成曰隱言其隱拂改其

性也春秋傳隱拂同前編作隱括正義有見美堅表曰隱

注美過其令年中早夭曰悼年不稱志前編年中

前編無之肆行勞祀曰悼注放心勞於淫祀言不脩德也穀

肆行勞祀曰悼放心勞於淫祀言不脩德也從處

梁定元年疏引作肆行勞神恐懼從處曰悼注從處

日場注放心舊作縱於心忘其愛已者也慎恨遂

過日刺注去諫日慎反是日假外內從亂日荒注官

不治家不理前編從好樂怠政日荒注淫於聲色怠

於政事顏師古引在國逢難日愍注逢兵寇之事也

正義作此荒作穰使民折傷日愍注苛政賊害折正義前在國

逢難正義前編連連憂日愍注仍多大喪非注仍正釋連字禍亂方作

日愍注國無政動長亂前編脫蚤孤短折日哀注早

者未知人事恭仁短折日哀注體恭質仁功未施也

蚤孤鋪位日幽注鋪位即位而卒也鋪舊作有注鋪

從正義壅遏不通日幽注弱損不凌也高誘引作壅遏

法作壅遏不達注恐訛動祭亂常日幽注易神之班克威捷行

日魏注有威而敏行克威惠禮白魏注雖威不逆禮

也去禮遠衆日煬注不率禮不親長注長字好內遠

禮日煬注朋淫于家不奉禮好內怠政日煬注好內

多淫外則荒政舊本去禮遠衆條下即接此注脫去

政一條今案此注為好內怠政正釋其為本有可知

左氏定元年正義正引此條前編亦有之但少好內

遠條甄心動懼日頃注甄積也案前有敬以敬慎日

連接舊本誤頃為威德剛武日圍圍禦也能禦亂

患也史表六索聖善周聞日宣注聞謂所聞善事也

治民克盡日使注克盡無恩惠也舊本使作空圍案

作使今據補行見中外日愍注言表裏如一也勝敵壯志

曰勇注不撓折正義勝敵志強曰莊與莊謚五昭功

寧民曰商注明有功者也狀古述今日譽注立言之

稱舊作言直心能制義曰度注制事得宜度舊訛庶

與左稱訛好和不爭曰安注失在少斷正義作生外內貞

復曰白注正而復終始一也前編外不生其國曰聲

生於外家殺戮無辜曰厲注賊良善人官人應實

曰知注能官人也前編應凶年無穀曰糠注不務稼

穡漢書諸侯王表有中山穡王昆侈則諡法之有穡

同正義此穡字亦作荒文昭案美諡中有豐年好樂

之食上苟勤於民事則緩急自當有備歲亦不能為

之災穡之為言虛也注以不務稼穡為言可謂深得

制諡之旨師古所引或誤記耳若云後人羸入則穡

虛也又明見下文人固有好紛亂典籍者於理不應

以二諡相次比而致誤耳名實不爽曰質不爽

言相應也不悔前過曰矣注知而不改溫良好樂曰

良注不其行可好可樂也正義作言其人舊本怙威

肆行曰醜注肆意行威德正應和曰莫注正其德應

其和此亦成鱗所論九德之一正義勤施無私曰類

無私惟義所在從左氏案此兩條及下美諡當本

在前不與惡諡雜廁今好變動民曰躁注數移徙也

慈和徧服曰順注能使人皆服其慈和滿志多窮曰

慤注自足者必不足也正義前編慤俱作慤非也感

合危身奉上曰忠注險不辭難也思慮果遠曰趕注

自任多近於專舊本果作深前編同云趕息政外交

日攜注不自明而恃外也正義脫此條舊本攜作推

斷息疏遠繼位曰紹注非其次第偶得之也彰義掩

過曰堅注明義以蓋前過肇啟行成曰直注始疾行

成言不深也內外賓服曰正注言以正服之華言無

實曰夸注恢誕注脫字注有注教誨不倦曰長注以道教之

也愛民在刑曰克注道之以政齊之以刑畜於賜與

曰愛注言貪悞也逆天虐民曰抗注所尊天而逆天

抗善詭場案場諡在前已見此處正義前好廉自克

日節注自勝其情欲也勝其舊作節以擇善而從曰

比注比方善而從之好更改舊曰易注變故改常名

與實爽曰繆注言名美而實傷思厚不爽曰愿注不

差所思而得也正義作思慮不爽日厚前編貞心大

度曰匡注心正而用察少善作心正而隱哀之方景

武之方也舊脫方景武之方五字今從前施為文也

施德除為武也注除惡正義作施德為文除惡為

蘇明允所引辟地為襄服遠為桓服舊作視剛克

為發柔克為懿履正為莊有過為儆允引剛克為伐

施而不成為宣惠無內德為平注無內德惠不成也

兩為字舊作日又平作獻案獻為美諡非也又此下
舊有治而無告為平亂而不損為靈由義而濟為景
三句案皆見前係重出正義亦有後二句

失志無轉則以其明餘皆象也

以其所為諡象其事行也前編云失志無轉一作失志無傳案正義無失

志以下八字注舊作以其明和會也勤勞也遵循也

所及為諡象謂象其事行也和會也勤勞也遵循也

也服敗也疑是伏也秉順也秉舊作康案康安也已見前

就會也寒過也錫與也典常也肆放也穰虛也睿聖

也惠愛也緩安也堅長也耆彊也考成也周至也懷

思也式法也布施也此三字舊敏疾也捷克也載事

也彌久也自和會也以下廣訓篇內字義非盡諡也

以甲兵釋怒用大正順天思序紀于大帝舊校疑用是太常用

名之曰絕轡之野乃命少昊清司馬鳥師以正五帝

之官故名曰質天用大成至于今不亂清少昊名也見張衡集路

史引此亦作清舊作請訛成本或作戒其在殷之五子忘伯禹之命假

國無正用胥興作亂遂凶厥國皇天哀禹賜以彭壽

思正夏略殷當作夏汲郡古文帝啓十一年放王季子武觀于西河武觀來歸沈約曰武觀即五今予

伯壽師師征西河武觀來歸沈約曰武觀即五觀國語曰啓有五觀韋昭曰啓子太康昆弟也

小子聞有古遺訓予亦述朕文考之言不易予用皇

威不忘祗天之明典令曰我大治用我九宗正州伯

教告于我相在大國有殷之口辟自其作口于古是

威厥邑無類于冀州嘉我小國小國其命余克長國

王趙云國嗚呼敬之哉如木既顛厥巢其猶有枝葉

作休爾弗敬恤爾執以屏助予一人集天之顯亦爾

子孫其能常憂恤乃事勿畏多寵無愛乃嚚亦無或

刑于鰥寡非罪惠乃其常無別于民衆臣咸興受大

正書乃降太史筴刑書九篇以升授大正乃左還自

兩柱之間左沈疑右口箴大正曰欽之哉諸正敬功爾頌

審三節無思民因順爾臨獄無頗正刑有撥夫循乃

德式監不遠以有此人保寧爾國克戒爾服世世是

其不殆維公咸若太史乃降大正坐舉書乃中降再

庫門西皋門北雉門東方曰青陽南方曰明堂西方

曰總章北方曰學堂中央曰太廟左為左介右為右

介御覽五百三十三引周書明堂云云實此之闕文今取以繫於後自戶高八尺廣四尺以上亦見隋書字文愷傳選諱中作內廣作博陳云徐鉉謂介不見義無以下筆明堂左右介當作介蓋本此

嘗麥解第五十六

維四年孟夏王初祈禱于宗廟乃嘗麥于太祖御覽八百

三十八引曰王初祈禱于岱宗乃嘗麥于廟汲郡是古文謂成王四年正月月初朝于廟夏四月初嘗麥

月王命大正正刑書爽明僕告既駕少祝導王亞祝

迎王降階即假于太宗少宗少祕于社各牡羊一牡

豕三惠半農云六宗少宗即太宗伯少宗伯也史導少祕疑即小史梁曜北云太宗顧命有之

王于北階王陟階在東序乃命太史尚大正即居于戶西南向九州口伯咸進在中西向宰乃承王中升自容階作筴執筴從中宰坐尊中于大正之前太祝以王命作筴筴告太宗王命口口祕作筴許諾乃北白絲書于兩楹之間舊作內楹之門從沈改王若曰宗揜大正音天之初口作二后乃設建典命赤帝分正二卿命蚩尤于宇少昊路史云命蚩尤于小顛以臨四方司口口上天未成之慶蚩尤乃逐帝爭于涿鹿之河九隅無遺或河當作阿梁處素云据史記五帝記注涿鹿山名阪泉地名一名黃帝泉至涿鹿與涿水合蓋所謂涿鹿之河河字似不誤赤帝大懼乃說于黃帝執蚩尤殺之于中冀

以甲兵釋怒用大正順天思序紀于大帝舊校疑用是太常

名之曰絕轡之野乃命少昊清司馬鳥師以正五帝

之官故名曰質天用大成至于今不亂清少昊名也見張衡集路

史引此亦作清舊作請訛成本或作戒其在殷之五子忘伯禹之命假

國無正用胥興作亂遂凶厥國皇天哀禹賜以彭壽

思正夏略殷當作夏汲郡古文帝啓十一年放王季子武觀于西河十五年武觀以西河叛彭

伯壽師師征西河武觀來歸沈約曰武觀即五觀國語曰啓有五觀韋昭曰啓子太康昆弟也今予

小子聞有古遺訓予亦述朕文考之言不易予用皇

威不忘祗天之明典令口我大治用我九宗正州伯

教告于我相在大國有殷之口辟自其作口于古是

威厥邑無類于冀州嘉我小國小國其命余克長國

王趙云國嗚呼敬之哉如木既顛厥巢其猶有枝葉

作休爾弗敬恤爾執以屏助予一人集天之顯亦爾

子孫其能常憂恤乃事勿畏多寵無愛乃囂亦無或

于鰥寡非罪惠乃其常無別于民衆臣咸興受大

正書乃降太史箴刑書九篇以升授大正乃左還自

兩柱之間左沈疑右口箴大正曰欽之哉諸正敬功爾頌

審三節無思民因順爾臨獄無頗正刑有掇夫循乃

德式監不遠以有此人保寧爾國克戒爾服世世是

其不殆維公咸若太史乃降大正坐舉書乃中降再

拜稽首于命太史正拜于上王則退是月士師乃

命太宗序于天時祠大暑乃命少宗祠風雨百享士

師用受其馘以爲之資邑乃命百姓遂享于富無思

民疾供百享歸祭閭率里君以爲之資野宰乃命家

邑縣都祠于太祠乃風雨也宰用受其職馘以爲之

資采君乃命天御豐穡享祠爲施大夫以爲資箴太

史乃藏之于盟府以爲歲典

本典解第五十七

維四月旣生魄王在東宮舊此下有召告周公曰嗚

呼朕聞武考不知乃問不得乃學俾資不肖永無惑

逸周書 卷六
矣今朕不知明德所則政教所行字民之道禮樂所
生非不念而知故問伯父周公再拜稽首曰臣聞之
文考能求士曰者智也與民利者仁也能收民獄者
義也能督民過者德也爲民犯難者武也智能親智
仁能親仁義能親義德能親德武能親武五者昌于
國曰明明能見物高能致物物備咸至曰帝帝鄉在
地曰本本生萬物曰世世可則曰日至至德照天百
姓曰驚備有好醜民無不戒顯父登德德降則信信
則民寧爲畏爲極民無淫慝生民知常利之道則國
彊序明好醜曰必固其務均分以利之則民安曰用

以資之則民樂明德以師之則民讓生之樂之則母
之禮也政之教之遂以成之則父之禮也父母之禮
以加于民其慈曰古之聖王樂體其政士有九等
皆得其宜曰材多人有八政皆得其則曰禮服士樂
其生而務其宜是故奏鼓以章樂奏舞以觀禮奏歌
以觀和禮樂旣和其上乃不危王拜曰允哉幼愚敬
守以爲本典

通志書

卷六

通志書卷第六



國家圖書館, NATIONAL CENTRAL LIBRARY, TAIWAN, R.O.C.

逸周書卷第七

晉孔晁注

官人解第五十八

王會解第五十九

官人解第五十八

王曰嗚呼大師朕維民務官論用有徵觀誠考言視

聲觀色觀隱揆德可得聞乎

案此篇亦見大戴禮名文王官人通篇皆文王

之言與此不同論大戴作倫字本通用大戴云倫有

七屬屬有九用有六徵一曰觀誠二曰考志三曰

視中四曰觀色五曰觀隱六曰周公曰亦有六徵嗚呼

乃齊以揆之大戴云倫理次也乎一曰富貴者觀其有

禮施貧賤者觀其有德守嬖寵者觀其不驕奢隱約

國家圖書館, NATIONAL CENTRAL LIBRARY, TAIWAN, R.O.C.

者觀其不懼懼其少者觀其恭敬好學而能悌其壯

者觀其廉潔務行而勝私其老者觀其思慎彊其所

不足而不踰觀其思大戴作觀其意憲下作慎強其

彊其所不定者觀其不踰父子之間觀其孝慈兄弟

之間觀其和友舊脫觀其孝慈兄弟之君臣之間觀

其忠惠鄉黨之間觀其信誠大戴作信憚盧省其居

處觀其義方舊作方口省其喪哀觀其貞良省其出

入觀其交友省其交友觀其任廉盧注云任以設之

以謀以觀其智大戴云考之以觀其示之以難以觀

其勇煩之以事以觀其治臨之以利以觀其不貪濫

之以樂以觀其不荒大戴臨作淹濫作藍不荒喜之

以觀其輕怒之以觀其重怒舊口今醉之酒以觀其

恭從之色以觀其常大戴恭作不失又遠之以觀其

不二昵之以觀其不狎大戴不狎作不倦復徵其言以

觀其精大戴作探取其志以觀其情此精當作情又

以觀其大戴此下有考其陰陽以觀其誠覆其微言此之謂觀誠

二曰方與之言以觀其志志殷以淵其氣寬以柔舊

字不重殷作口大戴作志殷如淺注雖以淺為深字

竊疑必淵之記也舊本下句作其器寬以悌今從大

改其色儉而不諂其禮先人其言後人見其所不足

曰日益者也好臨人以色高人以氣賢人以言防其

所不足發其所能曰日損者也

兩日字從大戴增又

通其貌直而不止其言正而不私

大戴發作伐惠云古

美不隱其惡不防其過曰有質者也其貌曲媚其言

工巧飾其見物務其小證以故自說曰無質者也

大戴

亂以事而志不營深導以利而心不移臨懼以威而

威而氣慄懼曰鄙心而假氣者也

李善注東都賦設

之以物而數決敬之以卒而度應不文而辯曰有慮

者也

大戴數作邀與速同敬當為傲卒倉卒也大戴

不學作難決以物難說以守一而不可變因而不知

止曰愚依人也

大戴作難投以物難說以言知一如

物而不誤犯之以卒而不懼置義而不可遷臨之貨

色而不過曰果敢者也

大戴不誤作不虞盧注云虞

志者也

廉而果敢者也移易以言志不能固已諾無決曰弱

為怒沈靜而寡言多稽而險貌曰質靜者也

大戴險

通屏言而弗顧自順而弗讓

上句舊脫而字大戴云

讓舊訛護亦非是而彊之曰妬誣者也舊作始誣訛

据大戴改今大戴作始見周書誤本因記一始字於妬字旁遂致衍耳今改

正微而能發察而能深寬順而恭儉溫柔而能斷果

致而能屈曰志治者也大戴作徵清而能發度察而

華廢而誣巧言令色皆以無為有者也此之謂考言

大戴無廢字○案詩廢為殘賊王肅云廢大也張湛

注列子楊朱篇同此亦當作大解令色下大戴衍足

恭一也四字又言作志三曰誠在其中必見諸外以其聲處其

實大戴實作氣氣初生物大戴作初氣主物生有聲

聲有剛柔清濁好惡咸發于聲心氣華誕者其聲流

散心氣順信者其聲順節心氣鄙戾者其聲醜醜醜字

誤大戴作斯盧注云嘶當聲誤為斯心氣寬柔者其聲溫和大戴作

氣中易義氣時舒和氣簡備勇氣壯力大戴和作聽

其聲處其氣考其所為觀其所由大戴有察其以其

前觀其後以其隱觀其顯以其小占其大此之謂視

聲大戴觀皆作占中閒一句作以四曰民有五氣喜

怒欲懼憂大戴作喜氣內蓄雖欲隱之陽喜必見怒

氣內蓄雖欲隱之陽怒必見欲氣懼氣憂悲之氣皆

隱之陽氣必見五氣誠于中發形于外民情不可隱

也喜色猶然以出怒色薦然以侮欲色嫗然以愉懼

色薄然以下憂悲之色瞿然以靜大戴猶作由盧注

生薦作拂愉作偷惠云愉愉通又瞿作纍誠智必有難盡之色誠仁必有

可尊之色誠勇必有難懼之色誠忠必有可新之色

舊本作誠勇必有可新之色脫八字誠潔必有難汗

之色誠靜必有可信之色質浩然固以安偽蔓然亂

以煩雖欲改之中色弗聽此之謂觀色舊本靜字作方圍今據大

戴補質字偽字下大戴皆有字浩作皓蔓作纒改作故盧注云言雖欲故隱之於中而無柰色見於外

五曰民生則有陰有陽人多隱其情節其偽以攻其

名大戴此句上有賴於物一句有隱於仁賢者大戴賢作質下同有隱於

智理者有隱於文藝者有隱於廉勇者有隱於忠孝

者此句舊脫有隱於交友者如此不可不察也小施

而好德與得同大戴小讓而爭大大戴作而言願以

為質願當與愿同盧注偽愛以為忠偽舊作空圍據

戴有面寬而貌慈尊其得以改其名大戴作故其行

假節以示之二句如此隱於仁賢者也前總唱功一本作切案

是行如此隱於仁賢者也前總唱功大戴無此四

字有推前惡忠府知物焉首成功少其所慮誠弗及

佯為不言內誠不足色示有餘此下大戴有故自順

而不讓措辭而不遂此下大戴有莫此隱於智理者

也動人以言竭而弗終大戴作涉問則不對佯為不

窮口貌而有餘大戴作色假道而自順因之口初窮

則託深大戴作用之如此者隱於文藝者也口言以

為廉大戴言以為氣矯厲以為勇內恐外誇亟稱其說大戴

作內恐外倅敬再其說王懷祖謂敬再乃荀彘之訛

苟讀若亟彘古稱字文昭案外倅乃外誇之訛或改

倅為倅非敬亦亟之訛形相近亟欺冀反以詐臨人

如此隱於廉勇者也自事其親而好以告人大戴又有乞言

勞醉而面於飾其見物此下大戴又有故得不誠於

內發名以事親自以名私其身大戴作伐名以事其

其名以私其身案發與伐如此隱於忠孝者也比周

以相譽此句上大戴有陰行知賢可徵而左右不同

而交交必重已心說而身弗近身近而實不至懼不

盡見於眾而貌克已字身近字舊皆作方圍今依大戴補又而實不至下有而懼忠不

盡二字亦作懼忠如此隱於交友者也此之謂觀隱

者字舊脫六曰言行不類終始相倅此下大戴有陰

外內不合雖有假節見行曰非成質者也大戴假作

言忠行夷爭靡及私口弗求及情忠而寬貌莊而安

曰有仁者也大戴云其言甚忠其行甚平其志無私

心者事變而能治效窮而能達此句上大戴有物善

也措身立方而能遂曰有知者也大戴有知少言以

行恭儉以讓有知而言弗發有施而口弗德大戴作

不伐有施而不曰謙良者也微忽之言久而可復幽

置置與德同聞之行獨而弗克言字行字舊其行亡如存大戴作

脫据大戴增

如其曰順信者也貴富恭儉而能施嚴威有禮而不
驕曰有德者也隱約而不懼安樂而不奢勤勞而不
變喜怒而有度曰有守者也直方而不毀廉潔而不
戾彊立而無私曰有經者也大戴有經虛以待命大戴
作正靜以待命不召不至不問不言言不過行行不
過道曰沈靜者也忠愛以事親驩以盡力而不回敬
以盡力而不口曰忠孝者也大戴作歡欣以敬之盡
故名不生焉初學記引周書亦作歡以敬之盡力而
不固敬以安之案回與固皆面之訛即上文所云面
於敬愛是也缺處疑合志而同方其其憂而任其難
行忠信而不疑口隱遠而不舍曰交友者也口大戴
是名字亦見上文是迷字

志色辭氣其人甚偷進退多巧就人甚數案此處脫
戴云心色辭氣其入人甚偷進退工故其與人甚巧
其就人甚速其叛人甚易曰位志者也飲食以親貨
賄以交接利以合故得望譽征利而依隱於辭不至
物曰貪鄙者也又下段首有質不斷一句
少其所不足謀而不已曰偽詐者也言行亟變從容
克易好惡無常行身不篤曰無誠者也大戴克易作
不類又無誠少知而不大決少能而不大成規小物
下有志字而不知大倫曰華誕者也大戴少俱作小又規作顧
倫作論古倫論通用下又
有亟變而規諫而不類道行而不平曰竊名者也故
多私一句曰事阻者不夷時口者不回大戴作疇面譽者不忠
舊作果敢者也改飾貌者不靜假節者不平多私者不
訛今依大戴

義揚言者寡信此之謂揆德靜大戴作情古通用表
 情又案此下太戴尚有數百字周書闕文也今錄於
 此以備考云王曰太師女推其往言以揆其來行聽
 其來言以省往行觀其陽以考其陰察其內以揆其
 外是故隱節者可知偽飾無情者可辨質誠居善者
 可得忠惠守義者可見也王曰於乎敬哉女何慎乎
 非心何慎乎非仁人有六徵六徵既成以觀九用九
 用既立一曰取平而忠者四曰取順直而察者七曰
 者三曰取直而忠者六曰取慎而察者九曰取猛而
 曰取臨事而絜正者四曰取慎而察者九曰取猛而
 好謀而知務者八曰取接給而廣中者九曰取猛而
 而度斷者此之謂九用也平仁而有慮者九曰取猛而
 家而長百姓慈惠而有理者使是長鄉邑而使治子
 直慤而忠正者使是巷百官而察善否慎直而察聽
 者使是長民之獄訟出納辭令臨事而絜正者使是
 守內藏而治出入慎察而絜廉者使是分財臨貨主
 賞賜好謀而治知務者使是治壤地而長百工接給而
 廣中者使是治諸侯而待賓客猛毅而度斷者使是
 治軍事為邊境因方而用之此之謂官能也九用有

徵乃任七屬一曰國則任貴二曰鄉則任貞三曰官
 則任長四曰學則任師五曰族則任宗六曰家則任
 主七曰先則任賢正月王親命七屬之人曰於乎慎
 維深內觀民務本慎在人女平心去私慎用六證論
 辨九用以交一人子亦不私女廢朕命亂我法罪
 致不赦三戒然後及論王親受而考之然後論成

王會解第五十九

成周之會墀上張赤帟陰羽王城既成大會諸侯

及四夷也除地曰墀帟帳也陰鶴也以羽飾帳也天

子南面立纁無繫露朝服八十物搢珽繫露冕之

所垂也所尊敬則有焉八十物大小所服搢插也珽

笏也王伯厚本唐叔荀叔周公在左太公望在右皆

纁亦無繫露朝服七十物搢笏天子而立於堂上

唐荀國名皆周成王弟故曰叔豸謂差在後也近

天子故其冕亦無旒也堂下之右唐公虞公南面立

焉注唐虞二公堯舜後也堂下之左殷公夏公立焉

皆南面纔有繁露朝服五十物皆搢笏注杞宋二公

皆有繁露搢笏則唐虞同也為諸侯之有疾病者趙

文有之阼階之南祝淮氏榮氏次之珪瓚次之皆

西面彌宗豸之注淮榮二祝之氏也彌宗官名次珪

瓚南差在後惠云大戴公符有祝雍此淮字與相似

木脫珪瓚次之四字文弼案雍為名淮為氏不必一人俗閒

醫藥所居注使儲左右召則至也相者太史魚大行

人皆朝服有繁露注魚太史名及大行人皆讚相賓

客禮儀也堂下之東面郭叔掌為天子棗幣焉纔有

繁露注郭叔號叔文王弟棗錄諸侯之幣也內臺西

面正北方應侯曹叔伯舅中舅注內臺中臺也應侯

成王弟曹叔武王弟皆國名為諸侯二舅成王之舅

姜兄弟也內臺西面下俗間本有者字注脫曹叔以下二十一字皆從王本刪增比服

次之要服次之荒服次之西方東面正北方伯父中

子次之注此要服於比服轉遠故殊其名非夷狄之

四荒也伯父姬姓之國中子於王子中行者也王云中子

王之支子文弼案舉伯父可以包方千里之內為比

叔父中子則仲叔季弟之倫也九

服方二千里之內為要服方三千里之內為荒服是

皆朝於內者注此服名因於殷非周制也俗開本首

又二千脫二字堂後東北為赤帑焉浴盆在其中注

雖不用而設之敬諸侯也其西天子車立馬乘六青

陰羽鳧旌注鶴鳧羽為旌旄也中臺之外其右泰土

臺右彌土注外謂臺之東西也外臺右泰土右彌土

言尊王泰彌相儀之士也右泰土之右或疑左謝云

則在臺之前下云臺右側旁臺而立者上右字不必

疑是左字王云泰土蓋上土彌土蓋中土下土惠云

泰土理官文昭案彌如受贄者八人東面者四人注

受賓幣士也四人東面則西面四人也陳幣當外臺

天予毳宗馬十二注陳東帛被馬於外臺天予黑毳

宗尊也毳俗本作獻獻字無攷今從王本卜本注作

天予黑也毳屬也案王本不如是今不從王予繚璧綦十二注此下三璧皆玉予繚謂以黑組

紐之綦玉名有十二也璧綦俗本作碧參方予繚璧

豹虎皮十二注參方陳幣三所也璧皮兼陳也四方

予繚璧琰十二注琰珪也有鋒銳陳之四所方列之

也外臺之四隅張赤帑為諸侯欲息者皆息焉命之

曰交閭注每角張帑息者隨所近也諸侯稱交也正

四隅下王本有每隅二字注周公旦主東方所之青

舊脫帑字今增未句未詳馬黑毳謂之母兒注周公主東方則太公主西方東

青馬則西白馬矣馬名未聞王曰麤其守營牆者衣

青操弓執矛注戰也方各異案此東方也故衣青操

注以戟為矛若依淮南子則春矛夏戟有別也西面

者正北方稷慎大塵注稷慎肅慎也貢塵似鹿正北

內臺北也穢人前兒前兒若獼猴立行聲似小兒注

穢韓穢東夷別種良夷在子口身人首脂其腹

炙之霍則鳴曰在子注良夷樂浪之夷也貢奇獸王曰

本作幣亦云疑又揚州禺禺魚名解險冠注亦奇魚

霍作藿云豆葉也王云說文鱒魚名皮有文出樂浪東暍神爵四年

初捕收輪考工周成王時揚州獻鱒魚容切舊本

險冠作險寇王本及路發人麋麋者若鹿迅走注發

史皆作險冠亦見下文

亦東夷迅疾發北發也兩麋字從史記索隱舊本俞

人雖馬注俞東北夷雖馬籥如馬一角不角者曰騏

籥爾雅青丘狐九尾注青丘海東地名周頭輝羗輝

作騏羗者羊也注周頭亦海東夷羗即黑齒白鹿白馬注

黑齒西遠之夷也貢白鹿白馬白民乘黃乘黃者似

騏背有兩角注白民亦東南夷郭璞注山海經李善

東越海盒注東越則海際盒文盒盒即蛤字李善注

形近歐人蟬蛇蟬蛇順食之美注東越歐人也比交

州蛇特多為上珍也王本歐作甌注同注所云比者

多也三於越納注於越越也舊本正文句首有始字

字皆非

頁舊本脫注王本有之謝云於越納當連下文其姊妹且甌其海陽皆地名姊妹珍注姑

妹國後屬越注姊妹從未亡結反注且甌文蜃注且甌在越

文蜃大蜃也注本作文字王注其人彡貝注其人吳越之蠻

乎貝班貽貝也海陽大蟹注海水之陽一蟹盈車自

深桂注自深亦南蠻也注謝云自深注當即鼻深會稽以鞮皆面嚮

注其皮可以冠鼓自大塵已下至此向西面也注鞮即

正北方義渠以茲白茲白者若白馬鋸牙食虎豹注

亦在臺北與大塵相對義渠西戎國茲白一名駸央

林以酋耳酋耳者身若虎豹尾長參其身食虎豹注

央林戎之在西南者注央林一作英林王云書大傳散

左生之於陵氏取怪獸曰虞所

說與此畧同於陵英林音相近文昭案郭璞注海內

北經引此作夾林酋耳酋耳若虎尾參於身食虎豹

夾字注北唐以閭閻似險冠注北唐戎之在西北者射

禮以閭象為射器注北唐下有戎字衍郭注渠叟以鼯犬

鼯犬者露犬也能飛食虎豹注渠叟西戎之別名也

案廣韻鼯比教切能飛食虎豹之屬正此是也說文

鼯胡地風犬王本從李善注文選作鼯云一作鼯之

若切案鼯乃小鼠李注樓煩以星施星施者珥旄注樓

煩北狄地施所以為旄羽珥注李善注甘泉賦流星旄

旄者羽旄也北堂書鈔百二十注下盧以紈牛紈牛者

引作樓煩黑旄也恐記注下盧以紈牛紈牛者

牛之小者也注下盧虛人西北戎也今盧水是注紈字

初學記有之又見李善注或誤作紈王云紈與練同

詩有抹其角抹曲貌穀梁傳削角注球球然角貌

三

龜

區陽以鼈封鼈封者若彘前後有首注區陽亦戎之

名舊本鼈封不重今從規規以麟麟者仁獸也注規

規亦戎也麟似鹿牛尾一角馬蹄也舊規規說規短

從王本字今皆西申以鳳鳥鳳鳥者戴仁抱義掖信其形

似雞蛇首魚尾戴仁向仁國抱義懷有義掖信歸有

信也舊本掖信下衍歸有德三字注作歸有德之君

山海經亦云其狀如雞氏羌以鸞鳥注氏羌地羌不同故謂之

氏羌今謂之氏矣鸞大於鳳亦歸於仁義者也氏舊

易與互混故改從今字注首舊作氏地之羌不同巴人以比翼鳥注巴人在

南者比翼鳥不比不飛其名曰鷦鷯王本脫方煬以

皇鳥注方煬亦戎別名皇鳥配於鳳者也方煬一蜀

人以文翰文翰者若皐雞注鳥有文彩者皐雞似鳧

冀州謂之澤特也王云皐方人以孔鳥注方人亦戎

別名孔與鸞相配者舊配卜人以丹沙注卜人西南

之蠻丹沙所出卜即濮也夷用闌木注夷東北夷也

木生水中色黑而光其堅若鐵集韻闌竝康民以桴

苡桴苡者其實如李食之宐子注康亦西戎別名也

食桴苡即有身王本作康人洪州靡費費其形人身

反踵自笑笑則上脣翕其目食人北方謂之吐嚙注

州靡北狄也費費曰梟羊好立行如人被髮前足指

長王云反踵一作枝踵都郭生生欺羽生生若黃狗

人面能言注都郭北狄生生獸名山海經注都郭作

狂奇幹善芳善芳者頭若雄雞佩之令人不昧皆東

嚮注奇幹亦北狄善芳鳥名不昧不忘也此東向列

次也郭注西山經引昧作昧莫禮北方臺正東高夷

嗛羊嗛羊者羊而四角注高夷東北夷高句驪獨鹿

邛邛距虛善走也注獨鹿西方之戎也邛邛獸似距

虛負螫而走也此正文似本無距虛二字爾雅邛邛

虛注於邛邛則云似距虛於距虛則云野獸則知邛

邛下距虛二字乃後人以所習聞安增入耳且於注

中獸似下又增一鼠字則下距虛二字反贖孤竹距

矣故知此不與爾雅及呂氏春秋所說同也

虛注孤竹東北夷距虛野獸驢騾之屬不令支多獾

注不令支皆東北夷獾白狐多獾則黑狐案漢志遼

支縣即其地也疑不字及注中皆字不屠何青熊注

竝衍否則不字當為發聲注乃誤耳東胡黃熊注東胡東北夷山戎

不屠何亦東北夷也東胡黃熊注東胡東北夷山戎

戎菽注山戎亦東北夷戎菽巨豆也其西般吾白虎

注次西也般吾北狄近西也鄭志引王會白虎黑屠

州黑豹注屠州狄之別也王本也禹氏駒駘注禹氏

西北戎夷駒駘馬屬王作馬大夏茲白牛茲白牛野

獸也牛形而象齒注大夏西北戎茲白牛野獸似白

牛形舊本正文止大夏茲白牛五字下十一字誤入

注中惠據洪本增入正文與初學記正同今從

之犬戎文馬文馬赤鬣編身目若黃金名古黃之乘

注犬戎西戎之遠者文馬說文作馮古黃作吉皇海內北經注引作吉黃此從舊本

作古黃與初學記所引亦合數楚每牛每牛者牛之小者也**注**數

楚亦北戎也西山經黃山有獸如牛而蒼黑大目其名曰犛郭音啟畢云廣韻音切同美與

此每牛正合匈奴狡犬狡犬者巨身四足果皆北嚮**注**何

奴鹹北戎也梁云四足果蓋足短之稱若果下牛果下馬矣注鹹字舊闕今從王本補當謂

也斥鹵權扶玉目**注**權扶南蠻也玉目玉之有光明者

形小也白州比閭比閭者其華若羽伐其木以為車

終行不敗**注**白州東南蠻與白民接也水中可居曰

州州中出此珍木禽人菅**注**亦東南蠻菅草堅忍忍讀

為路人大竹**注**路人東南蠻貢大竹長沙鼈**注**特六

而美故貢也其西魚復鼓鐘鐘牛**注**次西列也魚復

南蠻國貢鼓及鐘而似牛形者美遠致也王云鐘蠻牛未詳

揚之翟**注**揚州之蠻貢翟鳥倉吾翡翠翡翠者所以

取羽**注**倉吾亦蠻也翠羽其色青而有黃也其餘皆

可知自古之政**注**餘謂眾諸侯貢物也言政化之所

致也南人至眾皆北嚮**注**南人南越至眾王本作致眾者

伊尹朝獻商書**注**不周書錄中以事類來附此十字舊誤作正文而以王注言別有此書也注商書下湯

以王會俱朝貢事故令附合注此十字下失之矣湯

問伊尹曰諸侯來獻或無馬牛之所生而獻遠方之

物事實相反不利

注非其所有而當遠求於民故不

利也

王本馬牛倒注於民作其民今吾欲因其地勢所有獻之必

易得而不貴其為四方獻令

注制其品服之令王本無必

字下不字伊尹受命於是為四方令曰臣請正東符

者東夷蠻越之別稱鬻髮文身因其事以名也

王本無於是二請令以魚皮之鞞口劍之醬鮫駮利劍為獻

注鞞刀削劍魚名厥盾也以鮫皮作之鮫文魚也

魚皮舊作魚支今從洪本

注正南甌鄧桂國損子產里百濮九菌

王本口疑是鳥六者南蠻之別名

王云里一作重請令以珠璣璫瑁象齒

文犀翠羽菌鶴短狗為獻

注璣似珠而小菌鶴可用

為旌翳短狗狗之善者也

短狗王本作矩狗蓋因注云狗之善者故以為當作

矩耳考唐幽州昭仁寺碑有云豈止菌鶴短狗為是西昆侖狗國鬼親枳已關耳貫胸雕題離巨漆齒

九者西戎之別名也關耳貫胸雕題漆齒亦因其事

以名之也

後漢書注引狗國作狗骨又引離丹青白旄紕罽江歷龍角神龜為獻

注江歷珠名龍

解角故得也疑章懷注引此文又引何承天纂文曰

疑氏罽也音卑代翟匈奴樓煩月氏熾犁其龍東胡

注十三者北狄

逸周書卷第七
之別名也代翟在西北界戎狄之間國名也王云代一作戎
請令以橐駝白玉野馬駒駘駛騃良弓爲獻湯曰善
案博物志引周書西域獻火浣布昆吾氏獻切玉刀亦當在此篇中今缺

逸周書卷第七

逸周書卷第八

晉孔晁注

祭公解第六十

史記解第六十一

職方解第六十二

祭公解第六十

王若曰祖祭公注祭公周公之後昭穆於穆王在祖
列次予小子虔虔在位注虔敬昊天疾威予多時溥
愆注溥大也言昊天疾威於我故多是過失我聞祖
不豫有加予維敬省不弔天降疾病予畏天威公其
告予懿德注弔至也言已道不至故天下病王畏守

不美懿美也天威舊訛之威從趙祭公拜手稽首曰

天子注拜手頭至手稽首頭俯地謀父疾維不瘳朕

身尚在茲朕魂在于天注謀父祭公名我魂在於天

言必死也梁云朕魂在于天昭王之所九昭王之所

勛宅天命注言雖魂在天猶明王之所勉君天下之

事也王曰嗚呼公朕皇祖文王烈祖武王度下國作

陳周維皇皇上帝度其心寘之明德注下國謂諸侯

也天度其心所能寘明德於其身也付俾於四方用

應受天命敷文在下注付與四方受命於天而敷其

文德在下土也沈云俾當作畀我亦維有若文祖周公暨列

祖召公茲申予小子追學於文武之蔑注言已追學

文武之微德此由周召分治之化也微德釋蔑字義舊作徵德訛

用克龕紹成康之業以將天命用夷居之六齋之衆

注將行夷平也言大商本其初也我亦維有若祖祭

公之執和周國保乂王家注執謂執其政也王曰公

稱丕顯之德以予小子揚文武大勳弘成康昭考之

烈注稱謂舉行也昭考昭王穆王之父也王曰公無

困我哉俾百僚乃心率輔弼予一人注言公當使百

官相率和輔弼我不然則困我祭公拜手稽首曰允

乃詔畢桓于黎民般注般樂也言信如王告盡治民

樂政也乃汝汝王也公曰天子謀父疾維不瘳敢告
 天子皇天改大殷之命維文王受之維武王大剋之
 咸茂厥功注茂美也文王以受命為美武王以剋殷
 為美故曰咸也維天貞文王之董用威亦尚寬壯厥
 心康受乂之式用休注真正也董之用威伐崇黎也
 既剋之而安受治之其治用美也董舊作重今依卜本改亦先
 王茂綏厥心敬恭承之維武王申大命戡厥敵注言
 武王申文王受命之意而勝殷也公曰天子自三公
 上下辟于文武文武之子孫大開方封于下土注辟
 法也言我上法文武方大開國旁布於下土天之所

錫武王時疆土丕維周之基丕維后稷之受命是永
 宅之注錫與言天子武王是疆所受是大維周之開
 基大維后稷所受命是長居此也基丕維三字舊空圍從趙補維
 我後嗣旁建宗子丕維周之始并注旁建宗子立為
 諸侯言皆始并天子之故也惠云并即屏古字通郭注山海經曰并即屏語
 有輕重耳注天子鳴呼天子三公監于夏商之既敗
 本一作大子非注鳴呼天子三公監于夏商之既敗
 丕則無遺後難至于萬億年守序終之注言當以夏
 商為戒大無後難之道守其序而終也既畢丕乃有
 利宗丕維文王由之注既終之則有利于宗皆由文
 武之德也公曰嗚呼天子我不則寅哉寅哉注寅敬

也不則言則也汝無以戾反罪疾喪時二王大功

戾反罪疾謂已所行時是二王文武汝無以夔御固

莊后禮記緇衣引此及下二句作某公之顧命乃祭夔御寵妾也莊正也

公之訛也固汝無以小謀敗大作小謀謂不法先

王也大作大事也汝無以夔御士疾大夫卿士

無親小人疾君子緇衣大夫卿士汝無以家相亂王

室而莫恤其外言陪臣執國命恤憂也外謂王室

之外也尚皆以時中又萬國言當盡用是中道治

天下也嗚呼三公汝念哉汝無泯泯芬芬厚顏忍醜

時維大不弔哉戒二公使念我與王也泯芬亂也

忍行亂則厚顏忍醜也如是則大不善之也芬芬與呂刑芬

同昔在先王我亦維不以我辟險于難不失于正我

亦以免沒我世先王穆王父祭公所事也辟君也

言我事先王遇大難正而不失故能以善沒世言善

終維不疑亦是不維又險于難疑是嗚呼三公子維

不起朕疾汝其皇敬哉茲皆保之皇大也言當式

敬我言如此則天下皆安之曰康子之攸保勸教誨

之世祀無絕不我周有常刑康安也子之所宐安

以善道勉教之則子孫有福不然則犯常刑也王拜

手稽首王拜受祭公之黨言也王拜則三公

逸周書

拜可知也

黨謹古字通荀子非相篇博而黨正注謂直言也又見張平子及劉寬二碑

史記解第六十一

維正月王在成周昧爽召三公左史戎夫注王是穆

王也戎夫左史名也

左舊說在案竹書紀年穆王二十四年命左史戎夫作記則當作左古今人

表作右史詛曰今夕朕寤遂事驚予注遂成也行成

事言驚夢宿欲知之也

遂事下御覽有其字

乃取遂事之要戒

俾戎夫主之朔望以聞注

集取要戒之言月朔望日

於王前讀之

主舊作言今從御覽朔望之稱蓋始於此禮記云朔月半月亦指朔望也注月

朔望日舊作

信不行義不立則哲士凌君政注言君

不行信義信義由智正故哲士凌君之政也禁而生

亂皮氏以亡注

禁義信則亂生皮氏古諸侯也

紀年云帝

不降三十五年

諂諛日近方正日遠則邪人專國政注

好順人意為諂諛禁而生亂華氏以亡注華氏亦古

諸侯也好貨財珍怪則邪人進邪人進則賢良日蔽

而遠注賢良不行貨故蔽遠賞罰無位隨財而行夏

后氏以亡注桀由好財亡也嚴兵而不口者其臣懼

其臣懼則不敢忠不敢忠則民不親其吏注不敢忠

乃不仁下效其上故不親刑始於親遠者寒心殷商

以亡注紂以暴虐亡也樂專於君者權專於臣權專

於臣則刑專於民注君荒於樂則權臣專斷用刑濫

矣君娛於樂臣爭於權民盡於刑有虞氏以亡○專則致爭而刑殺之盡被刑也有虞商均之後奉孤以專命者謀主必畏其威而疑其前事○謀主謂孤長也前事謂專命挾德而責數日疏位均而爭平林以亡○挾其見奉之德而責其前專命事此與周公反矣位均勢敵注均舊作於一作與皆訛大臣有錮職譁誅者危昔者質沙三卿朝而無禮君怒而久拘之譁而弗加○錮職謂事專權也元本注無事字譁卿謀變質沙以亡○有三卿諸侯可知也譁卿卜本作三卿外內相聞下撓其民民無所附三苗以亡弱小在疆大之開存亡將由之

則無天命矣不知命者死○無天命命在疆大者也知命則存不知命則足以亡矣注疆大舊作疆壯訛有夏之方興也扈氏弱而不恭身死國亡○有夏啓也戰於甘滅扈也嬖子兩重者亡昔者義與氏有兩子異母皆重○王不別長庶寵秩同也君疾大臣分黨而爭義渠以亡○各有所事而爭立也紀年云武乙三十年周師伐義渠乃獲其君以歸注爭立舊作爭力訛功大不賞者危昔平州之臣功大而○不賞諂臣日貴功臣日怒而生變平州之君以走出○有功不賞而貴諂臣有德不官而任姦佞宐其出走也之臣功臣舊兩臣字脫又貴上衍賞字今依李善注文選所引增刪召遠不親者

危昔有林氏召離戎之君而朝之注林氏諸侯至而

不禮畱而弗親離戎逃而去之林氏誅之天下叛林

氏注天下見其遇戎不以禮遂叛林氏林氏孤危也

昔者曲集之君伐智而專事彊力而不信其臣忠良

皆伏注伐智自足也伏謂不為之用不信舊作不賤

渝州氏伐之君孤而無使曲集以亡注曲集渝州皆

古諸侯博物志作榆州氏之君孤而無使曲昔者有

巢氏有亂臣而貴任之以國假之以權擅國而主斷

注委之政也君已而奪之臣怒而生變有巢以亡注

秉政則專生殺則多恐雖君奪其政懼禍見及故作

亂也怒依注當斧小不勝柯者亡昔有郈君齋儉減

爵損祿羣臣卑讓上下不臨注柯所以秉喻君斧所

以用喻臣臣無爵祿君所任不臨言不相承奉也注

所任有後口小弱禁罰不行重氏伐之郈君以亡注

兩弱不能行令紀年云帝高辛十六年帝使久空重

位者危昔有其工自賢自以無臣久空大官注言無

任已臣者故空官也下官交亂民無所附唐氏伐之

其工以亡注無大臣故小臣亂也君凶於上臣亂於

下民無所依堯遂流之犯難爭權疑者死昔有林氏

上衡氏爭權注爭為犯難不果為疑林氏再戰而勝

上衡氏偽義弗克俱身死國亡注林氏恃勝上衡氏

怠義所以俱亡而勝善作弗勝訛知能均而不親竝重事君

者危昔有南氏有二臣貴寵力鈞勢敵競進爭權下

爭朋黨君弗能禁南氏以分注二臣勢鈞而不親權

重養徒黨所以分國也有南之國水經注以為在南郡競舊訛竟脫能字水經注

作竅下云君弗能制南氏用分昔有果氏好以新易故故者疾怨新

故不和注有果亦國名也內爭朋黨陰事外權有果

氏以亡注外權謂外大國爵重祿輕比口不成者亡

昔有畢程氏損祿增爵羣臣貌匱比而戾民畢程氏

以亡注有位無祿取名自成民不堪求比而罪之好

變故易常者亡昔陽氏之君自伐而好變事無故業

官無定位民運於下陽氏以亡注運亂移也業形而

懷者危昔穀平之君懷類無親破國弗剋業形用國

注懷恨類戾也國不勝破以刑為業也形刑通趙云類當作類

外內相援穀平以亡武不止者亡昔阪泉氏用兵無

已誅戰不休并兼無親文無所立智士寒心注無親

謂并兼之也無文德故智士寒心也意云阪泉氏蓋黃尤也趙疑是

之後徙居至于獨鹿諸侯畔之阪泉以亡注獨鹿西

戎地名徙都失處故亡也案嘗麥解云蚩尤逐赤帝爭于涿鹿之河赤帝說黃

帝勃蚩尤殺之獨鹿即涿鹿也亦名濁鹿佞而無親者亡昔者縣宗之君

佞而無聽注不納忠言執事不從宗職者疑發大事

羣臣解體注皆有違心國無立功縣宗以亡昔者

都賢鬼道廢人事天注求禱神也舜都氏見紀年帝舜四十二年來朝

寶玉博物志謀臣不用龜策是從神巫用國哲士

在外爭都以亡注弃賢任巫所以亡也文武不行者

亡昔者西夏性仁非兵注性仁而無文德非兵而無

武備城郭不脩武士無位惠而好賞屈而無以賞注

無功盡賞無財可用注無財唐氏伐之城郭不守武

士不用西夏以亡注唐氏堯帝美女破國昔者績陽

重丘遺之美女注重丘之君畏其并已惑

之以女績陽之君悅之熒惑不治大臣爭權遠近不

相聽國分為二注君昏於上權分於下所為二也宮

室破國昔者有洛氏宮室無常池園廣大工功日進

以後更前民不得休農夫其時注工功進則民困矣

以工取官賢材退矣饑饉無食成商伐之有洛以亡

注湯號曰成故曰成商注成商舊作

職方解第六十二

職方氏掌天下之圖辨其邦國都鄙四夷八蠻七閩

九貉五戎六狄之人民注此在周官大司馬下篇穆

王使有司抄出之欲時省焉國曰都邑曰鄙東方曰

夷南方曰蠻西方曰戎北方曰狄閩蠻之別貉狄之

別八七九五六見非一之言也注舊多訛脫今妄文義補正四夷其大名

也故不與其財用九穀六畜之數周官數下有要字周知其

利害乃辨九州之國使同貫利注貫事東南曰揚州

其山鎮曰會稽其澤藪曰具區其川三江其浸五湖

其利金錫竹箭其民二男五女其畜宐雞狗鳥獸其

穀宐稻注竹箭篠也九州土氣生民男女各不同鳥

獸山澤所育之屬也周官無雞狗此亦後人妄增也注竹字衍正南曰荆

州其山鎮曰衡山其澤藪曰雲夢其川江漢其浸潁

澙其利丹銀齒革其民一男二女其畜宐鳥獸其穀

宐稻河南曰豫州其山鎮曰華山其澤藪曰圃田其

川滎雒其浸陂澨注華山西岳滎卽滎也春秋傳戰于滎澤亦作滎陂當

從周官作其利林漆絲枲其民二男三女其畜宐六

擾其穀宐五種注家所畜曰擾五種謂黍稷菽麥稻

也菽本誤作穀今依周官注改正正東曰青州其山鎮曰沂山其澤

藪曰望諸其川淮泗其浸沂沭其利蒲魚其民二男

三女其畜宐雞犬其穀宐稻麥周官犬作狗河東曰兖州

其山鎮曰岱山其澤藪曰大野其川河沛其浸盧維

其利蒲魚其民二男三女其畜宐六擾其穀宐四種

注四種黍稷稻麥正西曰雍州其山鎮曰嶽山其澤

藪曰彊蒲其川涇汭其浸渭洛其利玉石其民三男

二女其畜宐牛馬其穀宐黍稷注嶽吳嶽也注彊蒲周

蒲涇汭本皆作涇東北曰幽州其山鎮曰醫無閭其

澤藪曰獫狁其川河沛其浸菑時其利魚鹽其民一

男三女其畜宐四擾其穀宐三種注四擾牛馬羊豕

三種黍稷稻也河內曰冀州其山鎮曰霍山其澤藪

曰揚紆其川漳其浸汾露其利松柏其民五男三女

其畜宐牛羊其穀宐黍稷注所謂河內者注揚紆周官

雅作揚跨露周官作潞梁云呂氏春秋不屈篇士民

罷潞注潞贏也與左氏昭元年傳以露其體訓同是

露潞古亦通用也三女本作二女今正北曰并州其

依周官改注似有既訛者疑當作郡

山鎮曰恆山其澤藪曰昭餘祁其川虡池嘔夷其浸

涑易其利布帛其民二男三女其畜宐五擾其穀宐

五種注五擾牛馬羊豕犬五種黍稷菽麥麻周官注

乃辯九服之國方千里曰王圻注圻界也圻與其外

方五百里為侯服注為王者斥侯也服言服王事也

注舊脫上服字又注又其外方五百里為甸服注甸田

王作正今皆補正也注入上舊注又其外方五百里為男服

也治田入穀也又其外方五百里為采服注采服

周官補采事也為又其外方五百里為衛服注為王

扞衛也又其外方五百里為蠻服注用事差簡慢又

其外方五百里為夷服舊又脫此句亦依周官補又其外方五百

里為鎮服注脫六字案鎮者言鎮守之又其外

方五百里為藩服注藩服屏四境也凡國公侯伯子

男案周官云凡邦國千里封公以方五百里則四公

方四百里則六侯方三百里則七伯方二百里則

二十五子方百里則百男此節去以周知天下凡邦國大小相維王

設其牧注周徧維持也牧謂牧御天下之政教制其

職各以其所能注連率牧監各任能也制其貢各以

其所有注土地所有乃貢之王將巡狩則戒于四方

曰各脩平乃守考乃職事無敢不敬戒國有大刑注

考成也不敬則犯大刑也職方所口注未或是及王

者之所行道率其屬而巡戒命王殷國亦如之注王

十二歲一巡狩職方自所戒之命其不巡狩之年六

服盡朝謂之殷國也巡戒命亦如巡狩也周官作及

先道帥其屬而巡戒命注昔脫之年

二字及戒字又誤複朝字今增刪

逸周書卷第八



國家圖書館, NATIONAL CENTRAL LIBRARY, TAIWAN, R.O.C.

通志書
卷八

逸周書卷第九

晉孔晁注

芮良夫解第六十三 太子晉解第六十四

王佩解第六十五 殷祝解第六十六

周祝解第六十七

芮良夫解第六十三

芮伯若曰予小臣良夫稽道謀告注伯爵若順也順

其事而告之也天子惟民父母致厥道無遠不服無

道左右臣妾乃違注無道無德政違畔也舊本脫天

畔也俗聞本作戾也民歸于德德則民戴否則民讎茲言允効

于前不遠注言驗于前世不遠言近商紂不道夏桀之虐肆我有家注舉桀紂惡滅亡為戒也嗚呼惟爾天子嗣文武業惟爾執政小子同先王之臣昏行曰顧道王不若注同為昏闇言教王為不順專利作威佐亂進禍民將弗堪注專利侵民佐亂進於禍也治亂信乎其行惟王暨爾執政小子攸聞注行善則治行惡則亂皆所聞知古人求多聞以監戒不聞是惟弗知注言古人患不聞故有所不知也后除民害不惟民害害民乃非后惟其讎注害民是與民為怨讎與本一作與后作類后弗類民不知后惟其怨注言民不

從上命從其所行類善也不知君則怨深矣民至億兆后一而已寡不敵衆后其危哉注言上下無義對共相怨則寡者危也嗚呼注口口如之注口口人養食之則擾服雖家畜不養則畏人治民亦然也注首文或是禽獸今爾執政小子惟以貪諛為事不勲德舊本不空非以備難注專利為貪曲從為諛下民胥怨財力單竭手足靡措弗堪戴上不其亂而注言民相與怨上上加之罪民不堪命而作亂力字舊脫從趙補以予小臣良夫觀天下有土之君注有土謂之諸侯也之字疑衍厥德不遠罔有代德注言無遠德罔有天下也時為王之患

其惟國人注是國人為患也

言今諸侯無有若湯武者故患不在諸侯而在

國人言嗚呼惟爾執政朋友小子其惟洗爾心改爾

行克憂往愆以保爾居注洗心改行憂往過則安爾

之居位爾乃贖禍翫哉遂弗悛余未知王之所定矧

乃口口注贖陽不聞翫心不惕悛改矧况也尚不知

王定况貪諛之臣能得其所也缺處疑是惟禍發於

人之攸忽於人之攸輕口不存焉變之攸伏注言人

所輕忽則禍之所起謂下民也爾執政小子不圖善

偷生苟安爵以賄成注苟且無遠慮賄賂不任德賢

智箱口小人鼓舌逃害要利竝得厥求唯曰哀哉注

賢者靖默以逃害小人佞諂以要利各得其求君子

為之哀者也我聞曰以言取人人飾其言以行取人

人竭其行飾言無庸竭行有成注君子不以言舉人

無功故也欲行有成故也惟爾小子飾言事王寔蕃

有徒王貌受之終弗獲用面相誣蒙及爾顛覆注蕃

多徒衆言非一也貌謂外相悅而無實也君臣之相

誣蒙必相及其顛覆之也注之也疑爾自謂有餘子

謂爾弗足敬思以德備乃禍難注言其不足於道義

也以用也乃汝也難至而悔悔將安及無曰予為惟

爾之禍注為不言也

太子晉解第六十四 謝云此篇誕而陋與諸篇絕不類孔氏爲注之甚矣其無識也

晉平公使叔譽于周見太子晉而與之言 叔譽者

大夫叔向也周靈王太子名晉也五稱而三窮遂巡

而退其不遂 五稱說五事遂終也 三窮舊作五窮案潛夫論引作

三窮御覽百四十六同又其下有言字 歸告公曰太子晉行年十五而

臣弗能與言 告平公稱其賢才也君請歸聲就復

與田若不反及有天下將以爲誅 聲就復與周之

二邑名周衰晉取之也平公將歸之師曠不可曰請

使瞑臣往與之言若能蒙予反而復之 師曠晉大

夫無日故稱瞑蒙覆也度謀還與否也師曠見太子

稱曰吾聞王子之語高於泰山夜寢不寐晝居不安

不遠長道而求一言 言高於泰山言無上也不安

至飢渴也 御覽先下 王子應之曰吾聞太師將來甚

喜而又懼吾年甚少見子而懼盡忘吾其度 懼而

忘度所以爲謙師曠曰吾聞王子古之君子甚成不

驕自晉始如周行不知勞 有成德不以驕易也王

子應之曰古之君子其行至慎委積施關道路無限

百姓悅之相將而遠遠人來驩視道如咫 言已不

及古君子咫喻近 委積舊作天下咫師曠告善必稱

曰古之君子其行可則由舜而下其孰有廣德 問

舜已下可法則之君子也王子應之曰如舜者天舜居其所以利天下奉翼遠人皆得已仁此之謂天注言其仁合天道如禹者聖勞而不居以利天下好取不好與必度其正是謂之聖注盡力溝洫勞也貪財利篤其功合聖道也注謂之當如前如文王者其大道仁其小道惠三分天下而有其二敬人無方服事於商既有其衆而返失其身此之謂仁注以其仁德人惠懷之行無常唯賢所在勞謙恭儉日夜不息返失之也注趙云返當作反注同注也舊作勤注如武王者義殺一人而以利天下異姓同姓各得其所是之謂儀注一人紂也儀

善其所是三字師曠告善又稱曰宣辨名命異姓惡舊脫從沈增

方王侯君公何以爲尊何以爲上注問其事儀王子

應之曰人生而重丈夫謂之胄子胄子成人能治上

官謂之士士率衆時作謂之曰伯謂之士下本注胄

上或本有胄字伯能移善於衆與百姓同謂之公注作謂農

功同謂好義公能樹名生物與天道俱謂之侯侯能

成羣謂之君注立名生物謂化施於民也成謂成物

羣謂之爲長也舊脫生字又物與君有廣德分任諸

侯而敦信曰子一人注敦厚也善至于四海曰天子

達于四荒曰天王注四海四夷四荒四表四荒至莫

有怨訾乃登為帝注訾歎恨也合五等之尊卑而論

事義以為之名者也師曠罄然又稱曰溫恭敦敏方

德不改聞物口口下學以起尚登帝臣乃參天子自

古誰注罄然自嚴整也方道初本也起其物義也問

最賢之人也自古誰下卜王子應之曰穆穆虞舜明

明赫赫立義治律萬物皆作分均天財萬物熙熙非

舜而誰能注律法也謂致其物也熙熙和盛言舜臣

堯功德如此也師曠東躅其足曰善哉善哉注東躅

踏也王子曰太師何舉足驟師曠曰天寒足踣是以

數也注驟亦數也王子戲問故曠戲答足踣舊作足

踣案說文曰

踣天寒足踣也從足句聲陸氏莊子釋文亦引作踣

李登聲類曰偏舉一足曰踣今定作踣紀于求于二

反王子曰請入坐遂敷席注瑟師曠歌無射曰國誠

寧矣遠人來觀脩義經矣好樂無荒注交言於堂故

更入燕室坐歌此辭而音合於無射之律乃注瑟於

王子王子歌嶠曰何自南極至于北極絕境越國弗

愁道遠注嶠曲名也師曠作新曲美王子也王子述

舊曲諫也師曠蹶然起曰瞑臣請歸注蹶然疾貌王

子賜之乘車四馬曰太師亦善御之注禮為人子三

賜不及車馬此賜則白王然後行可知也師曠對曰

御吾未之學也王子曰汝不為夫詩詩云馬之剛矣

轡之柔矣馬亦不剛轡亦不柔志氣庶庶取予不疑

以是御之注馬不剛轡不柔言和擾也庶庶亦和擾

也不疑和之心也志氣庶庶舊記志之塵塵今依左

有國子賦轡之柔矣乃足數師曠對曰瞑臣無見為

人辯也唯耳之恃而耳又寡聞而易窮王子汝將為

天下宗乎注辯別也為人所別唯恃耳也宗尊也

天下所尊則有明王者也注則有二王子曰太師何

汝戲我乎自太皞以下至于堯舜禹未有一姓而再

有天下者夫大當時而不伐天何可得注言自庖犧

至禹其子孫未有期運當時斯不立矣言周衰未盡

已必不立也且吾聞汝知人年之長短告吾問舊說

章本下亦訛今師曠對曰汝聲清汗汝色赤白火色

不壽注清角也言音汗沈木木生火色赤知聲者則

色亦然王子曰然吾後三年將上賓于帝所汝慎無

言殃將及汝注言死必為賓于天帝之所鬼神之口

口則王子之事不欲令人知之也然字將字決字舊

論增風俗通殃作禍注鬼師曠歸未及三年告死者

至注未及三年并歸之年為三年則王子年十七而

卒也風俗通此下有云孔子問之

王佩解第六十五

王者所佩在德德在利民民在順上注言以利民為

德也天子事天所以威下使事上合為在因時應事

則易成注得時所為合應為其機謀成在周長有功

在力多注周忠信也力多則功多也昌大在自克不

過在數懲注以義勝欲得昌大數有懲艾則無過也

大在字俗本訛往今從元本章本改正注數有趙疑數自不困在豫慎見禍在未

形注事未成而豫慎則不困也除害在能斷安民在

知過用兵在知時注能斷所不思也知過輒改民將

安生時謂可伐時也勝大患在合人心注舉合民心

何患之有哉殃毒在信注疑孽子在聽內化行在知和

注內聽於孽孽而吐於中言宐其生災也可否相濟

曰和注孽孽似孽子之誤趙云聽內似謂聽信婦

舍在平心不幸在不聞其過注施謂施謂舍謂赦罪

聖人以聞已過為幸貴速改也福在受諫基在愛民

固在親賢注受諫則無非故福以愛民為基親賢人

則固明君之義也禍福在所密利害在所近存亡在

所用注所與密謂親近所利用皆忠良則福利生反

是則禍害至離合在出命漢書主父偃傳引尊在慎

威安在恭已危亡在不知時注教命善則事合否則

離矣威得其宐則尊恭已不妄則安時謂天時得其

時也見善而怠時至而疑亡正處邪是弗能居此得失之方也不可不察注怠懈墮不能行也疑由豫不

果也邪姦術也處姦術是不居大之道也乃是得失之道也注由與猶通下本作猶又大上當有正字

殷祝解第六十六

湯將放桀于中野注此事不然矣或者欲解之士民

聞湯在野皆委貨扶老攜幼奔國中虛注言桀國中

空無人又不然矣注謝云湯之放桀亦如舜之封象蓋

人氏中野之民咸去桀歸湯國中虛者中野之地虛也故湯復為明之而士民致於桀之詞皆願歸亳桀乃與其屬五百人桀請湯曰國所以為國者以有家變徙而至南巢也

家所以為家者以有人也今國無家無人矣君有人

請致國君之有也注此國為天下也注為當湯曰否

昔大帝作道明教士民今君王滅道殘政士民惑矣

吾為王明之注大帝謂禹明禹之事於士民也士民

復致於桀曰以薄之居濟民之賤何必君更注此士

民辭也薄湯所居也言與君更與桀徙避湯桀與其

屬五百人南徙千里止於不齊民往奔湯於中野注

不齊地名注正文不齊下疑當桀復請湯言君之有也

注言下亦當湯曰否我為君王明之士民復重請之桀

與其屬五百人徙於魯魯士民復奔湯注魯亦地名

桀又曰國君之有也吾則外人有言彼以吾道是邪
 我將為之注言桀以此辭勸勉湯者也湯曰此君王
 之士也君王之民也委之何湯不能止桀注必欲去
 也湯曰欲從者從君桀與其屬五百人去居南巢注
 南巢地名舊本正文去字下注居南巢之地名記今改正湯放桀而復薄三
 千諸侯大會注大會於薄復薄李善注文選引作歸于亳湯退再拜
 從諸侯之位湯曰此天子位有道者可以處之注讓
 諸侯之有道者天下非一家之有也天下舊作天子今從趙改有
 道者之有也故天下者唯有道者理之唯有道者紀
 之唯有道者宜久處之注久處久居天子之位湯以

此讓三千諸侯莫敢即位然後湯即天子之位注三
 千諸侯勸之也與諸侯誓曰陰勝陽即謂之變而天
 弗施注逆天道故不施雌勝雄即謂之亂而人弗行
雌勝雄女陵男之異逆人道故不行焉故諸侯之
 治政在諸侯之大夫治與從注言下必順上所以教
 治也與從本一作於從

周祝解第六十七

曰維哉其時告汝口口道恐為身災注言所以告汝
 不聞道為身災也空闕二字俗本作不聞非謹哉民乎朕則生汝
 朕則刑汝注告以善道是生之是以教之以法也惠云

刑一作形形與刑通朕則經汝一本云案注似脫朕則阜汝四字朕則亡汝朕

則壽汝朕則名汝注經紀汝昌阜汝殺亡汝為汝請

命名汝善惡也故曰文之美而以身剝自謂智也者

故不足注狐貉俱以文受害人自賢則愚惡反見也

角之美殺其牛榮華之言後有茅注言牛以角死虛

言致穢也凡彼濟者必不怠觀彼聖人必趣時注以

不怠故濟以趣時故聖潛夫論引云凡彼聖人必趨時石有玉而傷

其山萬民之患在口言注山以有玉故傷人以有言

受患時之行也勤以徒不知道者福為禍注不徒以

及時人故失其福也時之從也勤以行不知道者以

福亡注行謂與時偕行故曰肥豕必烹甘泉必竭直

木必伐注以其供人用自然理地出物而聖人是時

雞鳴而人為時觀彼萬物且何為求注萬物自然不

為人求聖人則之如因雞鳴以識時也是時卜本作趨時或疑當

作是則舊本多有故天有時人以為正地出利而民是

爭注正謂敬授民時也爭謂爭其斂之也人出謀聖

人是經陳五刑民乃敬注經經度之也敬敬上命也

教之以禮民不爭被之以刑民始聽因其能民乃靜

注有禮則讓故不爭聽順靜服謂不為亂也故狐有

牙而不敢以噬獠有蚤而不敢以擻注喻人以小能

不敢望大官亦求自盡而已也說文引作獮有勢居瓜蚤與瓜同

小者不能為大注雖有其材勢不便故特欲正中不

貪其害凡勢道者不可以不大注不貪害也中正不

立不大其度至道不行也故木之伐也而木為斧賊

難之起自近者注因木以伐木因近以成賊之起舊本作而

起訛下又二人同術誰昭誰暝二虎同穴誰死誰生

成者能昭猛者能生故虎之猛也而陷於獲人之

智也而陷於詐注虎以食陷甯人以欲陷詐詐罔也

獲舊作葉之美也解其柯柯之美也離其枝枝之美

也拔其本儼矢將至不可以無盾注此言飾末業覆

本質也盾喻為人當有所備護解其柯舊脫其字故趙增儼矢即嚴矢

澤有獸而焚其草木大威將至不可為巧焚其草木

則無種大威將至不可以為勇注言亦貨以危身禍

至不可救也注言亦疑例故天之生也固有度國家之患

離之以故注以言患因事而起故事也離懼也地之生

也固有植國家之患離之以謀注植立也有生則立

也故時之還也無私貌日之出也無私照注還謂至

也貌謂無實時至並應日出普照也時之行也順至

無逆為天下者用大略注言當以大略順時也至字疑衍

火之燁也固定上為天下者用牧注燁然也火曰炎

上牧謂法也定疑走水之流也固走下不善故有桴

注桴所擊鼓也言惡政由於發者也陳云桴當故福

之起也惡別之禍之起也惡別之**注**惡於何也言其

微也故平國若之何須國覆國事國孤國屠皆若之

何**注**覆滅也事謂事無役也孤謂無人屠謂為人分

裂也注無人替脫人字故日之中也仄月之望也食

威之失也陰食陽善為國者使之有行**注**仄跌也食

謂毀明而生魄也以日蔽於陰喻君行失道是彼萬

物必有常國君而無道以微亡**注**微以積小以致滅

亡者也故天為蓋地為軫善用道者終無盡地為軫

天為蓋善用道者終無害**注**言因道動靜法天地

言下本作天地之間有滄熱善用道者終不竭**注**滄寒

竭盡也惠云說文滄从公倉聲寒陳彼五行必有勝天

之所覆盡可稱**注**言五行相勝以生成萬物盡可稱

名之也故萬物之所生也性於從萬物之所反也性

於同**注**從謂立也始異終同故曰反也反舊作及今

脫同字案故惡姑幽惡姑明惡姑陰陽惡姑短長惡

姑剛柔**注**姑者且也言幽明之相代陰陽之變易短

長之相形剛柔之相生始終之道也故海之大也而

魚何為可得山之深也虎豹貔貅何為可服**注**言皆

以貪餌自中鉤檻也人智之窳也奚爲可測跂動噦
息而奚爲可牧注誠於事故可測牽於事故可牧玉
石之堅也奚可刻注言服飾之窮物也陰陽之號也
孰使之牝牡之合也孰交之君子不察福不來注言
陰陽之稱號牝牡之交合皆自然也君子察自然之
理則福來也故忌而不得是生事故欲而不得是生
詐注生事謂變也生詐謂詐爲求之欲伐而不得生
斧柯欲鳥而不得生網羅欲彼天下是生爲注所以
生成所欲也謂云爲之事也維彼幽心是生包維彼
大心是生雄維彼忌心是生勝注包謂包藏陰謀雄

謂雄桀於人也勝謂勝所忌皆惡忌事也注未一忌
字疑衍
故天爲高地爲下察汝躬奚爲喜怒天爲古地爲久
察彼萬物名於始注言法天地則喜怒無錯推古久
則萬始可知也左名左右名右視彼萬物數爲紀紀
之行也利而無方行而無止以觀人情注名以左右
則物以數爲紀紀則生利利以利情也利有等維彼
大道成而弗改用彼大道知其極加諸事則萬物服
等差也大道天道也極中也事業也用其則必有
羣加諸物則爲之君注羣類舉其脩則有理加諸物
則爲天子注脩長也謂綱例也

逸周書卷第九

逸周書卷第九

[Faded vertical text columns, likely bleed-through from the reverse side of the page]



國家圖書館, NATIONAL CENTRAL LIBRARY, TAIWAN, R.O.C.

逸周書卷第十

武紀解第六十八

銓法解第六十九

器服解第七十

武紀解第六十八

幣帛之間有巧言令色事不成車甲之間有巧言令色事不捷克口事而有武色必失其德臨權而疑必離其災口口不捷智不可口口於不足并於不幾則始而施幾而弗免無功國有三守卑辭重幣以服之弱國之守也脩備以待戰敵國之守也循山川之險而固之僻國之守也伐服不祥伐戰危伐險難故善

伐者不伐三守伐國有六時五動四順閒其疏薄其疑推其危扶其弱乘其衰暴其約此謂六時扶之而不讓振之而不動數之而不服暴之而不革威之而不恐未可伐也此謂五動立之害毀之利克之易并之能以時伐之此謂四順立之不害毀之不利唯克之易并之不能可伐也立之害毀之未利克之難并之不能可動也靜以待眾力不與爭權弗果據德不肆國若是而可毀也地荒而不振德衰而失與無苦而危矣求之以其道口口無不得爲之以其事而時無不成有利備無患事時至而不迎大祿乃遷延之

不道行事乃因不作小口動大殃謀有不足者三仁廢則文謀不足勇廢則武謀不足備廢則事謀不足國有本有幹有權有倫質有樞體土地本也人民幹也敵國侔交權也政教順成倫質也君臣和口樞體也土地未削人民未散國權未傾倫質未移雖有昏亂之君國未亡也國有幾失居之不可阻體之小也不果鄰家難復飾也封疆侵凌難復振也服國從失難復扶也大國之無養小國之畏事不可以本權失口家之交不可以枉繩失鄰家之交不據直以約不虧體以陰不可虞而奪也不可策而服也不可親而

侵也不可摩而測也不可求而循也施度於體不慮
費事利於國不計勞失德喪服於鄰家則不顧難矣
交體侵凌則不顧權矣封疆不時得其所無爲養民
矣合同不得其位無畏患矣百姓屈急無藏畜矣擠
社稷失宗廟離墳墓困鬼神殘宗族無爲愛死矣卑
辭而不聽口財而無枝計戰而口足近告而無顧告
過而不悔請服而不得然後絕好于閉門循險近說
外援以天命無爲是定亡矣援舊作授從趙改蓋所
謂我生不有命在天
凡有事君民守社稷宗廟而先衰亡者皆失禮也大
事不法弗可作法而不時弗可行時而失禮弗可長

得禮而無備弗可成舉物不備而欲口大功於天下
者未之有也勢不求周流舉而不幾其成亡薄其事
而求厚其功亡內無文道外無武迹往不復來者有
悔而求合者亡不難不費而致大功古今未有古今
舊作
故令記據名而不辱應行而不困唯禮得之而無逆
從趙改失之而無咎唯敬成事而不難序功而不費唯時勞
而有成費而不亡唯當施而不拂成而有權久之而
能口唯義不知所取之量不知所施之度不知動靜
之時不知吉凶之事不知困達之謀惠云謀宋本疑
作謀古通用
此五者未可以動大事恃名不久恃功不立虛願不

至妄爲不祥太上敬而服其次欲而得其次奪而得其次爭而克其下動而上資其力凡建國君民內事文而和外事武而義其形慎而殺其政直而公本之以禮動之以時正之以度師之以法成之以仁此之道也

銓法解第六十九

有三不遠有三不近有三不畜敬謀祇德親同三不遠也聽讒自亂聽諛自欺近慙自惡三不近也有如忠言竭親以爲信有如同好以謀易寇有如同惡合計掬慮慮泄事敗是謂好害三不畜也

掬當與播同

器服解第七十

明器因外有三疲二用器服數犢四楛禁豐一籛天韋獨食器魴迤膏倏屑倏樂鈇瑑參冠一竿皆素獨二丸弁焚菜膾五昔纁裏桃枝素獨蒲簞席皆素分獨巾兮纁綏縞冠素紕兮冠組武卷組纓象口口瑱絺紳帶象玦朱極韋素

一作獨簞籛捍次車羔冒口數

周書序

昔在文王商紂竝立困于虐政將弘道以弼無道作

度訓殷人作教民不知極將明道極以移其俗作命

訓紂作淫亂民散無性習常舊作冒常詭案此六文

王惠和化服之作常訓惠和舊作意和詛案左氏傳

此文同今改正上失其道民散無紀西伯脩仁明恥示教作

文酌上失其道民失其業□□凶年作糴匡文王立

西距昆夷北備獫狁謀武以昭威懷作武稱武以禁

暴文以綏德大聖允兼作允文武有七德□王作大

武大明武小明武三篇所脫疑不止一字穆王遭大

荒謀救患分災作大匡穆王當作文王豈穆考亦可

義云周書稱文王在程□□□□□□□□□□

作程寤程典當在此□□□□□□□□□□

□□□□□□□□□□□□□□□□作九開

文王唯庶邦之多難論典以匡謬作劉法文王鄉士

諗發教禁戒作文開維美公命于文王脩身觀天以

謀商難作保開作舊文王訓乎武王以繁害之戒作

八繁文王在鄆命周公謀商難作鄆保文啓謀乎後

嗣以脩身敬戒作大開小開二篇文王有疾告武王

以民之多變作文傲文王告武王以序德之行作文

傳文王既沒武王嗣位告周公禁五戎作柔武戎舊

從趙武王忌商周公勤天下作大小開武二篇作舊

武王評周公維道以為寶作寶典商謀啓平周周人

師告成王以五則作本典五則疑當成王訪周公以

民事周公陳六徵以觀察之作官人舊脫徵字於上

此周室既寧八方會同各以其職來獻欲垂法厥後

作王會王伯厚本無其周公云歿王制將衰穆王因

祭祖不豫詢某守位作祭公某當與穆王思保位惟

難恐貽世羞欲自警悟作史記王但雖弢天命方永

四夷八蠻攸尊王政作職方芮伯稽古作訓納王子

善暨執政小臣咸省厥躬作芮良夫晉侯尚方侵我

王略叔向聞儲幼而果賢口復王位作太王晉王者

德以飾躬用為所佩作王佩王者本或作玉者訛舊

夏多罪湯將放之徵前事以戒後王也作殷祝趙云

衍民非后罔乂后非民罔與為邦慎政在徵作周祝

武以靖亂非直不尅作武紀積習生常不可不慎作

銓法車服制度明不苟踰作器服明本一作民周道於是

乎大備舊無是字趙

案文義補

逸周書卷第十

附錄

昭德晁公武讀書志

以此書入史部雜史類

汲冢周書十卷晉太康中汲郡與穆天子傳同得晉孔晁注蓋孔子刪採之餘凡七十篇古者天子諸侯皆有史官惟書法信實者行於世秦漢罷黜封建獨天子之史存然史官或怯而阿世貪而曲筆虛美隱惡不足考信則儒學處士必私有記述以伸其志將來賴之以證史官之失其弘益大矣以司馬遷之博聞猶採數家之言以成其書況其下者乎亦有聞見單淺記錄失實曾臆偏私褒貶弗公以誤後世者在



觀者慎擇之而已矣

案周書不當繫以汲冢揚升菴已有辨

陳振孫直齋書錄解題

入經部書類

汲冢周書十卷晉五經博士孔鼂注太康中汲郡發魏安釐王家所得竹簡書此其一也凡七十篇序一篇在其末今京口刊本以序散在諸篇蓋以倣孔安國尚書相傳以為孔子刪書所餘者未必然也文體與古書不類似戰國後人依倣為之者

李翼巖逸周書考

晉孔晁注周書十卷案隋唐經籍志藝文志皆稱此書得於晉太康中汲郡魏安釐王家孔晁注解或稱

十卷或八卷大抵不殊若此則晉以前初未有此也然劉向及班固所錄並著周書七十一篇且謂孔子刪削之餘而司馬遷記武王克殷事蓋與此合豈西漢世已得入中祕其後稍隱學者不道及盜發冢乃幸復出邪篇目比漢但闕一耳必班劉司馬所見者也繫之汲冢失其本矣書多駁辭宜孔子所不取抑戰國處士私相綴緝託周為名孔子亦未必見章句或脫爛難讀更須考求別加是正云翼巖李燾

丁黼逸周書跋

夫子定書為百篇矣孟子於武成取其二三策謂血

通志書 附錄
流漂杵等語近於誇也今所謂汲冢周書者類多誇
詡之辭且雜以詭譎之說此豈文武周公之事而孔
孟之所取哉然其閒畏天敬民尊賢尚德古先聖王
之格言遺行尙多有之至於時訓明堂記禮者之所
采錄克殷度邑司馬遷之所援據是蓋有不可盡廢
者晉狼曠曰周志有之勇則害上不登於明堂其語
今見之篇中此吾夫子未定之書也漢蕭何云周書
曰天子不取返受其咎此則夫子既定之後而書無
此語意者其在逸篇乎其後班固志藝文書凡九家
有周書七十一篇劉向云周時誥誓號令蓋孔子所

論百篇之餘也以兩漢諸人之所纂記推之則非始
出於汲冢也明矣惜乎後世不復貴重文字日就泮
訛予始得本於李巽巖家脫誤爲甚繼得陳正卿本
用相參校脩補頗多其閒數篇尙有不可句讀脫文
衍字亦不容強解者姑且刻之俟求善本更加增
削庶使流傳以爲近古之書云嘉定十五年夏四月
十一日東徐丁黼謹識

